

Matthew wenjhtl'è

Du Zezi wecho agut'e

¹ Zezi-Kri, k'àowocho David gots'ò dọ họt'e, eyits'ò David, Abraham gots'ò dọ họt'e. Dii dọ Zezi-Kri wecho agut'e:

² Abraham, Isaac wetà họt'e; Isaac, Jacob wetà họt'e; Jacob, Judah eyits'ò wechike gità họt'e; ³ Judah, Perez eyits'ò Zerah gità họt'e (gimọ Tamar wiyeh); Perez, Hezron wetà họt'e; Hezron, Ram wetà họt'e; ⁴ Ram, Aminadab wetà họt'e; Aminadab, Nashon wetà họt'e; Nashon, Salmon wetà họt'e; ⁵ Salmon, Boaz wetà họt'e (Boaz wemọ Rahab wiyeh); Boaz, Obed wetà họt'e, (Obed wemọ Ruth wiyeh); Obed, Jesse wetà họt'e; ⁶ Jesse, k'àowocho David wetà họt'e.

David, Solomon wetà họt'e (eyits'ò Solomon wemọ Uriah wets'èkèè ilè); ⁷ Solomon, Rehoboyam wetà họt'e; Rehoboyam, Abiya wetà họt'e; Abiya, Asa wetà họt'e; ⁸ Asa, Jehosaphat wetà họt'e; Jehosaphat, Jehoram wetà họt'e; Jehoram, Uzziyah wetà họt'e; ⁹ Uzziyah, Jotham wetà họt'e; Jotham, Ahaz wetà họt'e; Ahaz, Hezekiah wetà họt'e; ¹⁰ Hezekiah, Manaseh wetà họt'e; Manaseh, Amon wetà họt'e; Amon, Josiah wetà họt'e; ¹¹ Josiah, Jeconiyah eyits'ò wechike gità họt'e. Israel got'ù Babylon nèk'e ts'ò agiìdà ekò Josiah, Jeconiah eyits'ò wechike ekiiyèè k'e giìdà ilè.

¹² Israel got'ù Babylon nèk'e gots'ò nọ̀ògùde t'axòè dii dọ sù Zezi-Kri wecho agut'e: Jeconiah,

Sheyaltiel wetà họt'e; Sheyaltiel, Zerubabel wetà họt'e; ¹³ Zerubabel, Abiyud wetà họt'e; Abiyud, Elyakim wetà họt'e; Elyakim, Azor wetà họt'e; ¹⁴ Azor, Zadok wetà họt'e; Zadok, Akim wetà họt'e; Akim, Elyud wetà họt'e; ¹⁵ Elyud, Eleazar wetà họt'e; Eleazar, Mathan wetà họt'e; Mathan, Jacob wetà họt'e; ¹⁶ Jacob, Joseph wetà họt'e. Joseph, Mary wedqzhì họt'e. Zezi, Christ wets'edù sù, Mary ts'q dq elì họt'e.

¹⁷ Eyit'à Abraham ùdà ts'q, David ùdà gots'ò dqzhì hoònq-daats'ò-dì eletl'axqò gùde. Eyits'q David ùdà gots'q Israel got'ù Babylon nèk'e ts'ò agùdlà gots'ò k'achì dqzhì hoònq-daats'ò-dì eletl'axqò gùde. Eyits'q Israel got'ù Babylon nèk'e ts'ò agùdlà gots'q Christ dq elì gots'ò k'achì dqzhì hoònq-daats'ò-dì eletl'axqò gùde.

Zezi-Kri dq-elì wegodù

¹⁸ Dù sù Zezi-Kri dq-elì wegodù họt'e: Wemq Mary, Joseph xè honìda ha wìichì ìlè. Ìlè elexè nàgedè-le et'ì Yedayeh Nezi dahxà hotì eda-le ajà.

Joseph Nàwhetì

¹⁹ Joseph dq nezi họt'e. Mary dq daà edeghò ùzhaelì ha yùhwhq-le. Yexè honìda ha ìlè, hanìkò ts'èwhì wedè ayele ha nıwq. ²⁰ Hanì nàniwo ekò nàwhetì, yak'eet'ù wets'ò wègoèht'ì, yets'ò hadì, “Joseph, k'àowocho David wets'q dq, Mary wıchì. Nets'èkeè elì ha weghq nànewo-le. Webebia yeyù whedaa sù Yedayeh Nezi ayılà họt'e. ²¹ Dqzhia nìhtè ha. Edèot'ì gıhoù ch'à edaxàgole ha t'à, Zezi wiyeh awıle ha,” yèhdì.

22 Eyɪ hazqò hanàhòwoo sɪ gots'ò K'àowo nakwenàozqò t'à goɪde ɲlèe sɪ k'èè agode ha t'à hagòjà hq̄t'e. Dɪ hadɪ ɲlè:

23 *“T'eekogò hotù eda-le ade ha, dq̄zhia nìhtè ha eyɪts'ò Emmanuel wìyeh ha,” hadɪ ɲlè. (Emmanuel ts'edu sɪ “Nòhtsɪ goxè nàwo” ts'edù-ats'edi.)*

24 Joseph ts'ɲwo ekò yak'eet'ɲì dàyèhdɪ k'èè eghàlajà. Mary wets'èkèè elɪ ha edekò ts'ò yeèhchì. 25 Hanìkò Mary wezaa gòhɲ gots'ò yet'àìtè-le. Wezaa Zezì wìyeh ayɲlà.

2

K'àowo whò k'èè giadè

1 Zezì kòta Bethlehem wegòhɲ ekò Herod Judea nèk'e k'àowocho elɪ ɲlè. Zezì wegòhɲ t'axqò nɪwàa nèk'e gots'ò k'àowo Jerusalem nègɲde. 2 “Bebia laedi?” gedi dq̄ dageehke, “Eyɪ chekoa Israel got'ɲì gha k'àowocho elɪ ha wegòhɲ sɪ welaedi? Ìdè gonèk'e wets'ò whò ts'aɪ. Weghàsq̄ts'eedi ha jò nèts'ɲde,” gedi.

3 K'àowocho Herod yeghò ɲikw'o ekò sɪ nàɲwoò lajà eyɪts'ò dq̄ hazqò Jerusalem nàgedèe sɪ dàhodù-ahodi gɲwò. 4 Eyɪt'à yahtɪ-gha-k'aodèe gɲɲ eyɪts'ò Nòhtsɪ-yatù-k'ègedì-dq̄ò gokayahtɪ. Dagoehke, “Dq̄ edaxàgole ha, Christ wèts'edi sɪ, edɲ wegòhɲ ha dek'eèht'è?” gòhdɪ dagoehke.

5 “Judea nèk'e kòta Bethlehem gòyeh ekò wegòhɲ ha,” gɲhdɪ, “Nakwenàozqò weghò dɪ hani gɲt'è ɲlè: 6 Judea nèk'e, kòta Bethlehem gòyeh sɪ ekò kòta gòlaa hazqò nahk'e wet'àazà hq̄t'e. Eyɪ kòta gots'ò k'àowo nùtla ha. Ededɪ, Israel got'ɲì gha

k'àowo elı xè gok'èdì ha,' dek'eèht'è,” k'àowocho Herod ts'ò hagedı.

⁷ Eyit'à k'àowocho Herod eyı k'àowo tai nı̄dee sı̄ı whatsòò gots'ò goıde. Dàht'e whò gıazı̄ sı̄ı sets'ò hagıdì nıwò. ⁸ Gots'ò goıde t'axòò Beth-lehem ts'ò nagoèhʔà, hadı, “Bebıa hotı̄ı nezı̄ı wekak'eaht'ı̄. Wegòahʔò ts'òet'ı̄ı sets'ò haahdı nòò. Sı̄ı sı̄ı weghàsòehdı gha wets'àhtı̄a ha dehwhò,” gòhđı.

⁹⁻¹⁰ K'àowo tai k'àowocho Herod gı̄ıhkwo'ò t'axòò ekò ts'òò geède. Gınèk'e eyı whò gıazı̄ ı̄lèe sı̄ı k'achı̄ gıazı̄ t'à sı̄ı gınà. Whò gınakweè eza t'à gıadè. Edı̄ı bebıa whedaa sı̄ı wegodoo nı̄ʔò. ¹¹ Eyı kò goyageède ekò, bebıa eyıts'ò wemò Mary gıazı̄. Bebıa gà nàgògı̄ıhgè xè gıghàsòedi. Eyı t'axòò sòmbaekwo, wet'à lo lekòò dek'òò eyıts'ò yik'eet'ı̄òò dètı̄ı xàgı̄ıwa gà bebıa ghàgı̄ıla.

¹² Nageedè kwe nàgete; k'àowocho Herod ts'ò anagede ha-le, eyı yatı gıghòt'ò. Eyit'à tı̄ı eyı̄-le k'e edenèk'e ts'ò anagejà.

Egypt nèk'e ts'ò kwı̄geèhde

¹³ K'àowo tai nageèhde t'axòò Joseph nàwhetı̄, yak'eet'ı̄ı wets'ò wègoèht'ı̄. Yak'eet'ı̄ı yets'ò hadı, “Nı̄ıtı̄a! Bebıa, wemò xè Egypt nèk'e ts'ò kwı̄ahdè. Nets'ò haehsı̄ gots'ò ekò nàahdè. K'àowocho Herod eyı bebıa ełààhwhı̄ ha nıwò t'à yehak'eèt'ı̄,” yèhđı.

¹⁴ Eyit'à to et'ı̄ı Joseph nı̄ıtı̄a. Bebıa eyıts'ò wemò xè Egypt nèk'e ts'ò dèhtı̄a. ¹⁵ K'àowocho Herod ełajıwò ts'ò ekò nàgı̄ıdè. Eyit'à Nòhtsı̄ dahxà nakwenàòʔòò yeghò goıde ı̄lèe sı̄ı wek'èè agòjà. Dıı hagedı ı̄lè: “Egypt nèk'e gots'ò seza wekagohde,” hagedı dek'eèht'è.

¹⁶ K'àowocho Herod eyi k'àowo tai gighoƷyaèhƷo yek'èhoèhƷà ekò, sù wek'èch'a. Eyit'à dui hani yati whehtsi: “Kòta Bethlehem eyits'o wemqò kò gòlaa ekò dqzhia nechà-lea hazqò èlaàgogihde ha,” gòhdi. Eyit'à dqzhia hazqò nàke gighoè ts'o ɷzhii ts'ò èlaàgogiihdè. K'àowo tai whò giazi gots'o dqzhia gighohii gidzèè gihta weghàà èlaàgogiihdè. ¹⁷ Eyi sù nakwenàozqò Jeremiah weyatii k'èè agode ha t'à agòjà, dui hadi ilè,

¹⁸ “Kòta Ramah gixè hoila nàhòwo. Sù nàniqeti xè getse hot'e. Rachel wezaa giwhile t'à goghò etse, hanikò dq wuzii yeghònàdaeti ha niwq-le,” Jeremiah hadi dek'eèht'è.

Kòta Nazareth ts'ò anagejà

¹⁹ K'àowocho Herod èlaɷwo t'axqò Egypt nèk'e Joseph nàwheti t'à yak'eet'ii wets'ò wègoèht'i. ²⁰ Yak'eet'ii yets'ò hadi, “Niiɷla! Hòt'a chekoa, wemqò xè Israel nèk'e ts'ò anaade. Dq bebia weweè hagiwq ilèe sù hazqò èlaàgudè,” yèhdi. ²¹ Eyit'à Joseph niiɷla, chekoa eyits'o wemqò xè Israel nèk'e ts'ò anajà.

²² Ekiyeè k'e Arkelayus, edetà Herod t'axqò Judea nèk'e gha k'àowocho wheli. Joseph yeghò iikw'o ekò, ekò ts'ò anade ha deji lajà. Nàte ekò ekò ts'ò anade ha-le gha weghonatiè't'o t'à Galilee nèk'e ts'ò ajà. ²³ Kòta Nazareth ekò nàdè ajà. Eyi sù nakwenàozqò giyatii k'èè agode ha t'à agòjà, dui hagedi ilè, “Nazareth got'ii wiyeh ha,” gedii giit'è.

3

John-Baptist dq ts'ò gode xèhoihwho

¹ Sìghajwaa tì'axqò John-Baptist Judea nèk'e ts'ò nìwà-lea ekù-ka nèk'e ekò dọ hoghàehtò, ² hadì, “Edek'eahhì, naxìní eładì aahle! Nòhtsì Wenàowoò k'èè nèhòkw'ì ha nìkw'o,” hadì dọ ts'ò gode. ³ Eyì dọ nakwenàozqò Isaiah yeghò gojde ìlè, dū hanì dek'eèhtl'è,

“Ekù-ka nèk'e du hats'edù yats'izeh họt'e, ‘Gots'ò K'àowo wegħa sùgoahle; wegħa tìlì ehkw'ì nìzà aahle,’ ” dek'eèhtl'è.

⁴ John-Baptist wegoh't'ò tìts'aadìcho wegħà t'à hòèlì eyìts'ò ewò t'à wewè elì. Ts'aelòq eyìts'ò kw'iahnq-dì hanì ghò shètì t'à eda. ⁵ Jerusalem gots'ò, Judea nèk'e gots'ò eyìts'ò Jordan gà gots'ò dọ hazqò gìts'ò-ède. ⁶ Edehòhì ghò hqdegeedè tì'axqò Jordan-deh nìzàa yì tì t'à gok'ètaìdzò.

⁷ Pharisee gùlù lq eyìts'ò Sadducee gùlù lq, edì sù John-Baptist dọ k'ètaìdzù sù ekò ts'ò geède. John-Baptist gots'ò hadì, “Naxì, wehìlì weza laah't'e! Nòhtsì nànaxeehkwa ch'à kw'jahdè ha nùle. ⁸ Edek'eahhì nùdè wek'èè eghàlaahda. ⁹ ‘Abraham gotà họt'e,’ dahdì t'à, naxìxè t'asagode ha-le dahwhò nì? Nòhtsì sù jò kwe whela t'à Abraham għa chekoa ehtsì ha dī nùle. ¹⁰ Ts'ì nàekwì ha gokwì hòt'a ts'atà whezò họt'e. Ts'ì hazqò wek'e jìecho nezì-le dehshee sù nàgeehkà gà kwìgeehdè ha. (Eyìt'à hotì ts'ì nezì laah't'e.)

¹¹ “Edek'eahhì nùdè tì t'à naxìk'ètaìhdzì họt'e, hanìkò dọ ìlè senahk'e elì sù sek'èè nùtla ha. Wekechìt'ì ejiēge ha kò dọ lahoeht'ì nùle. Edeđì sù Yedàyeh Nezì eyìts'ò kò nàtsoo t'à naxìk'ètaìdzì ha họt'e. ¹² Jìe eyìts'ò t'asì weta goet'òq sù ìlak'aà ayele għa sìnìwheda họt'e. Jìe sù xehkò goyayeewa

ha, hanikò t'asì weta goet'qò sù welò while ts'ò yek'eehk'ò ha,” John-Baptist hadì dọ ts'ò gode.

Zezi wek'etàidzọ

¹³ Ekò k'e Zezi John-Baptist yek'etàidzì ha nıwq t'à, Galilee nèk'e gots'q deh Jordan ts'ò ajà. ¹⁴ Hanikò John-Baptist Zezi hade ha nıwq-le t'à, yets'ò hadì, “Nì t'aa sek'etàidzọ ha họt'e ıle. Dànighọ nı ehıı sets'ò nèetla?” yèhdi.

¹⁵ Zezi yets'ò hadì, “Hani welè kò. Du hani gogha ehkw'ı hòzqò sù deghàà wek'èè ats'ıle.” Zezi yèhdi t'à, John-Baptist yek'èhoızq.

¹⁶ Zezi wek'etàidzọ ts'òet'ı tı yì gots'q nııtla ekò hqtsaa yak'e ehts'qò ajà. Yedayeh Nezi k'aba de-goo lanı yek'e daàhtla, Zezi yaı. ¹⁷ Yak'e gots'q hats'edı họt'e, “Du sù Seza họt'e, weghqneehq eyıts'q weghq sìghà dehwhq,” hats'edı họt'e.

4

Zezi wehıı yeèhdzà

¹ Eyı t'axqò Zezi wehıı yeèhdzà ha Yedayeh Nezi ekı-kà nèk'e ts'ò ayıılà. ² Ekq dıenq dzq ts'ò t'ası wıızı wewàhqqdi-le, eyı t'axqò sù bò ghaewı ajà. ³ Wehıı Zezi gà nııtla, hadì, “Nòhtsı Weza anet'e nıdè, jọ kwe whelaa sù neyatı t'à lèt'è gıhlè anele,” yèhdi.

⁴ Zezi yets'ò hadì, “Du hani dek'eèhtl'è họt'e: ‘Dọ sù lèt'è zq t'à eda nıle. Nòhtsı weyatı hazqò t'à eda họt'e,’ ” yèhdi.

⁵ Eyı t'axqò wehıı Jerusalem ts'ò yeèhchı. Ekq Nòhtsıkò-gocho weka dagqowà nèyeèchı, ⁶ hayèhdi, “Nòhtsı Weza anet'e nıdè ızhıı hodàdıghà. Du hani dek'eèhtl'è ne t'à:

‘Nòhtsɪ edeyak'eet'ɪ ts'ò du hadɪ ha, “Hotù wexoahdi.” Kwe k'e dets'aɪtà ch'à yak'eet'ɪ edilà t'à danegih̄tè ha ne,’” yèhdi.

⁷ Hanikò Zezì yets'ò hadɪ, “Dɪ hanì sɪ dek'eèhtl'è hɔt'e: Nòhtsɪ naxits'ò K'àowo sù t'asù nezɪ-le t'à weahdzà ha nùle,” yèhdi.

⁸ Wehɪ k'achɪ Zezì shìh sù danɪchàa k'e nèyɪhtɪ gà dɪ nèk'e hazòò xèdaat'ɪ gòlaa sù yeghàedaà ayɪlà. ⁹ Wehɪ yets'ò hadɪ, “Sets'ò nàgòneehgè xè seghàsɔɪdɪ nɪdè dɪ hazòò neghàeh̄le ha,” yèhdi.

¹⁰ Zezì yets'ò hadɪ, “Wehɪ, sets'òò naitlè! Dɪ hanì dek'eèhtl'è hɔt'e: ‘Nòhtsɪ naxits'ò K'àowo sù ededɪ zò wets'ò nàgòahgè ha hɔt'e, eyits'ò ededɪ zò wek'èah̄t'e ha hɔt'e,’ dek'eèhtl'è,” yèhdi.

¹¹ Eyɪ tɪ'axòò wehɪ yets'òò nàèhtl̄a. Ekòet'ɪ yak'eet'ɪ Zezì gà nègɪde xè yeghò shètɪ gɪghàdɪ.

Zezì dɔ hoghàehtɔ xèhoj̄hwho

¹² Zezì, John-Baptist wedaàtòò agɪlà ghò ùkw'o ekò Galilee nèk'e ts'ò anajà. ¹³ Kòta Nazareth nàidè tɪ'axòò kòta Capernaum nàdè ajà. Eyɪ kòta Zebulun eyits'ò Naphtalɪ gɪnèk'e, tɪ nechàa whehtò gà gòòò. ¹⁴ Eyɪ sù nakwenàòòò Isaiah weyatù k'èè agòjà, dɪ hadɪ ìlè:

¹⁵ “Zebulun got'ɪ, Naphtalɪ got'ɪ, eyits'ò dɔ tɪ nechàa gà nàgedè sù, aàhkw'ò. Jordan deh nìzàa gà nàahdè sù, eyits'ò Galilee got'ɪ dɔ eyì-le xàzàa ta nàahdè sù aàhkw'ò. ¹⁶ Naxɪ togoòt'ò nàahdè sù dzèh naxik'e saɪdɪ ajà, eyits'ò naxɪ èlaahde ha nìkw'oo sù naxixè sù dzèh agòjà,” dek'eèhtl'è.

¹⁷ Ekìyèè k'e Zezì dɔ hoghàgoehtòò ajà, hadɪ, “Edek'eah̄ɪ, naxìnì èladɪ aah̄le! Nòhtsɪ Wenàowoò k'èè nèhòkw'ɪ ha ts'ò whaà-le agòjà,” gòhdi.

Zezi t'akwelòò edecheekeè whehtsɪ

¹⁸ Zezi, Galilee-tì gà tabàa k'etlo ekò ełechi nàke goazɪ. Ịlè Simon wiyeh (Peter sɪ wiyeh) eyits'ò wechi Andrew. Ƙ-k'aàdèe agɪt'e t'à mị tègeehdè ɲlè. ¹⁹ Zezi gots'ò hadɪ, “Sek'èahdè, dọ ịọ ààhli anaxehle ha,” gòhdɪ. ²⁰ Ekòet'ìì edemì ts'òò nàlegeèhtla gà Zezi k'èè ịegeèhtla.

²¹ Ekọ gots'ò nageèhde ekò k'achɪ ełechi eyi-le nàke goazɪ, Zebedee weza James eyits'ò wechi John. Edetà xè elà yì edemì get'ɪ ɲlè. Zezi, sek'èahdè, gòhdɪ t'à, ²² ekòet'ìì elà eyits'ò edetà ts'òò nàlegeèhtla gà Zezi k'èè ịegeèhtla.

Zezi dọ eyaelɪ k'aat'ìì agohɪ

²³ Eyi t'axòò Zezi Galilee nèk'e kòta yàgòlaa sù gota k'etlo, elègehde-kò goyì dọ hoghàehtọ. Nòhtsɪ Wenàowoò k'èè hòzọọ wegodiì nezɪ t'à dọ ts'ò gode, eyits'ò dọ hazọọ eyagɪɲɲ sù k'aat'ìì agòòlà. ²⁴ Syria nèk'e hazọọ wegodiì gɪkw'o t'à dọ eyagɪɲɲ sù hazọọ Zezi ts'ò gogeèwa. Dọ tàda deè t'à eyagɪɲɲ, dọ mihɪ gits'ò-èlɪ, dọ edoo t'à eyagɪɲɲ, eyits'ò dọ gɪkw'òò ẹlɪdèe sù hazọọ Zezi k'aat'ìì agòòlà. ²⁵ Galilee nèk'e gots'ò, kò gòlaa Decapolis gots'ò, kòta Jerusalem gots'ò, Judea nèk'e gots'ò, eyits'ò deh Jordan wetadà gots'ò, dọ ịọ Zezi k'èè geède.

5

Amì wexè sìghà họt'e

¹ Zezi dọ ịọ elèwhede goazɪ ekò shìh dekegòòzaa k'e dekùtla. Hoghàgoehtọ gha dèhkwa, wecheekeè gɪmòò nìde. ² Dì hadì, goxè godo:

³ “Amì eteèt'ìì edek'ègeezọọ sù gɪxè sìghà họt'e;

- Nòhtsɿ Wenàowoò k'èè hòzɔɔ sɿ gɿts'ò-èlɿ hɔt'e.
 4 Amì gɿdzeè nànuɿ sɿ gɿxè sɿghà hɔt'e;
 gɿxè hoɿzɿ agode ha.
 5 Amì k'èeweèt'ɿ gɿlɿ sɿ gɿxè sɿghà hɔt'e;
 dèè gɿghaelɿ ha.
 6 Amì nàowo ehkw'ɿ ghɔ sɿ hòt'ò agɿwɔɔ sɿ gɿxè
 sɿghà hɔt'e;
 ayɿ gɿwɔɔ sɿ gɿghòt'à ha.
 7 Amì wedzeè eteèzɿ gɿlɿ sɿ gɿxè sɿghà hɔt'e;
 Nòhtsɿ etegoèhɿ ha.
 8 Amì wedzeè degaɿ hɔt'e sɿ gɿxè sɿghà hɔt'e;
 Nòhtsɿ geɿ ha.
 9 Amì dɔ xè ts'èwhɿ hɔgehtsɿ sɿ gɿxè sɿghà hɔt'e;
 Nòhtsɿ weza gɿyeh ha.
 10 Amì nàowo ehkw'ɿ k'èè geeda k'èxa dɔ da-
 gɔgɿhɿzàa sɿ gɿxè sɿghà hɔt'e;
 Nòhtsɿ Wenàowoò k'èè hòzɔɔ sɿ gɿghaelɿ ha.
 11 “Sets'ihzò dɔ naxɿk'adageedè xè danaxegɿhɿzà
 eyts'ɔ naxɿghɔ hogets'ì gogede nɿdè, naxɿxè sɿghà
 hɔt'e. 12 Dànì aahda k'èxa yak'e t'asɿ nezɿ edegha
 daahnɔɔ sɿ naxɿdawheɔ t'à sɿ naxɿnà hɔt'e. Eyɿ
 xèht'èè gɿcho nakwenàozɔɔ dagɔgɿhɿzà ɿlè.

Dewa eyts'ɔ dzɛh nɿdɿ laaht'e

13 “Naxɿ sɿ dɿ nèk'e dɔ hazɔɔ gɿgha dewa
 nàtsoo laaht'e. Hanìkò dewa lèdì-le aja nɿdè dànì
 k'achɿ lèdì anajà lì? t'asɿ gha wet'àazà-le at'ì-ɿdè
 naɿats'eeht'ì gà dɔ gɿk'e k'edè.

14 “Naxɿ sɿ dɿ nèk'e dɔ hazɔɔ gha dzɛh nɿdɿ
 laaht'e. Shihka kògodeè gòzɔɔ sɿ dɔ hazɔɔ gha
 wègaat'ɿ hɔt'e. 15 Dɔ wɿzɿ tleèk'òɔ yìhtɿ gà tɔ t'ɿ
 nèyeechɿ nùle, hanìkò ɿdòo dawheɔzɔɔ ayehɿ. Hanì-
 ɿdè dɔ goyɿ geèhk'ee sɿ wet'à gɿgha dzɛh agòht'e

ha. ¹⁶ Eyì xèht'e è naxì sì dọ hazòò gígha dzèh nùdù laaht'e ha họt'e. Hanì-ìdè dànì nezù eghàlaahdaa sù gíghàeda t'à Naxità yak'e whedaa sù ghàsògeedi ha.

Zezi ayù dek'eèht'è k'èè eghàlaeda

¹⁷ “Moses wenàowoò eyits'ò nakwenàozoò gùnh'è wèdè ahle gha jò ahjà nùle; gíyatù wek'èè hòzoò ahle ha jò nèeht'la họt'e. ¹⁸ Ehw'ì anaxèehsì, yak'e eyits'ò dù nèk'e while agode gots'ò gíyatù nechà-lea làet'ee kò wèdè ha nùle. T'asì hazòò dek'enègùt'è sù wek'èè agode gots'ò, yatù wùzù wèdè adle ha-le. ¹⁹ Amì nàowo nechà-lea kò yek'èit'e-le xè hanì dọ hoghàehtò nùdè Nòhtsì gha dek'azì elì ha. Hanìkò amì eyì nàowo k'èè eghàlaeda xè hanì dọ hoghàehtò nùdè Nòhtsì gha dọ wet'àazàa elì ha. ²⁰ Eyit'à ehkw'ì anaxèehsì, Pharisee gùlù eyits'ò Nòhtsì-yatù-k'ègedì-dòò gùnahk'e ehkw'ì aahda lenòsù, Nòhtsì Wenàowoò k'èè hòzoò sù goyaahde ha nùle.

Naxèot'ì gits'ò ehkw'ì aahda

²¹ “Ìnèè whaà gots'ò dù yatù naxìts'ò nùit'òò sù wek'èahsò họt'e: ‘Dọ elàhwhì-le. Amì dọ elàhwhoo sù wesinìyaeti ha.’ ²² Hanìkò sù dù hanaxèehsì: Dọ edèot'ì ts'ò ìch'ee sù wesinìyaeti ha. Eyits'ò dọ edèot'ì ts'ò ìch'è t'à ‘Gonezo-le,’ hadù sù k'aodèe gùsinìyaeti ha. Eyits'ò amì edèot'ì ts'ò ‘Ezhìne anet'e,’ hadù sù weh'kò dàzàa awedle ha sònl.

²³ “Eyit'à kwe-ladà k'e t'asì Nòhtsì ghàzà ekìyèè k'e nèot'ì k'èch'a eghàlaneanàa sù wenaàdì nùdè, ²⁴ t'asì Nòhtsì ts'ò k'èhk'ò ha ìlè sù eyì àzòò anele. T'akwèlòò nèot'ì ts'ò àt'la gà elèxè sùgoahle, eyì t'axòò-ìdè t'asì Nòhtsì ts'ò k'èhk'ò ha dù-le.

25 “Dɔ ɡɪk'èch'a eghàlaahda t'à naxɪghɔ nàyaetɪ kwe-t'ì ɡɪxè sùgoahlè. Ʒɪxè nàyaetɪ-kò ts'ò laahtlè-t'ì ɡɪxè sùgoahlè. Haahlà-le nɪdè dɔ-sɪnɪyaehtɪ-dɔɔ ts'ò anaxegele ha. Dɔ-sɪnɪyaehtɪ-dɔɔ sɪ kw'ahtɪ ɡhànaɣèhtè ha eyɪts'ɔ naxɪdaitɪ anaxegele ha. 26 Ehw'ɪ anaxèehsɪ, satsɔɔ nɔɔde ts'ò naxɪnɪht'è naahlà-le nɪdè, dɔ-danɪlaa-kò ɡots'ɔ kɔahdè ha nùle.

Elexè hoɔɪ hoahtsɪ-le

27 “Dɪ hats'edɪ ɡhɔ aàkw'o ɲlè, ‘Elexè hoɔɪ hoahtsɪ-le.’ 28 Hanìkò sɪ dɪ hanaxèehsɪ: Amɪ ekɔ-le nànwɔ t'à ts'èko ɡhàeda nɪdè hòt'a edɪnɪ t'à yexè hoɔɪ hòehtsɪ hòt'e. 29 Naxɪdaà ɲlè wet'à hoɔɪ hoahtsɪ nɪdè xàah't'à ɡà ɔɔahk'a. Naxɪdaà ɲlè wedɪhòɪ naxɪgha denahk'e nezɪ hòt'e. Hanì-le-ɲdè naxɪzhɪ hazɔɔ xè wehɪkò ts'ò anaxedle ha. 30 Eyɪts'ɔ naxɪlà ɲlè t'à hoɔɪ hoahtsɪ nɪdè wek'eaht'à ɡà ɔɔahk'a. Naxɪlà ɲlè wedɪhòɪ naxɪgha denahk'e nezɪ hòt'e. Hanì-le-ɲdè naxɪzhɪ hazɔɔ xè wehɪkò ts'ò anaxedle ha.

ɔɔlets'eehdè-le

31 “ɲnèɔ dɪ hagedɪ ɲlè: ‘Dɔzhɪ edets'èkeè ɔɔyeede ha nɪwɔ nɪdè ɔɔlets'eehdè nɪht'è yeghàyezah ha.’ 32 Hanìkò sɪ dɪ hanaxèehsɪ: Dɔ wets'èkeè eyɪ-le dɔ xè hoɔɪ hòehtsɪ-le kò ɔɔyeèdo nɪdè ededɪ wet'à wets'èkeè eyɪ-le dɔ xè at'ɪ lanì. Eyɪts'ɔ dɔzhɪ ts'èko ɔɔweèdo sɪ xè honɪdza nɪdè hoɔɪ hòehtsɪ hòt'e.

Yatɪ nàtsoo ts'ehsɪ sɪ nàts'eezhɪ nùle

33 “ɲnèɔ ɡots'ɔ dɔ dɪ hagedɪ ɲlè: Yatɪ nàtsoo whahtsɪ nɪdè wek'eahzhɪ-le. Nòhtsɪ ts'ò yatɪ nàtsoo whahtsɪ nɪdè wek'èè eghàlaahda ha hòt'e. 34 Hanìkò

sɪ dɪ hanaxèehsɪ: Yak'e Nòhtsɪ wedaèhchɪcho hɔt'e ts'ihzò, wet'à yatɪ nàtsoo aahtsɪ-le. ³⁵ Dɪ dèè Nòhtsɪ yek'e nàèt'è hɔt'e ts'ihzò wet'à yatɪ nàtsoo aahtsɪ-le. Eyɪts'ɔ Jerusalem k'àowocho wet'àaʔaa deè wekògodeè ne ts'ihzò wet'à yatɪ nàtsoo aahtsɪ-le. ³⁶ Naxɪkwìghà ìlè kò degoo hanì-le-ɪdè dezòò aahle ha dɪ ts'ihzò naxɪkwì t'à yatɪ nàtsoo aahtsɪ-le. ³⁷ 'Hɛʔe,' dahdɪ nɪdè wek'èè eghàlaahda, eyɪts'ɔ 'ìle,' dahdɪ nɪdè wek'èè eghàlaahda; eyɪ weʔòò yatɪ nàtsoo t'à xàyaahɪ sɪ wehɪ weyatɪ hɔt'e.

Ek'èt'à dɔ ghàhòahʔà-le

³⁸ “Dɪ hats'edɪ weghɔ aàhkw'o ìlè: ‘Sedaà nàneeht'ɪ nɪdè sɪ sɪ nedaà nàeht'ɪ ha, eyɪts'ɔ seghòò nàneezi nɪdè sɪ sɪ neghòò nàehzi ha.’ ³⁹ Hanìkò sɪ dɪ hanaxèehsɪ: Hoɪ-dòò elɪ sɪ naxɪk'èch'a eghàlaeda kò ek'èt'à weghàhòahʔà-le. Dɔ tsɪnaxɪkà nɪdè k'achɪ wets'ò naahʔa. ⁴⁰ Dɔ naxɪghɔ nàyaeti anaxele ha nɪwɔ xè naxɪkw'ihzèè naxɪghɔ nɪyɪʔa nɪdè, naxɪzèè sɪ nɪyɪʔa kò. ⁴¹ Dɔ, ìlè echɪ haɪwa ts'ò wek'èahdè anaxɪlè nɪdè, nàke echɪ haɪwa ts'ò wek'èahdè. ⁴² Dɔ t'asɪ naxeeke nɪdè t'asɪ weghàahʔà, eyɪts'ɔ dɔ t'asɪ weghòniahʔà naxɪhwhɔ nɪdè, ìle wèahdɪ-le.

Dɔ naxɪngelɪ-le sɪ gɪghòniahɔ

⁴³ “Dɪ hagedɪ weghɔ aàhkw'o ìlè: ‘Naxèot'ɪ gɪghòniahɔ, hanìkò dɔ naxɪngelɪ-le sɪ gɪdzaahwhɔ.’ ⁴⁴ Hanìkò sɪ dɪ hanaxèehsɪ: Dɔ naxɪngelɪ-le sɪ gɪghòniahɔ eyɪts'ɔ dɔ danaxegɪhʔaa sɪ gɪgha yaahɪ. ⁴⁵ Haaht'ɪ nɪdè Nòhtsɪ Naxɪtà yak'e whedaa sɪ weza aaht'e. Dɔ nezɪ, dɔ nezɪ-le elèht'èè gogha sadeè daaʔaa ayeʔɪ; eyɪts'ɔ dɔ ehkw'ɪ

geedaa, dọ ehkw'1 geeda-le elèht'eè gogha chọh at'11 ayehz1. ⁴⁶ Dọ nax1ghọnegeètqọ zọ g1ghọniahtọ n1dè, ey1 t'as1 n1ile. Sọm̄ba-nàgehts1-dọq eded1 kò elèghọnegeètqọ họt'e. ⁴⁷ Naxèot'1 zọ ts'ọ nez11 naahza n1dè, dọ ey1-le g1nahk'e t'as1 nez11 hòahst1 n1ile. Dọ Nòhts1 k'ègeezq-le eded1 kò elèts'ọ nez11 nageza họt'e. ⁴⁸ Eyit'à Nòhts1 Naxità yak'e whedaa s1 dega1 họt'e, wexèht'eè nax1 s1 dega1 aah't'e ha họt'e.

6

Dọ-teèt'11 s1 g1ts'àahd1

¹ “Kexoahd1, wet'à nax1ghọ nez11 aged1 ha dah-whọ t'à, dọ nadaq zọ ehkw'1 k'ehoahza-le. Haaht'1 n1dè Naxità yak'e whedaa s1 ey1 k'èxa t'as1 nax1ghàza ha-le.

² “Eyit'à dọ-teèt'11 ghàahd1 n1dè dọ hazọq g1ghọ gode gha k'ehoahza-le. Dọ dega1 degeets1 s1 han1 k'ehogeza họt'e. Dọ gots'ọ nez11 ag1wọ ha g1wọ t'à elègehdeè-kọ goy1 eyits'ọ kọta dọ ts'ọ haged1 agogehz1. Ehkw'1 anaxèehs1, t'as1 edegha geèhnọq s1 hòt'a deghàa g1ghọt'ọ họt'e. ³ Naxilà 1è t'à dọ-teèt'11 ghàahd1 n1dè naxilà ey1-le yek'èwezà sọq. ⁴ Eyit'à dọ ghàahd1 n1dè dọ g1k'èezq welè sọq. Han1dè Nòhts1 naxità dọ naàhtq dàah't'1 yeghàedaa s1 wek'èxa t'as1 nez11 nax1ghàza ha.

Dàn1 yaaht1 ha

⁵ “Yaaht1 n1dè dọ dega1 degeets1 s1 g1xèahz1-le. Dọ goghàgeeda ha g1wọ t'à, elègehdeè-kọ goy1 eyits'ọ t1l1 k'e nàgeèhza xè yageht1 ghageew1. Ehkw'1 anaxèehs1, t'as1 edegha geèhnọq s1 hòt'a deghàa g1ghọt'ọ họt'e. ⁶ Hanikò yaaht1 n1dè

naxikòà goyì edets'òdaàniàhchì gà Nòhtsì naxità wègaat'ì-le sù wets'ò yaahti. Hanì-ìdè dọ naàhtọ dàaht'ù sù Nòhtsì yeghàeda họt'e wek'èxa t'asì nezù naxìghà?à ha. ⁷Yaahti nìdè yatì lọ wet'àazà-le t'à yaahti-le. Dọ Nòhtsì k'ègeezọ-le sù hanì yagehtì họt'e. Yatì lọ t'à whaà yagehtì nìdè Nòhtsì goèhkw'ọ ha gùwọ. ⁸Gìxèah?ì-le. Nòhtsì Naxità t'asì weahkè kwe ayì dahwhọ sù yek'èezọ họt'e.

⁹ “Yaahti nìdè dù hanì yaahti,

“ ‘Gotà yak'e wheèdaa, nùzì degaì ts'edi họt'e.

¹⁰ Nì k'àiwo k'èè welè. Dù nèk'e nek'èè agòwet'è, yak'e hagòht'e lanì. ¹¹ Dù dzeè k'e wet'à ts'eedaa goghàndì. ¹² Dọ gok'èch'a nàhogehtè sù gihòhì gìghọ nahots'eele, eyì xèht'èè gohòhì goghọ nahòle. ¹³ Hòhù ts'ùwọ ch'à gok'ènedì; wehù gots'ọ nìwà anele.’

¹⁴ Dọ naxìts'ò ehkw'ì eghàlageeda-le sù gìghọ nahòhè nìdè Nòhtsì Naxità ìdòò yak'e whèdaa sù ededì sì naxìghọ nahòele ha họt'e. ¹⁵ Hanìkò dọ gìghọ nahòhè-le nìdè Nòhtsì Naxità naxìhòhì naxìghọ nahòele ha-le.

Dàni edeahgọ ha

¹⁶ “Edeahgọ nìdè ts'òdàhwhọ k'èè naxègaat'ì welè-le. Dọ degaì degeetsù sù hanì gìgaat'ù adegeh?ì. Ehkw'ì anaxèehsì, t'asì edegha geèhnọ sù hòt'a deghàà gìghòt'ọ họt'e. ¹⁷ Hanìkò naxì edeahgọ nìdè naxìkwìghà sìahle xè k'enaahde. ¹⁸ Hanì-ìdè edeahgọ sù hòzì dọ gìgha wègaat'ì ha-le. Nòhtsì naxità wègaat'ì-le sù ededì zọ dọ naàhtọ dàaht'ù sù wegga wègaat'ì họt'e. T'asì nezù daahnọ sù ededì naxìghàye?à ha họt'e.

Yak'e t'asii nezii edegha elèahle

19 “Dii nèk'e t'asii nezii lq edegha elèahle-le, yìida yedè xè wek'iitsò ade ha ne t'à, eyits'q eezii-dqò naxikò enixàgeezhì gà naxighò egeezi ha t'à t'asii nezii lq edegha elèahle-le. 20 Hanikò yak'e gogha t'asii nezii edegha elèahle; ekq yìida yedè ha-le xè wek'iitsò ade ha-le eyits'q eezii-dqò ekq egeezi ha-le. 21 Edii t'asii dezoò naxigha nezi wheahlaa sii naxidzeè t'à ekq ts'ò dahwhq ha hqt'e.

22 “Naxidaà sii naxizhii gha ek'aèk'q lanì hqt'e. Naxidaà nezi nùdè naxizhii hazoò gha dzeh lagòht'e ha. 23 Ekò naxidaà nezi-le nùdè naxizhii hazoò gha togoòt'ò ha hqt'e. Naxidzeè yìi togoòt'ò nùdè sii naxixè togoòt'ò agòht'e.

24 “Dq wuzii k'àowo nàke gha eghàlaeda ha dii. K'àowo ìè ghoneètq ha eyits'q ìè nèli ha-le, eyits'q k'àowo ìè k'èit'e ha eyits'q ìè wek'èit'e ha-le. Nòhtsi eyits'q sqòmba, ìlah elèht'eè gigha eghàlats'eeda ha dii hqt'e.

T'asii ghq nàniahdè-le

25 “Ayii t'à aahda ha, ayii ghq shèahzhe ha, ayii aahdq ha eyits'q ayii goht'qò t'à-aah't'i ha sii ghq nàniahdè-le. Ts'eedaa sii bò nahk'e wet'àazà hqt'e, eyits'q gozhii goht'q nahk'e wet'àazà hqt'e. 26 Chiq hoòlà gidaàniahdè: dèè k'e t'asii geehshe-le, eyits'q xehkò t'asii gehla-le, hanikò Naxitá yak'e whedaa sii gowàedi hqt'e. Chiq ginahk'e aahli hqt'e! 27 Ayiiha t'asii ghq nàniahdè? Dq wuzii nàniwo t'à ìè sadzeè dezoò edaà adele ha niile.

28 “Ayiiha goht'q ghq nàniahdè? Dèè k'e it'òchàa dehsheè sii wedaàniahdè. Eghàlaeda-le kò wèdaat'i hqt'e. 29 Ehkw'i anaxèehsi, k'àowocho Solomon

wèdaat'ì nàht'ì ts'ùwọ kò eyi ìt'òchàa yenahk'e wèdaat'ì họt'e. ³⁰ Nòhtsì hanì dèè k'e t'oh wèdaat'ì whehtsì sù dù dzèè k'e dehshe hanìkò satsọ kwìgeehdè. Eyì nahk'e nezì naxìk'èdì ha, eyìts'ọ goht'ọ nezì naxìghàle ha họt'e. Hanìkò naxì nàtso-le dùi. ³¹ Eyìt'à dù haahdì-le xè t'asì ghọ nàniàhdè-le: 'Ayì ts'ùzà lì?' 'Ayì ts'ats'e lì?' 'Ayì goht'ọ t'à-ats'et'ì lì?' ³² Dù nèk'e dọ hazọ Nòhtsì k'ègeezọ-le sù eyi hanì zọ k'alagedè. Hanìkò Naxìtà yak'e whedaa sù ayì t'à aahda yek'èezọ họt'e. ³³ Naxì sù, Nòhtsì Wenàowoò k'èè hòzọọ hak'eaht'ì eyìts'ọ wek'èè ehkw'ì ts'eeda ha dah-whọ, eyi haahlà nùdè t'asì hazọ wet'à ts'eedaa sù naxìghàyele ha họt'e. ³⁴ Eyìt'à satsọ ghọ nàniàhdè-le, satsọ wedawhezọọ aahlè. Dzè taat'eè hoilà lọ gogha whela họt'e.

7

Ełestniyaahiti-le

¹ “Dọ sinìyaahiti-le, hanì-ìdè naxìsinìyaeti ha-le.

² Dànì dọ sinìyaahiti k'èè naxìsinìyaeti ha họt'e. Ayì ghàà dọ gisìniyaahiti sù eyi weghàà naxìsinìyaeti ha họt'e.

³ “Ayìha naxèot'ì wedaà yì tsole whezọọ sù ghàahda, hanìkò naxìdaà yì dechì whetọọ sù ts'ọniàhà-le? ⁴ Dànìt'à naxèot'ì ts'ò dù haahdì naxìgha dùi-le, 'Àgìà, nedaà yì t'asì whezọ; negha xàwehchì,' dahdì, hanìkò naxì naxìdaà yì dechì whetọọ sù naxìgha wègaat'ì-le. ⁵ Degai daahsi kò wek'èè aahda nùle! T'akwełòọ naxìdaà yì dechì whetọọ sù xàahchì nùdè naxìgha nezì

xègaat'ìì agode ha, hanì-ìdè naxèot'ì wedaa yì t'asìa whezòq sì xàahchì ha dùi-le.

6 “Lèt'è degaì sì tì ghàahdì-le. Whòzàa dètì sì gogòò ts'ò aahdè-le. Haahlà nìdè tì naxìdzìgeza ha eyits'ò gogòò whòzàa tàtsògeèhze ha.

Gotà yak'e whedaa weahkè

7 “Aahkè nìdè naxìghòt'à ha; wehak'eaht'ì nìdè wegòahza ha; enìtò k'e ts'aaht'ì nìdè naxìts'ò enìxàetì ha. 8 T'aa eekè sì t'asì weghòt'à ha; amì t'asì hak'ee't'ì sì yegòhza ha; eyits'ò amì enìtò k'e ts'aht'ì sì wets'ò enìxàetì ha.

9 “Naxìza lèt'è naxeekè nìdè asì kwe weghàahza ha? 10 Eyits'ò hwe naxeekè nìdè asì gòò weghàahtè ha? 11 Naxì hoì-ìhoahsì-dòò aah't'e kò, naxìza t'asì nezì gìghàahkè k'èahsò. Naxìta yak'e whedaa sì dò geekè nìdè naxìnahk'e t'asì nezì goghàyele ha hòt'e. 12 Eyì xèht'èè dànì dò naxìts'ò nezì eghàlageeda ha dahwhò k'èè gits'ò eghàlaahda. Moses wenàowò eyits'ò nakwenàozòq gình't'è k'e hanì dek'eèht'è.

Enìtò neghoa eyits'ò enìtò dekòò

13 “Enìtò neghoa k'è dexaahdè. Enìtò dekòò sì tìlì dekòò ts'ò nìza hòt'e. Dò lò eyì tìlì k'e aget'ì sì gìdìhoè ha. 14 Ekò enìtò neghoa sì tìlì neghoa ts'ò nìza hòt'e. Dò lò-lea zò eyì tìlì k'e aget'ì sì welò while ts'ò geeda ha.

Ts'ì eyits'ò wejìecho

15 “Nakwenàozòq ehkw'ì gogede-le sì gìxoahdì. Sahzòq nezì degeetsì, hanìkò dìga wets'àhoejì lagùt'e. 16 Dànì k'ehogeza k'èè gìk'èahsò ha. Ichìghòò ta jìè nàts'ehtsì nìlè. Eyits'ò gogho nì jìecho

nàts'ehtsì nùile. ¹⁷ Eyì xèht'eè ts'ì nezù sùì wek'e jìecho nezù gòhì, eyìts'ò ts'ì nezì-le sùì wek'e jìecho nezì-le dehshe. ¹⁸ Ts'ì nezù sùì wek'e jìecho nezì-le gòhì ha dùi, eyìts'ò ts'ì nezì-le sùì wek'e jìecho nezù dehshe ha dùi họt'e. ¹⁹ Ts'ì hazòò wek'e jìecho nezì-le dehshe sùì nàgeehkà gà kwìgeehdè ha. ²⁰ Eyìt'à, dànì k'ehogeza ghàà gìk'èahsò ha.

²¹ “Dò hazòò ‘K'àowo, K'àowo,’ sègedù sùì Nòhtsì Wenàowoò k'èè hòzòò k'è goyagedè ha nùile. Amì, Setà yak'e whedaa k'èit'ee sùì zò goyagedè ha. ²² Eyì dzèè k'e nìhòqwo nùdè dò lò sets'ò dù hagedì ha, ‘Sets'ò K'àowo, nùzì dahxà nadaà gots'ùde ìlè, mìhù xàdets'eèzhì eyìts'ò enìyah lò hots'èhtsì ìlè,’ gedi ha. ²³ Hanìkò ehkw'ì gìts'ò dù haehsì ha, ‘Naxìk'èehsò nùile. Hòhù-k'alaahdè-dòò aah't'e, sets'òò naahdè!’ gèehsì ha.

Dò gòzò eyìts'ò dò gòzò-le wegodi

²⁴ “Eyìt'à amì seyatiù ìkw'o xè yek'èè edaa sùì dò gòzòò kwe k'e edekò gòhtsù lanì họt'e. ²⁵ Yàchòhòwo ekò tì lò dèè teèt'ì xè kò k'e nìhts'ì nàtsò at'ì, hanìkò kwe k'e yìet'ì aà whetòò gòhtsì t'à eyì kò nàgòt'ì-le. ²⁶ Hanìkò dò hazòò seyatiù gùkw'o kò gìk'èè eda-le nùdè dò gòzò-le ewaa k'e edekò gòhtsì lagùt'e. ²⁷ Yàchòhòwo ekò tì lò dèè teèt'ì xè nìhts'ì nàtsò eyì kò k'e at'ì t'à hòtsaa wetagòt'ì.”

²⁸ Zezì eyì hazòò hoghàgoehtò ghò nòot'e ekò dò hazòò gìgha enìyah dùi. ²⁹ Zezì ededù t'asì hazòò ts'ò k'àowo k'èè dò hoghàehtò, Nòhtsì-yatiù-k'èdì-dòò lanì-le.

8

Dọ wekwò tàda t'à eyaeli sù k'aat'ì ajà

¹ Zezi shìhka gots'ọ hodàèhtla ekò dọ ọọ gɪk'èè k'edè. ² Dọ ọọ gokwò tàda t'à eyaeli sù Zezi ts'ọ èhtla, yets'ọ nàgòhge, hadi, “K'àowo, haneewọ nìdè k'aat'ì asùle ha dii-le,” yèhdi.

³ Zezi edilà dọ k'e ayìlì, hayèhdi, “Hẹzẹ, hah-whọ! K'aat'ì anede!” yèhdi. Ekòet'ì wekwò tàda while ajà. ⁴ Zezi yets'ọ hadi, “Nets'ọ dànàhòwoo sù dọ wùzì ts'ọ haɪdi-le. Nek'ahoeta gha yahtu ts'àatla. Moses wenàowò k'èè nehòhì neghọ nahoezhe k'èxa yahtu t'asù negha k'eguhk'ọ. Hanì-dè weghàà k'aat'ì anaajà dọ gɪk'èezọ ha,” yèhdi.

Eghọ-dọ gha k'àowo wegħa ehkw'ì-ahodi

⁵ Zezi kòta Capernaum nìtla ekò eghọ-dọ gha k'àowo Zezi sets'àdi ha nìwọ t'à yets'ọ èhtla. ⁶ Eghọ-dọ gha k'àowo hadi, “K'àowo, secheekè wekw'ọọ eɪadè xè hòt'ò eyaeli t'à sù daɪza dii,” yèhdi.

⁷ Zezi yets'ọ hadi, “Nexè nekò nàhtla gà k'aat'ì awehle ha,” yèhdi.

⁸ Hanìkò eghọ-dọ gha k'àowo yets'ọ hadi, “K'àowo, sekò naatla gha dọ lahoeht'ì-le. Ekì neyatì t'à xàyanèhtì nìdè secheekè k'aat'ì ade ha. ⁹ Sù kò segħa k'àowo gòhì eyits'ọ eghọ-dọ gigha k'àowo ehì. Dọ ọọ ‘Yèè nàatla,’ wèehsì nìdè ekọ nàtla, eyits'ọ k'achì ọọ ‘Jọ nàatla,’ wèehsì nìdè jọ nàtla. Secheekè, ‘Dù hanele,’ wèehsì nìdè hayehì,” yèhdi.

¹⁰ Zezi eyì k'àowo dàdù sù yìkw'o ekò sù wegħa enìyah dii. Dọ ọọ yek'èè k'edè sù ts'ọ hadi, “Ehkw'ì anaxèehsì, Israel nèk'e dọ wìnì hanànìhtso ghọ

eèhk'w'o whìle. ¹¹ Hazòò nèk'e gots'ò dọ lọ, Nòhtsị Wenàowoò k'èè hòzọọ k'è goyagedè ha. Ekọ Abrahama, Isaac eyits'ò Jacob xè shègezhe ha. ¹² Hanìkò Nòhtsị wets'ò dọ ts'ụlụ sị togoòt'ò ts'ò xàgıdeezhı ha. Ekọ getse xè sị gıgha hoıla ha,” Zezì gòhdı.

¹³ Zezì eghọq-dọò gha k'àowo ts'ò hadı, “Hot'eè nekò ts'ò naıtłe, hotıi negha ehkw'ı-ahodı k'èè agode ha,” yèhdı. Eyı' à eyı sadzeè et'ıi wecheekeè wegħa k'aat'ıi agòjà.

Zezì dọ lọ k'aat'ıi agòjà

¹⁴ Zezì, Peter wekò goyaèhtła ekò Peter wets'èkeè wemọ edı-elı t' à daèhte k'e whetı yaı. ¹⁵ Zezì yılà daachi t' à k'aat'ıi ajà. Ekòet'ıi eyı ts'èko nııtła gà wegħọ shèts'ezhee yegħàıdı.

¹⁶ Eyı xèhts'ò dọ lọ ınıhı gıts'ò-èlı sị Zezì ts'ò gogeewa. Edeyatı t' à ınıhı xàgodeèzhı eyits'ò dọ-eyaelı hazòò k'aat'ıi agòjà. ¹⁷ Eyı hagòjàa sị nakwenàzọọ Isaiah yegħọ goıde ıleè sị wek'èè agòjà:

“Gotàdaà goghọ yıihchı eyıts'ò wet' à gogħa hoılaa sı edek'e ayıılà,” dek'eèht'è.

Dọ nàke Zezì xè agedè ha gıwọ

¹⁸ Zezì dọ lọ wemọò elèwhede goaı ekò edecheekeè gots'ò hadı, “Inòò nats'ıızè,” gòhdı. ¹⁹ Nòhtsị-yatı-k'èdı-dọò ıleè yets' àèhtła, hadı, “K'àowo, edıı anet'ıı sị nexè ahde ha dehwhọ,” yèhdı.

²⁰ Zezì yets'ò hadı, “Nọgèe gııq gòhı eyıts'ò chıa sı gıt'oh gòhı, hanìkò Dọ-wet' àazàa-deè edıı kwıhıq ha gòhı-le,” yèhdı.

21 K'achì wecheekeè ìlè yets'ò hadì, “K'àowo, t'akwelòò setà wekw'òò nèehì gà welè,” yèhdi.

22 Hanìkò Zezì yets'ò hadì, “Dò elàidèe lagùt'ee sù edets'ò dò elàidèe kw'òò nègùle, hanìkò nì sù sek'èitla,” yèhdi.

Zezì nìhts'i while ayìlà

23 Eyi t'axòò Zezì elà yietla, wecheekeè gixè agejà. 24 Hòtsaa tì k'e gixè nìhts'i nàtsoo dèts'i t'à taatù elà yì at'ì. Hanìkò Zezì dètù ìlè. 25 Wecheekeè ts'igùhwho, hagiùhdi, “Gots'ò K'àowo, edaxàgòle! Tì t'à elàats'ede ha nìkw'o,” gùhdi.

26 Zezì gots'ò hadì, “Naxì nì nàtso-le. Dànìghò sù dahì nòò?” gòhdi. Elà yì nàwo xè nìhts'i eyits'ò taatù while aahde gòhdi t'à, ts'èwhù hòzòò agòjà.

27 Zezì wecheekeè gìgha eniyyah t'à elets'ò hagedì, “Dù amì ne? Nìhts'i eyits'ò taatù kò gik'ùt'e,” gedi.

Dò nàke inìhù gits'ò-èlù sù k'aat'ù agejà

28 Zezì inòò Gadarene gìnèk'e tàwheze ekò, dòkw'òò whelaa gots'ò dò nàke gits'ò leèhtla, ìlah inìhù gits'ò-èlù. Sù gits'àhoejì t'à dò wùzì ekò agèt'ì-le. 29 Hòt'ò gezeh xè hagedì, “Nòhtsì Weza, ayìha gok'alaawo? Gogha nèhòkw'ì kwe gogha hoilà hòhtsì-le, neghònàdats'eetì,” gedi.

30 Eyi ts'ò gòqwa-lea gogòò lò shègezhe ìlè. 31 Inìhù Zezì ghònàdageetì, “Xàgodùzhi ha nìdè gogòò yì ts'ò agojì,” gedi.

32 “Naahdè!” Zezì gòhdi t'à, dò yì gots'ò xàgùde gà gogòò yì gùde. Gogòò hazòò shìh danùchàa gots'ò ìzhù hodàgòòza ts'ò tì yì lègeèhza t'à elàagùdè. 33 Dò gogòò k'ègedì sù natùmogèhde. Gixè dàgòjàa sù kòta yàgòlaa hazòò dò ts'ò hagedì,

eyits'ò dọ ɪnìhì gıts'ò-èlì ɪlèè sù gıxè dàgòjàa ghọ dọ xè gogedo. ³⁴ Eyı kòta gots'ò dọ hazòò Zezì ts'ò geède. Zezì gıazı ekò “Gonèè ts'òò naıtle,” gıhđı gıghonàdageetì.

9

Dọ wekw'òò elaidèè sù k'aàt'ù ajà

¹ Zezì elà yietla gà edecheekeè xè ɪnòò nawheze, edekòta niagıze. ² Dọ mọhdaa dọ wekw'òò elaidèè tè k'e whetı Zezì ts'ò geèhchì. Zezì dọ gıni nàtsoo gok'èezọ t'à dọ eyaelı ts'ò hadı, “Àgıa, nehohı neghọ nahoazha t'à nınà welè,” yèhđı.

³ Hadı t'à Nòhtsı-yatı-k'ègedı-dòò mọhdaa hagıwọ, “Dı dọ sù Nòhtsı k'èch'a gode!” gıwọ.

⁴ Zezì dànì nàngedèè sù gok'èezọ t'à hagòhđı, “Dànighọ naxıdzeè yì nàowohı t'à nàniadhè? ⁵ Dọ wekw'òò elaidèè sù dàwets'edı nıdè denahk'e dezhi-le: ‘Nehohı neghọ nahoazha,’ hanı-le-ıdè ‘Nıtlà gà k'eıtlò.’ ⁶ Dı nèk'e Dọ-wet'aaazaa-deè dọ hohı ghọ nahoele ha weghàhòt'òò sù, wek'èahsòò anaxehle ha,” gòhđı t'l'axòò dọ wekw'òò elaidèè sù ts'ò hadı, “Nıtlà, netè nıza gà nekò ts'ò naıtle,” yèhđı. ⁷ Eyıt'à eyı dọ nıtlà gà edekò ts'ò naèhtla. ⁸ Dọ hazòò eyı hagòjà gıazı ekò sù gıgha enıyah dı, eyıt'à Nòhtsı ghàsogeedı, hagedı, “Dı dọ Nòhtsı dahxà eghàlaedaà at'ı sını,” gedı.

Matthew Zezì k'èè èhtla

⁹ Zezì ekọ gots'òò naèhtla t'l'axòò, sọmba-nàhtsı-dòò Matthew wıyeh ladà k'e eghàlaeda yaı. Zezì “Sek'èıtlà!” yèhđı. Eyıt'à Matthew nıtlà gà Zezì k'èè èhtla.

10 Eyɪ tʰaxòò Zezì Matthew wekò shètɪ ekò sòòm̄ba-nàhtsɪ-dòò gɪlɪ eyɪts'ò hoɪɪ-hogehtsɪ-dòò lɔ Zezì eyɪts'ò wecheekeè xè shègɪazhe. 11 Pharisee gɪlɪ sɪ gogɪaɪ ekò Zezì wecheekeè ts'ò hagedɪ, “Dànìghò naxɪts'ò k'àowo sòòm̄ba-nàhtsɪ-dòò eyɪts'ò hoɪɪ-hogehtsɪ-dòò xè shètɪ?” gògedɪ.

12 Zezì ìkw'o t'à gots'ò hadɪ, “Dò hotù geedaa sɪ nàèdɪ-k'èezòò gɪgha wet'àazà nùile, dò eyagɪlɪ sɪ zò nàèdɪ-k'èezòò gɪwò hɔt'e. 13 Hanìkò dɪ hanì dek'eèhtɪ'è: ‘Sets'ò t'asɪ k'eahk'ò nahk'e dò ts'ò naxɪdzeè eteèɪ ha dehwhò,’ ayɪ awèts'edɪ sɪ wedaànahdè. Dò ehkw'ɪ geedaa sɪ gɪkayahtɪ gha jò ts'ò ahjà nùile, hanìkò hoɪɪ-hogehtsɪ-dòò gɪgha ahjà hɔt'e,” gòhdɪ.

Edets'egò ghò Zezì dageehke

14 Eyɪ tʰaxòò John-Baptist wecheekeè Zezì gà nègɪde, gɪts'ò hadɪ, “Goxɪ eyɪts'ò Pharisee gɪlɪ sɪ edets'egò, hanìkò dànìghò necheekeè edegegò-le?” gùhdɪ.

15 Zezì gots'ò hadɪ, “K'òadzàa ɪàà goxè wheda et'ì, dò gɪghò nùdee sɪ edegegò ha nì? Ìle ne, hanìkò ɪè dzèè k'òadzàa gɪghò wìchì ha hɔt'e, eyɪ dzèè k'e nùdè edegegò ha.

16 “Dò wɪzɪ goht'ò zòq k'e zèhtɪ'ìgòò nètèyeèlɪ nùile. Hayɪlà nùdè zèhtɪ'ìgòò èleechi t'à wemòò tàedlà ha. Hajà nùdè, goht'ò zòq denahk'e wetàedlà ha. 17 Eyɪts'ò dò wɪzɪ jìetì wegòò hoèlɪ sɪ jìetìwò wezòq yì yeht'ì nùile. Hayɪlà nùdè wewòzòq wenìtsqedlà xè jìetì xàet'ì ha, eyɪts'ò jìetìwò wezòq sɪ wedìhoè ha. Hanì ha nùile, jìetì wegòò hoèlɪ sɪ

jìetìwò wegòò yì yehtl'i ha họt'e, hanì-ɔdè ɔlah nezì wèk'èhòdì ha,” Zezì hadì goxè godo.

T'eekea eɔɔwo eyits'ò ts'èko eyaelì

¹⁸ Zezì ɔlàà goxè godo ekò, k'àowo ɔlè yegà nìtla gà yets'ò nàgòɔhɔgè, hayèhdi, “Setì diihk'òɔ eɔɔwo. Hanìkò sexè sekò nàwheetla xè nìlà wèk'e anelà nɔdè nàidà ha,” yèhdi. ¹⁹ Eyìt'à Zezì nìtla gà eyì dọ k'èè naèhtla; wecheekè sɔ gɔk'èède.

²⁰ Ekìyee k'e ts'èko ɔlè Zezì chɔht'a nìtla xè yezeè welọ daachì. Eyì ts'èko hoòno-daats'ò-nàke xo gots'ò edoò wezò-at'ì t'à eyaelì. ²¹ Ts'èko hanìwọ, “Wezeè zọ kò daehchì nɔdè k'aàt'ì ahde ha,” hanìwọ.

²² Zezì yets'ò ets'aèhtla, yaɔ t'à hayèhdi, “Ts'èko, nedzeè t'à nìnà welè. Negha ehkw'ì-ahodì t'à k'aàt'ì anejà,” yèhdi. Eyì ts'èko ekòet'ì k'aàt'ì ajà.

²³ Zezì k'àowo wèkò goyaèhtla ekò dọ ɔ ɔ xè nàdahooowo eyits'ò dọ mọhdaa dechìshì geehdi, goaɔ. ²⁴ Zezì gots'ò hadì, “Naahdè. T'eekea eɔɔwo nìlè, ekì whetì họt'e,” gòhdi t'à dọ gɔghaedlò. ²⁵ Dọ hazò xàgeèdeè agogìlà t'axòò, Zezì edì t'eekea whetì sɔ ekò goyaèhtla. T'eekea wìlà nìchì-t'ì t'eekea nìtla. ²⁶ Eyì nèk'e hazò eyì wegodì ajà.

Dọ wedaà goilee nàke eyits'ò dọ gode-le k'aàt'ì agejà

²⁷ Zezì eyì gots'ò naèhtla ekò dọ nàke gɔdà goilee gɔk'èè lèhtla, nagìzeh xè Zezì ts'ò hagedì, “K'àowocho David Weza, etegòhɔ!” gedì nagìzeh.

²⁸ Zezì kò ɔlè goyaèhtla ekò dọ gɔdà goilee gɔgà nèlegeètla t'à dagoehke, “K'aàt'ì anaxehle gha

naxɪgha ehkw'1-ahodɪ nì?" gòhɪ. "K'àowo, hɛzɛ," gedi.

²⁹ Eyit'à godaà k'e whehɪ xè hagòhɪ, "Naxɪgha ehkw'1-ahodɪ k'èè naxɪxè agode," Zezi gòhɪ. ³⁰ Ekòet'ì gɪdaà gòhɪ anagejà. Zezi yatɪ nàtsoo t'à hagòhɪ, "Dɪ hagòjà sɪ dɔ wɪzɪ yek'èizà sòò," gòhɪ. ³¹ Hanikò eyɪ nèk'e dɔ hazòò ts'ò hagedɪ.

³² Eyɪ dɔ nàke Zezi ts'òò nàlegeèhtɪ tɪ'axòò dɔ mɪhɪ wets'ò-èlɪ t'à gode-le sɪ Zezi gà nègeèchɪ. ³³ Zezi mɪhɪ xàdeèzhɪ tɪ'axòò, eyɪ dɔ gode-le m̀lè sɪ godeè ajà. Dɔ hazòò gɪgha enɪyah dɪ t'à hagedɪ, "Israel nèk'e dɪ hagòjà ts'aɪ wɪhɪ," gedi.

³⁴ Hanikò Pharisee gɪhɪ sɪ hagedɪ, "Ìnhɪ gha k'àowo dahxà mɪhɪ xàdeèzhɪ at'ɪ," gedi.

Eghàlageedaa-dòò lɔ-le

³⁵ Zezi eyɪ nèk'e kòta hazòò gota k'etlò. Elègehdeè-kò goyɪ dɔ hoghàehtɔ. Nòhtsɪ Wenàowoò k'èè hòzòò wegodɪ nezɪ t'à dɔ ts'ò gode, eyits'ò tàda hazòò t'à dɔ eyagɪhɪ sɪ k'aat'ì anagòòlà. ³⁶ Dɔ lɔ elèwhede goghàeda ekò dɔ ts'ò wedzeè eteèzɪ. Dɔ gɪxè hoɪla xè sahzòà dɔ gok'èdɪ wɪhɪ lagɪt'e. ³⁷ Eyit'à Zezi edecheekè ts'ò hadɪ, "Dèè k'e t'asɪ dɪdɪ lɔ dɪ hanikò dɔ nàyehtsɪ ha lɔ-le. ³⁸ Eyit'à t'asɪ dehsheè nàgehtsɪ ts'ò k'àowo sɪ weahkè, hanɪ-ɪdè t'asɪ dehsheè nàgehtsɪ dɔò gots'ò ayele ha," gòhɪ.

10

Zezi edecheekè kòta goòhà

¹ Zezi edecheekèdè hoòno-daats'ò-nàke gokayahtɪ t'à, làà nègɪde. Ìnhɪ dɔ yɪ gots'ò

xàdegeezhì ha eyits'ò dọ k'aàt'ìì agele ha goghàhòìzọ.

² Zezì wecheekeèdeè dū hagìyeh: Sìmón (Peter wìyeh) eyits'ò wechì Andrew, Zebedee weza James, eyits'ò wechì John, ³ Philip, Bartholomew, Thomas, sọ̀mba-nàhtsì-dọ̀ Matthew, Alphaeus weza James, Thadìyus, ⁴ Sìmón (“dọ edenèè ghọneètọ̀ọ” wìyeh), eyits'ò Zhìdàà-Iscariyot, ededì Zezì k'aodèè gotl'aàyìhtì họt'e.

⁵ Eyì wecheekeè hoònọ-daà-nàke sù Zezì dọ ta ts'ò gọhà, hagòhdì, “Eyì-le dọ xàzaa ts'ò aahde-le, eyits'ò Samaria got'ìì gíkòta ts'ò aahde-le. ⁶ Israel got'ìì gita sahzọ̀a dıkòède lagùt'ee sù ts'ò aahde. ⁷ Kòta yàgòlaa ts'ò aahde, dọ ts'ò haahdì, ‘Nòhtsì Wenàowò k'èè nèhòkw'ì ha ts'ò nìwà-le agòjà,’ gìaahdì. ⁸ Dọ eyagùlù sù k'aàt'ìì agìaahle, dọ ełàidèe sù naìdà agìaahle, dọ gìkwò tàda t'à eyagùlù sù k'aàt'ìì agìaahle, eyits'ò ìnìhì xàahzà. T'asì k'èxa-le hanì naxìghàhòt'ò t'à, t'asì k'èxa-le wet'à dọ ts'aaahdì. ⁹ Sọ̀mbawò edexè k'eahle-le. ¹⁰ Tehmì k'eahtì-le, zeh ładù eyits'ò ke ładù k'eahle-le, tèh sù k'eahtì-le; dọ eghàlaedaa sù wets'àzeedì họt'e.

¹¹ “Kòta nìahde nìdè dọ wedzeè nezù sù hak'eaht'ì; naahdè gots'ò wekò aaht'e. ¹² Eyì kò goyaahdè nìdè, ‘Naxìxè ts'èwhì welè,’ dọ gìaahdì. ¹³ Eyì kò gots'ò dọ naxiyatì gìhchì nìdè, naxìxè ts'èwhì hòzọ̀ọ sù gits'ò awede. Ekò hanì-le-ìdè, naxìxè ts'èwhì hòzọ̀ọ sù naxìts'ò anade ha. ¹⁴ Dọ naxìgùwọ-le xè naxìgeèhk'w'ò-le nìdè, naahdè kwe gíkòta gots'ò ehtl'è naxìkè-tl'a while aahle (hanì-ìdè weghàà ekọ-le eghàlageeda gík'e nìdahoahzà gík'èezọ̀ọ ageahle ha). ¹⁵ Ehkw'ì anaxèehsì,

gosinìyaetu dzeè k'e nìdè eyi kòta gots'ò dọ dagiṛa ha. Kòta Sodom eyits'ò kòta Gomorah dọ nàidè ilèe sù nahk'e dagiṛa ha. ¹⁶ Sahzọ́a dígá nì k'eza lanì dọ ta ts'ò naxeehza t'à edexoahdi. Eyit'à dọ gita goahsọ k'ehoahza xè ekọ-le eghàlaahda-le.

¹⁷ “Dọ naxits'ò xàniṛiṛaa sù giṛoahdi. Nàyaeti-kò ts'ò anaxegele ha eyits'ò eḷègehdeè-kò goyi naxik'egeehkwa ha. ¹⁸ Sị sets'ihzò k'àowocho eyits'ò dèe-ts'ò-k'àowo gınadaḷ naxisinìyaeti anaxegele ha. Hanikò seghọ gıts'ò goahde ha eyits'ò dọ eyi-le xàzaa sı gıts'ò goahde ha. ¹⁹ Danaxegiachì gá naxighọ nàyaeti nìdè, dànì edek'edaahdi ha eyits'ò ayi dàahdi ha sù weghọ nàniahde-le. Ekiiyè k'e nìdè ayi dàahdi ha sù wek'èahsọ ha họt'e. ²⁰ Xàe naxiyati t'à goahde ha niile; Nòhtsi-Naxitá wets'ò Inì Degai naxiwà t'à gode ha.

²¹ “Ekiiyè k'e nìdè eḷechi-t'ii k'aodèe t'aaḷegihè ha, eyits'ò gotà giṛi sù edeza hagole ha. Chekoa edeot'i sı k'aodèe t'aaḷogùile xè eḷaḷagoghdeè agogele ha. ²² Sị sets'ihzò dọ hazọ́ naxidzagihwhọ ha, hanikò amii nọ́de dzeè ts'ò Nòhtsi ts'ò wni nàtsoò adihwhọ sù edaxàeda ha. ²³ Kòta iḷè dọ danaxegihza nìdè kòta eyi-le ts'ò kwiahdè. Ehw'ı anaxèehsı, Israel nèk'e kòta hazọ́ ts'ò kwiahdè kwe, Dọ-wet'aaḷaa-deè niitla ha họt'e.

²⁴ “Dọ hoghàweètọ sù hoghàyehtọ-dọ nahk'e eḷ niile, eyits'ò k'àowo wecheekè sù edets'ò k'àowo nahk'e eḷ niile. ²⁵ Dọ hoghàweètọ sù hoghàyehtọ-dọ xèht'eè ade ha họt'e, eyits'ò k'àowo wecheekè edets'ò k'àowo xèht'eè ade ha họt'e. Edekò gha k'àowo eḷi sù 'wehii' giṛhdi nìdè wekò dọ nàdè sù denahk'e gik'adaedè ha họt'e!

26 “Dọ gıts'àahjı-le. T'ası hazọ̀ wègaat'ı-le sı wègaat'ı adle ha, eyıts'ọ t'ası dezi whelaa sı wek'èhoedzọ̀ adle ha họt'e. 27 Togoòt'òo t'ası naxıts'ọ haehsı sı dze nı̀dè weghọ goahde ha. Naxıdzııhk'ọ̀ ọ̀ yı ıhıa gots'ede nı̀dè dahmò ka gots'ọ dọ hazọ̀ ts'ọ hòt'ò haahdı. 28 Dọ naxızhı ẹ̀lẹ̀ghewhı kò naxıdẹ̀azhı ẹ̀lẹ̀ghewhı ha dı sı gıts'àahjı-le. Ekò amı godẹ̀azhı eyıts'ọ gozhı wehıkọ ts'ọ ayele ha dı-le sı eyı wets'àahjı. 29 Chı nàke sı ı̀lẹ̀ satsọ́ zọ ẹ̀lẹ̀ họt'e, hanıkò Nọhtsı naxıtà wıni k'ẹ̀lẹ̀ lenọ́sı chı ı̀lẹ̀ kò dèè k'e nàekw'ı ha nıle. 30 Naxıkwıghà hazọ̀ kò Nọhtsı yuhtà họt'e. 31 Eyıt'à dahjı-le, chı ı̀lẹ̀ nahk'e aahı họt'e.

32 “Amı dọ nadađà sek'èezọ hadı sı Setà yak'e whedaa sı wenadađà eyı dọ wek'èehsọ dehsı ha. 33 Hanıkò amı dọ nadađà sek'èezọ-le hadı sı, sı sı Setà yak'e whedaa sı wenadađà eyı dọ wek'èehsọ-le dehsı ha.

34 “Dı nèk'e ts'èwhı agohle gha jọ ts'ọ ahjà dahwhọ-le. Ts'èwhı hòzọ gha jọ ahjà nıle; dọ ẹ̀lek'èch'a geeda gha jọ ts'ọ ahjà họt'e.

35 *Dọzhı edetà k'èch'a eda ha, ts'èko edemọ k'èch'a eda ha, eyıts'ọ ts'èko edetsı k'èch'a eda ha. 36 Dọ xàè wekọ gots'ọ wèot'ı et'ı gıts'ọ xanıpa ha.'*

37 “Amı edetà eyıts'ọ edemọ senahk'e goghọneètọ sı, secheekeè ẹ̀lẹ̀ ha dı. Eyıts'ọ amı edeza eyıts'ọ edetı senahk'e goghọneètọ sı secheekeè ẹ̀lẹ̀ ha dı. 38 Eyıts'ọ amı edechıet'aa sek'èè nayatı-le sı secheekeè ẹ̀lẹ̀ ha dı. 39 Amı edını k'èè eda ha nıwọ sı wedıholè ha. Ekò amı sets'ıhzo edını k'èè eda ha nıwọ-le sı eda ha.

40 “Dọ naxigũwọọ sị sị segũwọọ họt'e eyits'ọ dọ segũwọọ sị amì sũhzaa sị gũwọọ họt'e. 41 Nakwenàozọọ Nòhtsị yatì k'ezaa elì dọ gík'èezọ t'à weyatì gìhchì nịdè, nakwenàozọọ t'asì nezũ gìghòt'à ha sị ededì sị gìghòt'à ha họt'e. Dọ ehkw'ì edaa elì dọ gík'èezọ t'à weyatì gìhchì nịdè dọ ehkw'ì edaa t'asì nezũ gìghòt'à ha sị ededì sị gìghòt'à ha họt'e. 42 Ehkw'ì anaxèehsì, dũ secheekeè sexè agèt'ũ sị dọ gha dek'ažì gũlì kò, secheekeè agèt'ì gok'ègeezọ t'à, dọ tì whek'òo zọ goghàdì nịdè wek'èxa t'asì nezũ weghòt'à ha họt'e,” Zezì edecheekeè gòhdì.

11

Zezì eyits'ọ John-Baptist

1 Zezì edecheekeè hoònọ-daà-nàke hanì hoghàgoehtọ t'axọọ Galilee nèk'e kòta yàgòlaa ts'ọ aja, ekọ dọ hoghàgoehtọ xè godì nezũ t'à dọ ts'ọ gode.

2 John-Baptist wedaàtọ ekò, Zezì ayì dàhzi yeghọ iikw'o ekò edecheekeè yets'ọ goèhza, hadì, 3 “Dũ hanì daweahke: Dọ ìlè jọ nùtla ha ìlè sị asì eyì anet'e? Eyì anet'e-le nịdè asì dọ eyì-le danats'eèhzi ha, hawèahdì,” gòhdì.

4 Zezì gots'ọ hadì, “John-Baptist ts'ọ anaahde. Ayì aahzi eyits'ọ ayì aàhk'oo sị hazọọ wets'ọ haahdì: 5 Dọ gidaà goilee sị k'egeet'ì, k'egedè-le sị k'egedè, gikwò tàda t'à eyagũlũ sị k'aat'ì agejà, gidzi goilee sị egeèhk'w'ọ agejà, ełagũdè sị nagidà eyits'ọ dọ-teèt'ũ sị godì nezũ egikw'o. 6 Amì wek'èch'a aht'ì-le sị wexè sìghà họt'e,” Zezì gòhdì.

7 John-Baptist wecheekeè nageèhde ekò Zezi John-Baptist ghò dọ hazòò ts'ò hadi, “Ekii-ka nèk'e ayi ghàahda ha ekọ k'eahdè? Tì'oh k'ewehehts'i ghàahda ha ni aah't'i? 8 Hanì-le-ìdè ayi ghàahda ha ekọ k'eahdè? Dọ nezì nàht'ì ghàahda ha ni aah't'i? Ìle, dọ goht'ọ dètì t'à-aget'ì sù k'àowocho wekọ nàgedè họt'e. 9 Ekọ ayi ghàahda ha aah't'ì ilè? Nakwenàozọọ? Hẹzẹ, nakwenàozọọ nahk'e elì sù weahzì họt'e. 10 Eyi dọ weghọ du hanì dek'eèht'è: *'Nenakweè dọ ilè seyati k'era ha. Nenakweè negha ts'atà nihòzà ha.'*

11 Ehw'ì anaxèhsì, dọ hazòò gìgòhì sù John-Baptist wenahk'e gòhì-le. Hanìkò Nòhtsì Wenàowoò k'èè hòzọọ geèhw'ee gita dọ dek'azì elì sù John-Baptist nahk'e elì họt'e. 12 John-Baptist dọ k'ètaidzọ gots'ọ du dzeè gots'ọ dọ Nòhtsì Wenàowoò k'èè hòzọọ k'èch'a aget'ì xè gits'ọ k'àhògedè ha gùwọ. 13 John-Baptist dọ ts'ò gode gots'ọ, nakwenàozọọ giniht'è, eyits'ọ Moses wenih't'è, Nòhtsì Wenàowoò k'èè hòzọọ ghọ nadaà gogùde ilè. 14 Eyi naxìgha ehkw'ì-ahodi nìdè ededì sù Elijah jọ nìtla ha ts'edì ilè sù eyi lanì họt'e. 15 Naxìdzìhkw'ọò gòhì nìdè hotì nezì aàhk'ọ.

16 “Du dọ xàgèzàa sù ayi xègùht'e ts'edì lì? Chekoa tlibàa geèhw'ee lagùt'e. Elets'ò hagedì yagìzeh,

17 'Naxìgha shì ts'eehdì, hanìkò dagoahwho nìle. Naxìgha ts'òts'ìwọ-zhì t'à ts'ejì, hanìkò aah'tse nìle,' gedì.

18 John-Baptist nìtla ekò, edegọ t'à shètì-le xè yedọ-le, hanìkò du hagedì, 'Ìnìhì wets'ò-èlì,' gedì.

19 Dọ-wet'àazàa-deè nìtla ekò shètì xè yedọ, eyit'à

du hagedi, 'Bò gha edì-le xè yedò ghaewi. Sqòm̃ba-nàhts̃i-dòò eyits'ò hoḥi-hogehts̃i-dòò edeàg̃iḡ gòt'ì, gedi. Wet'à gots'ìzqò s̃i wek'èè ts'eeda ñdè hozi gok'e wègaat'ì ha h̃ot'e," Zezi gòhdi.

Dò edek'eg̃iḡ-le s̃i g̃ixè hoila ha

²⁰ Zezi hadi t'axqò k̃òta dezoò eñiyah hòèhts̃i s̃i ek̃ò gots'ò dò, edek'eg̃iḡ-le t'à ek̃ò-le eghàlag̃idà gòhdi, goghò gode. ²¹ Zezi hadi, "K̃òta Korazin, nax̃igha hoila nechà ha! K̃òta Bethsaida, nax̃igha hoila nechà ha! Nax̃ik̃òta eñiyah eghàlaih̃dàa s̃i k̃òta Tyre got'ì eyits'ò Sidon got'ì g̃ixè hanàhòwo ñdè whaà edek'eg̃iḡ ha ìlè, d̃òshòq̃ goht'òq̃ t'à-aget'ì xè lèbè ta geèhk̃w'e ha ìlè. ²² Ehkw'ì anax̃èhs̃i, gos̃iñiyat̃i dzeq̃ k'e ñdè Tyre got'ì eyits'ò Sidon got'ì nax̃ik'aḡi g̃igha hoila ha h̃ot'e. ²³ Ekò Capernaum got'ì, as̃i idòo yak'e ts'ò danax̃itè ha? Ìlè, ìzh̃i weh̃k̃ò ts'ò anax̃edle ha. Eñiyah nax̃idaà hòwhihts̃i s̃i Sodom got'ì g̃inadaḡà hanàhòwo ñdè du dzeq̃ ts'ò g̃ik̃òta gòzò ha ìlè. ²⁴ Ehkw'ì anax̃èhs̃i, gos̃iñiyat̃i dzeq̃ k'e ñdè Sodom got'ì nax̃ik'aḡi g̃igha hoila ha h̃ot'e," Zezi gòhdi.

Zezi goxè ts'èwh̃i hòzqò ayeh̃i

²⁵ Ek̃iyeè k'e Zezi hadi, "Setà, neghàsq̃ehdi, yak'e eyits'ò du nèk'e ts'ò K'àowo anet'e. Dò goguzqò xè hoghàgèetqò s̃i eyi hazqò g̃ich'à dezi whezq̃ anelà, hañkò chekoa nechà-lea s̃i g̃ik'èezqò anelà. ²⁶ Hezq̃, Setà, hañi negha sìghà t'à anelà.

²⁷ "Setà t'as̃i hazqò set'aà whelaà ayìl̃à. Dò w̃uz̃i Nòhts̃i Weza k'èezq̃ ñilè; Nòhts̃i-Gotà zq̃ yek'èezq̃. Dò w̃uz̃i Nòhts̃i-Gotà k'èezq̃ ñilè; Weza

zò yek'èezò họt'e. Eyits'ò Weza amì gòihchi sù Nòhtsì-Gotà k'ègeezòò agohzì.

²⁸ “Naxì hazòò nàhtsòò xè naxìgha dùi sù sets'ò aahde, naxìxè ts'èwhù hòzòò agohle ha. ²⁹ Senàowoò edek'e aahle eyits'ò hoghànaxihtò. Dò ts'ò sedzeè nezì xè k'èeweèt'ì aht'e. Sek'èaht'e nìdè naxìdzeè xè ts'èwhù hòzò ha. ³⁰ Senàowoò sù nedà xè dezhi nùile,” Zezì gòhdi.

12

Nòhtsì Dzeè gha k'àowo

¹ Ilaà Nòhtsì Dzeè k'e Zezì t'olà dehshee nì k'etlo. Wecheekeè degeèhdi t'à t'olà gihchi gà edilà t'à tàtsògeèhdi xè gedè. ² Pharisee gùlù sù gogiazì ekò Zezì ts'ò hagedì, “Gìghàida! Nòhtsì Dzeè k'e ayì wets'àet'òò sù hagehzi,” gedì.

³ Zezì gots'ò hadì, “K'àowocho David ededì eyits'ò wecheekeè degeèhdi ekò ayì dàyìlìlā sù wek'eyaahtì-le nì? ⁴ Nòhtsìkò-gocho goyageède gà lèt'è degai goyì whezòò sù gùzà. Eyì hagejàa sù ededì gìgha wets'àet'ò họt'e, yahtù zò gìgha wets'àet'ò nùile. ⁵ Eyits'ò yahtù ayì ghàlageedaa sù Moses wenìht'è k'e wek'eyaahtì-le nì? Nòhtsì Dzeè k'e eghàlats'eeda ha-le dek'èèht'è, hanìkò yahtù sù Nòhtsìkò-gocho goyì eghàlageeda kò ekò-le hogehtsì nùile. ⁶ Ehkw'ì anaxèehsì, Nòhtsìkò-gocho nahk'e elù sù jò wheda họt'e. ⁷ Dì hani dek'èèht'è: ‘Dò ts'ò naxìdzeè eteèzì ha dehwhò; sets'ò t'asì k'eahk'ò ha dehwhò-le.’ Eyì yatì dàhodì-ahodì sù wek'èahsò nìdè dì secheekeè

ekọ-le hogèhtsɪ-le sù gɪsnìyaahtɪ ha-le ìlè. ⁸ Dọ-wet'aaʔaa-deè sù Nòhtsɪ Dzeɛ̀ gha k'àowo elɪ họt'e," Zezì gòhdi (edeghọ godeè-adi).

⁹ Eyɪ hagòhdi tɪ'axọ̀ elègehdeè-kọ goyaèhtɪa. ¹⁰ Dọ ìlè wɪlà elèènɪtsoo eyɪ wheda. Pharisee gɪlɪ sù Zezì k'e nìdahogeeʔa ha gɪwọ t'à gɪts'ọ hadɪ, "Gonàowoò k'èè ha nɪdè, asɪ̀ Nòhtsɪ Dzeɛ̀ k'e dọ k'aat'ìi ats'ele ha dɪi-le?" gɪhdi.

¹¹ Zezì gots'ọ hadɪ, "Edahxọ naxɪts'ọ sahzọ̀ ìlè Nòhtsɪ Dzeɛ̀ k'e deè goyìèkw'o nɪdè xàweahchɪ ha-le nì? ¹² Dọ sahzọ̀ nahk'e gɪlɪ họt'e! Eyɪ'à Nòhtsɪ Dzeɛ̀ k'e dọ ts'ọ nezɪ̀ eghàlats'eedaa sù wets'æt'ọ nùile," gòhdi.

¹³ Eyɪ tɪ'axọ̀ dọ wɪlà elèènɪtsoo sù ts'ọ hadɪ, "Nɪlà daɪchɪ," yèhdi. Edɪlà daɪchɪ ts'òet'ìi wɪlà k'aat'ìi anajà, wɪlà eyɪ-le xèht'eè ajà. ¹⁴ Hanìkò Pharisee gɪlɪ sù xàgeède, dànì Zezì elààgɪhwhɪ ha sù dọ naàhtọ gɪghọ gode.

Nòhtsɪ Wecheekeèdeè

¹⁵ Pharisee dàgɪwọ̀ sù Zezì gok'èezọ t'à ekọ ts'ọ̀ naèhtɪa. Dọ lọ gɪk'èède eyɪts'ọ dọ-eyaelɪ hazọ̀ k'aat'ìi agòòlà, ¹⁶ hanìkò "Amɪ̀ k'aat'ìi anaxɪ̀là sù ghọ goahde-le," gòhdi. ¹⁷ Eyɪ hagòjàa sù nakwenàozọ̀ Isaiah yeghọ gojde ìlè sù wek'èè agòjà. Dɪ hadɪ ìlè,

¹⁸ "Secheekè wɪhchɪ̀ sù jọ nàwo. Ededɪ weghonehtọ xè weghọ sọdehwhọ họt'e. Yedayeh Nezì wets'ọ ahle ha eyɪts'ọ dọ hazọ̀ xàʔaa dànì ehkw'ì geedaa ghọ hoghàgoehtọ ha. ¹⁹ Dọ xè nàdahoowo hohtsɪ ha-le, eyɪts'ọ kòta eze h wets'ùkw'o ha-le. ²⁰ Hoehnè xè nàowo ehkw'ù k'èè hòʔọ̀ agole gots'ọ ts'ichɪ̀ wexoerʔaa lanu sù

nàyeeshì ha-le, eyits'ò ek'aèk'ò yaazea zò dèk'òò sù nayeekwi ha-le. ²¹ *Dò hazòò xàzaa ededi Edaxàgolee elù sù gıgha ehkw'i-ahodi ha,” Isaiah hadi, yeghò goıde ilè.*

Zezi eyits'ò wehıı gha k'àowo

²² Dò inıı wets'ò-èlı t'à wedaà goilee xè gode-le sù Zezi gà nègıhtı. Zezi k'aat'ıı ayıılà t'à gode xè k'et'ıı anajà. ²³ Dò hazòò gıgha enııyah t'à, hagedı, “Dıı k'àowocho David Weza at'ı sını,” gedi.

²⁴ Hanıkò Pharisee gııı sù egıkw'o t'à hagedı, “Inıı gha k'àowo dahxà inıı xàdeezhı at'ı,” gedi.

²⁵ Hanıkò dànı nàıgedèe sù Zezi gok'èezò t'à hagòhdi, “K'àowocho wenèk'e dò elets'ò xanıgııza nıde k'àowo wenè weghe wedıhoè ha. Eyits'ò kòta hanı-le-ıde ıèhkò goyıı dò eèk'èch'a geeda nıde dò gıxè hoıla agode ha. ²⁶ Wehıı inıı xàgodeezhı nıde edek'èch'a at'ı họt'e. Hanı-ıde wehıı k'àhowo-le ade ha. ²⁷ Inıı gha k'àowo sets'adı t'à inıı xàdeeshı nıde naxıcheekè amıı dahxà inıı xàdegeezhı? Eyıt'à naxıcheekè naxısınıyaghtı ha họt'e. ²⁸ Ekò Nòhtsı wets'ò Inıı Degai dahxà inıı xàdeeshı nıde Nòhtsı Wenàowoò naxını wehòhò họt'e.

²⁹ “K'achı dıı hats'edi ghò nàıahdè: dò nàtsoo t'akwełòò dawets'eèzà lenòsıı wekò enıxàts'eezhı gà wets'ò t'asıı ts'eezı ha dıı. Dawets'eèzà t'axòò nıde zò wekò gots'ò t'asıı ts'eezı ha dıı-le.

³⁰ “Dò sexè at'ı-le sù sek'èch'a at'ı họt'e eyits'ò amıı sexè dò nàgehtsı-le sıı sek'èch'a aget'ı họt'e. ³¹ Ehkw'i anaxèehsı, hoıı hazòò eyits'ò Nòhtsı k'èch'a gots'edee sù dò ghò nahoezhe ha họt'e, hanıkò Yedàyeh Nezıı k'èch'a gogede nıde gıghò

nahoezhe ha-le. ³² Eyits'ò Dò-wet'àaàa-deè k'èch'a gogede nìdè eyi gìghò nahoezhe ha, hanìkò dò Yedàyeh Nezzì k'èch'a gogede nìdè gìghò nahoezhe ha-le. Dii gìghò nahoezhe ha-le eyits'ò ìdaà sì gìghò nahoezhe ha-le.

³³ “Ts'i nezzì nìdè wek'e jìecho nezzì dehshe, ekò ts'i nezzì-le nìdè wek'e jìecho nezzì-le dehshe. Ts'i wejìecho ghàà ts'i wek'èhoedzò họt'e. ³⁴ Naxì sìn wehìì weza laah't'e! Hoìì-hoah'tsì-dòò aah't'e t'à t'asìì nezzì ghò goahde ha dìì. Dò gidzèè yìì ayìì whelaa weghàà gogede họt'e. ³⁵ Dò nezzì sìn t'asìì nezzì ededzèè yìì whehìà t'à nezzì k'ehoza. Hanìkò hoìì-hoah'tsì-dòò sìn nàowohìì ededzèè yìì whehìà t'à ekò-le eghàlaeda. ³⁶ Ehw'ì anaxèehsì, gosìnyætì dzèè k'e nìdè dò hazòò yatìts'ìì t'à gogìde ìlèè sìn wek'èxa gìsìnyætì ha. ³⁷ Naxìyatìì ghàà naxìsìnyætì ha. Yatì nezzì t'à goahde nìdè wek'èxa t'asanaxedle ha-le, ekò yatì nezzì-le t'à goahde nìdè wek'èxa hoìla anaxedle ha,” Zezì gòhdì.

K'aodèe gùlù sìn enìyah deè geekè

³⁸ Pharisee gùlù mòhdaa eyits'ò Nòhtsì-yatìì-k'ègedì-dòò mòhdaa Zezì ts'ò hagedì, “K'àowo, godàà enìyah hoìhtsì,” gùhdì.

³⁹ Zezì gots'ò hadì, “Dò Nòhtsì k'èagùt'e-le xè hoìì-nàowoò k'èè geedaa sìn enìyah deè geekè, hanìkò hanì wùzìì gezì ha-le. Nòhtsì dànì nakwenàozòò Jonah xè enìyah eghàlajdàa sìn eyi zò gezì ha. ⁴⁰ Tai dzèè eyits'ò tai toò ts'ò Jonah hìwecho bò yìdà. Eyì xèht'eè Dò-wet'àaàa-deè tai dzèè eyits'ò tai toò ts'ò deè goyìì wheda ha.

⁴¹ Dò hazòò gìsìnyætì nìdè, Nìneveh got'ìì dìì dò

xè nàgèhza ha, ‘Dii dọ ekọ-le eghàlagùdà,’ gedi ha. Nakwenàozọọ Jonah Nineveh got’ìì ts’ò goide ekò edek’egùlì xè gini eladù ajà ilè. Hanikò dii, Jonah nahk’e elì sù jọ wheda họt’e. ⁴² Dọ hazọọ gisiniyaeti nìdè, sazi nèk’e gots’ọ ts’èko-k’àoowo dii dọ gota nàwo ha, ‘Dii dọ ekọ-le eghàlagùdà,’ hadi ha. Nìwàa nèk’e gots’ọ at’ì kò k’àowocho Solomon wenàowoò gọọzọọ yeèhkw’ọ ha nìwọ t’à yets’àèhtlà ilè. Hanikò dii Solomon nahk’e elì sù jọ wheda họt’e.

⁴³ “Ìnìhì dọ yì gots’ọ xàetlà nìdè ekù-ka nèk’e hazọọ wek’eèhoowo. Edì nahoezi ha gòzọọ sù hanìwọ, hanikò yegòhza-le. ⁴⁴ Eyi t’à hadi, ‘Edì gots’ọ xàèhtlà sù ekọ anahde ha,’ hadi. Dọ yì nòotlà nìdè, t’asì hazọọ nezì whela yezi ha. ⁴⁵ Eyi t’à k’achì xàèhtlà. Ìnìhì lòhdì yenahk’e sù gji sù edexè goyagoèwa gà, dọ yì nàgedè. Nọode ts’ò eyi dọ t’akwe nahk’e dezoọ wexè gots’eèdi agòjà. Dii dọ xàgèèzaa sù hanì gixè hòzọ ha họt’e,” Zezi gòhdi.

Zezi wemọ eyits’ọ wechike

⁴⁶ Zezi ilàà dọ xè godo ekò, wemọ eyits’ọ wechike gits’ọ gode ha gjuwọ t’à, mòht’a nàgèhza. ⁴⁷ Dọ ilè Zezi ts’ò hadi, “Nemọ eyits’ọ nechì mòht’a nàgèhza; nets’ọ gogede ha gjuwọ,” yèhdi.

⁴⁸ Zezi yets’ò hadi, “Amì semọ ne? Amì sechì agùt’e?” ⁴⁹ Edecheekeè ts’ò dakw’iekwì xè hadi, “Dii sù semọ eyits’ọ sechì agùt’e. ⁵⁰ Amì Setà yak’e whedaa k’èagùt’ee sù sechì, sedè eyits’ọ semọ agùt’e,” Zezi yèhdi.

13

Wet'à t'asì dehshee godi

¹ Eyì dzeè k'e Zezì eyì kò gots'òò naèhtla gà tabàa wheda. ² Sì dọ lọ Zezì ts'ò ełègehde t'à Zezì elà yietla gà dọ ts'ò gode. Dọ hazòò tabàa nàgeèhza xè geèhk'w'ò. ³ Zezì godi lọ t'à goxè godo, hadi, “Dọ ɔ̀lè wet'à t'asì dehshee dèè k'e nèyɔ̀la. ⁴ Wet'à t'asì dehshee dèè k'e ts'ò yeèhdè ekò mọhdaa tɔ̀li k'e nàit'f'ì t'à chɔ̀lɔ̀ gɔ̀lɔ̀. ⁵ Mọhdaa kwe ta nàit'f'ì. Ekọ eht'è lọ-le t'à ɔ̀whaà xànyishọ. ⁶ Sadeè nàtso t'à wezìt'òà whegọ xè ełàɔ̀dè. Weghochù nedè-le t'à whegọò ajà. ⁷ Wet'à t'asì dehshee mọhdaa ɔ̀chìghoò ta nàit'f'ì t'à ełexè dèhshọ; ɔ̀chìghoò yeɔ̀òò nànyihso t'à ełàɔ̀dè. ⁸ Hanikò mọhdaa dèè nezù k'e nàit'f'ì. Nezi dèhshọ eyits'ò t'aatɔ̀ dèè k'e nàit'f'ì sù ɔ̀lèakw'eènọ, ek'ètaènọ, hanì-le-ɔ̀dè taènọ deɔ̀atɔ̀ ts'ò xànyishọ. ⁹ Amì wedzi gòhɔ̀ sù eèhk'w'ò welè,” Zezì gòhdi goxè godo.

¹⁰ Eyì t'axòò wecheekè dageehke, “Dànìghọ wet'à nànit's'ewoo godi zọ t'à dọ hoghàgùhtọ,” gùhdi.

¹¹ Eyit'à Zezì gots'ò hadi, “Naxì sù Nòhtsì Wenàowò k'èè hòzọ k'èahsọ ha naxìghàhòt'ò họt'e, hanikò dọ eyi-le sù hanì gìghàhòt'ò nùle. ¹² Amì t'asì lọ wets'ò sù eyì weɔ̀atɔ̀ weghòzhe ha, hanì-ɔ̀dè t'asì deɔ̀atɔ̀ wets'ò ade ha. Hanikò amì t'asì wets'ò-le sù t'asì lọ-lea wets'ò sù eyì kò weghọ ichi ha họt'e. ¹³ Dànìghọ wet'à nànit's'ewoo godi zọ t'à hoghàgeehtọ sù naxìdaihsì:

'K'eeget'ì kò geɔ̀ ha-le eyits'ò egeèhk'w'ò kò dàhodù-ahodu sù gɔ̀nedi ha-le.'

14 Eyi dọ gixè hagòjàa sù nakwenàozọọ Isaiah hanì dek'enèyùt'è ìlèe sù wek'èè agòjà. Dú hadì ìlè:

'T'aats'ọ̀ọ̀ aàhkw'ọ̀ hanìkò ayù awèts'edu sù wek'èahsọ ha-le; t'aats'ọ̀ọ̀ naxıgha wègaat'ı hanìkò wenahdì ha-le. 15 *Du dọ sù gıkwì nàtsoò ajà. Gıdzù goilè lagıt'e eyıts'ọ̀ k'egeet'ı ha gıwọ-le. Hagıt'e-le nıdè ededaà t'à k'egeet'ı xè ededzùhkw'ọ̀ t'à egeèhkw'ọ̀ ha eyıts'ọ̀ ededzeè t'à t'asù nıgeedı ha ìlè. Sets'ọ̀ agejà nıdè k'aat'ı aghè ha ìlè,' Isaiah hadı dek'eèht'è.*

16 Hanìkò naxı sù naxıdaà t'à k'eaht'ı eyıts'ọ̀ naxıdzùhkw'ọ̀ t'à aàhkw'ọ̀ t'à naxıxè sighà họt'e.

17 Ehw'ı anaxèehsı, ıneè nakwenàozọọ ıọ eyıts'ọ̀ dọ ehkw'ı geeda ıọ ìlè, ayı aahzı sù gıghàeda ha gıwọ ìlè hanìkò gıazı-le. Eyıts'ọ̀ dı ayı aàhkw'ọ̀ sù geèhkw'ọ̀ ha gıwọ ìlè hanìkò eyı gıhkw'ọ̀-le.

18 “Eyi t'asù dehshee wegodı t'à dàhodı-ahodı sù naxıts'ọ̀ haehsı ha: 19 Eyi dọ Nòhtsı Wenàowoò godı yıkw'o kò yenıedı-le sù eyı godı wedzeè yı ajà ìlèe sù ekòet'ı wehı yeghonyıichı. Eyi sù wet'à t'asù dehshee tı k'e nàıt'ı lanı họt'e. 20 Wet'à t'asù dehshee kwe ta nàıt'ı sù dı lanı họt'e: dọ eyı yatı ıkw'o ts'òet'ı sù wınà xè yıhchı. 21 Hanìkò weghochı whıle t'à whaà-lea ts'ọ̀ zọ yek'èè eda. Nòhtsı yatı ts'ıhòò wegħa hoıla xè dazıa nıdè ekòet'ı wedè ayehzı. 22 Dọ mòhdaa sù wet'à t'asù dehshee ıchıghoò ta nàıt'ı lagıt'e. Godı gıkw'o hanìkò t'asù ıọ ghọ nàıgedè eyıts'ọ̀ sọ̀mba ıọ gıwọ t'à edeghoyageezà lanı geeda. Eyi t'à yatı nezı wedıhogehtsı xè t'asù nezı wızı xàhogeħwhıle. 23 Ekò dọ yatı gıkw'o xè gııedı sù wet'à t'asù dehshee dèe nezı k'e nàıt'ı lagıt'e. T'aatı weghòzha ìlèe sù wenahk'e ìlèakw'eènọ, ek'ètaènọ,

hanì-le-ı̀dè taènq ts'ò nègı̀la,” Zezì gòhdi.

T'oh nezi-le dehshee wegodi

²⁴ Zezì hadı t'axqò k'achı godı eıadı t'à goxè godo, hadı, “Nòhtsı Wenàowoò k'èè hòzqò sı dı hanı hq't'e: Dq ı̀hè wet'à t'ası nezi dehshee sı dèè k'e nèyıla. ²⁵ Hanıkò dq hazqò whete ekò dq ı̀hè yets'ò xanııaa sı eyı dèè k'e t'oh nezi-le dehshee sı weta nèyıla. Eyı t'axqò naèhtla. ²⁶ Eyı dèè k'e t'ası nezi xanııshq ekò wexè-t'ı t'oh nezi-le sı xanııshq.

²⁷ “Dq eyı wedèè ne sı wecheekè gıts'ò hadı, ‘K'àowo, nedèè k'e t'ası nezi nèneela-le nı? Dànıghq t'oh nezi-le sı weta dehshe?’ gıhdi.

²⁸ “K'àowo gots'ò hadı, ‘Dq sets'ò xanııaa sı eyı ayıılà hq't'e,’ gòhdi.

“Wecheekè gıts'ò hadı, ‘T'oh nezi-le weta dèhshqò sı xàts'ehdlà ha neewq nı?’ gıhdi.

²⁹ “Hanıkò k'àowo gots'ò hadı, ‘ı̀le, haahle-le. Xàahdlà nıdè t'ası nezi dèhshqò sı weghochı wexè xàahdlà ha sını. ³⁰ Nezi dıdı ade ts'ò ı̀lah eıexè dehsheè aahle. T'ası hazqò nàgehtsı t'axqò nıdè secheekè gıts'ò dı haehsı ha: T'akweıò t'oh nezi-le hazqò nàhtsı gà eıèhchı aahle gà wek'eahk'ò. Eyı haahlà t'axqò nıdè t'ası nezi sı hazqò nàhtsı gà xehkò goyaahwha,’ edecheekè gòhdi,” Zezì hadı goxè godo.

T'ası dehshee wejia eyts'q lèt'èa

³¹ K'achı Zezì goxè godo, hadı, “Nòhtsı Wenàowoò k'èè hòzqò sı t'ası dehshee wejia lanı hq't'e. Eyı sı dq neyıchı gà dèè goyı yıızq. ³² Eyı t'ası dehshee wejia sı nechà-lea kò dehshe nıdè

ts'i nechàa ihlè. Chı̄ą gık'e nùidè gà wekw'ihchı̄ k'e dageèhk'w'e," gòhdi.

³³ K'achı̄ godı eyı̄-le t'à goxè godo, hadı: "Nòhtsı̄ Wenàowoò k'èè hòzòò sı̄ du hani họt'e: Ts'èko lèt'èa lè ta ayehzı̄, lèt'èa xè lè yeehti gà tsı̄yeehdi. Hani t'aa lè tsı̄èhdi sı̄ lèt'èa hazòò weta-ts'ò at'ı̄," gòhdi.

³⁴ Zezi dọ lọ wemọò elègehde taat'eè hanı godı t'à hoghàgoèhtọ; godı dẹ gots'ọ goıde while.

³⁵ Nakwenàozòò yeghọ goıde ı̀lèè sı̄ wek'èè agòjà. Du hadı ı̀lè:

"Godı t'à gohde ha, hani-ı̀de du nèè hòèlı̄ gots'ọ ayı̄ wek'èhoedzọ-le sı̄ t'à dọ hoghàehtọ ha," nakwenàozòò hadı dek'eèht'è.

Zezi t'oh nezi-le dehshee wegodū yek'ayaehı̄

³⁶ Zezi godı t'à goxè godo t'axòò kò goyaèhtı̄a. Wecheekè gıts'ọ nı̄de, hagedı, "Eyı̄ dèè k'e t'ası̄ dehshee wegodū ayı̄ awı̄dı gots'ọ wek'ayahtı̄," gı̄hdi.

³⁷ Zezi gots'ọ hadı, "Eyı̄ dọ wet'à t'ası̄ nezī dehshee dèè k'e nèyıl̄aa sı̄ Dọ-wet'àa2àa-deè họt'e.

³⁸ Eyı̄ dèè sı̄ du nèk'e dọ hazòò agı̄t'e, eyıts'ọ wet'à t'ası̄ nezī dehshee sı̄ dọ Nòhtsı̄ Wenàowoò gı̄wọ agı̄t'e. T'oh nezī-le dehshee sı̄ dọ wehı̄ nàowoò gı̄wọ agı̄t'e. ³⁹ Eyı̄ dọ wet'à t'oh nezī-le dehshee dèè k'e ayıl̄aa sı̄ wehı̄ họt'e. Eyı̄ dzeè k'e t'ası̄ diidi hazòò nàgehtsı̄ sı̄ nọode dzeè họt'e, eyıts'ọ k'àowo wecheekè t'ası̄ nezī hazòò xehkò goyageewaa sı̄ yak'eet'ı̄ agı̄t'e.

⁴⁰ "T'oh nezī-le sı̄ xàgehdlà gà gık'eehk'òò sı̄ nọode dzeè k'e nı̄de eyı̄ lagode ha. ⁴¹ Eyı̄ dzeè k'e Dọ-wet'àa2àa-deè edets'ọ yak'eet'ı̄ dọ ts'ò agole ha. Dọ nàowoı̄ k'èè eghàlageeda xè Nòhtsı̄ wets'ọ

dọ ta nàgedè eyits'ọ dọ hoḥḥi hogehtsi agehzi si yak'eet'ni godihogehtsi ha. ⁴² Eyí dọ sù kò nàtsoò dèk'ọọ yì kwiigogeehdè ha. Ekọ getse xè sù gigha hoila ha. ⁴³ Hanikò dọ ehkw'í geedaa sù Nòhtsi-Gotà Wenàowoò k'èè hòzọọ ekọ sa daaza lagut'e ha. Naxidzi gòhḥi nùdè hotì nezì aàhkwo.

Sọmbaekwo eyits'ọ kwe degoo gots'ihza

⁴⁴ “Nòhtsi Wenàowoò k'èè hòzọọ sù dū lanì họt'e: Dọ dèè goyi sọmbaekwo gòhzo. Ekòet'ni k'achì dèè goyi nayizọ. Sù wina t'à t'asì hazọọ wets'ọ sù weghọ nàèdì. Eyí sọmba t'à eyí dèè nàgoèhdi.

⁴⁵ “Nòhtsi Wenàowoò k'èè hòzọọ sù dū sì lanì họt'e: Dọ ahxee kwe degoo dètì hak'eet'ni. ⁴⁶ Kwe degoo ìè wèdaat'ni xè dètì gòhzo ekò t'asì hazọọ wets'ọ sù weghọ nàèdì. Eyí sọmba t'à kwe degoo dètì nàyeèhdi.

Mì wegodi

⁴⁷ “K'achì Nòhtsi Wenàowoò k'èè hòzọọ sù dū lanì họt'e: Dọ mì tégūwa ekò h hazọọ xàzaa geeli. ⁴⁸ Lìwe lọ gehi t'à mì texàgeèlì. Lìwe nezì sù whatsoò t'ohoto yì gūwà, hanikò hwe nezì-le sù zògeèhde. ⁴⁹ Nọde dzeè k'e nùdè eyí lagòht'e ha. Yak'eet'ni dọ ta ts'ò agede ha, ehkw'í-geedaa-dọ eyits'ọ hoḥḥi-k'èè-geedaa-dọ ìlak'aà agogele ha. ⁵⁰ T'aa weju sù kò nàtsoò dèk'ọọ yì kwiigogeehdè ha. Ekọ getse xè sù gigha hoila ha.”

⁵¹ Zezi gots'ọ hadi, “Dàehsi sù weniahdi ni?” gòhdi.

“Hèzè,” gùhdi.

⁵² Zezi gots'ọ hadi, “Nòhtsi-yatù-k'èdì-dọ Nòhtsi Wenàowoò k'èè hoghàweehtọ nùdè dọ ahxee

lanì họt'e. Eyì dọ whaà gots'ọ t'asì nezụ eyìts'ọ t'asì nezụ wegòò edets'ọ xehkò gots'ọ xàyele họt'e.”

Xàè wekòta gots'ọ dọ ehkw'ì adì gùhwhọ-le

⁵³ Zezì godì t'à goxè godo ghọ nọt'e ekò ekọ gots'ọò naèhtla. ⁵⁴ Kòta dèzhọọ sù ekọ nùtla ekò elègehdeè-kò ts'ò èhtla, ekọ dọ hoghàehtọ. Dàni dọ hazọò ts'ò gode t'à sù gùgha enìyah lanì, elets'ọ hagedì, “Dànit'à dù dọ sù gọọzọ xè enìyah hoehtsì? ⁵⁵ Dechì-eghàlaedaa-dọò weza nùle nì? Wemọ Mary wiyeh nì? Eyìts'ọ wechì sì James, Joseph, Simon eyìts'ọ Zhìdàà agùt'e-le nì? ⁵⁶ Eyìts'ọ wedè gota nàgedè-le nì? Hanì-ìdè dànìghọ dù dọ eyì hazọò yeghàlaeda?” elets'ọ hagedì. ⁵⁷ Weghọ gik'èch'a agòjà. Eyìt'à Zezì gots'ọ hadì, “Nakwenàozọọ sù wekòta gots'ọ dọ eyìts'ọ xàè wèot'ì zọ dọ gít'ì nùle,” gòhdi.

⁵⁸ Dọ gùgha ehkw'ì-ahodì-le t'à, ekọ enìyah lọ hòèhtsì-le.

14

John-Baptist èlaàgùhwhọ

¹ Ekìyeè k'e k'àowocho Herod Zezì ghọ godì ùkw'o.

² Eyìt'à Herod edecheekè ts'ò hadì, “Eyì dọ John-Baptist at'ì! Naìdà t'à enìyah lọ hohtsì họt'e,” gòhdi.

³ Eyì wekwe k'àowocho Herod weyatì k'e John-Baptist dagiachì xè wegòò èket'ì ù agùlà gà dọ-danìlāa-kò nègùhtì ìlè. Herod edechì Philip wets'èkè Herodias yets'ìhọò hanì eghàlāidà ìlè. ⁴ John-Baptist Herod ts'ò hadì ìlè: “Dù ts'èko xè nààdè t'à hoù-hohtsì họt'e,” yèhdi ìlè.

⁵ Herod, John-Baptist ełààwı ha nıwq, hanikò dq nakwenàozqò ne gıhwhq t'à, gots'ajejı.

⁶ Herod wedzeè k'e Herodias weti Herod eyıts'q dq hazqò yexè shègezhee sù gogha datlo. Herod sù wegħa nezı t'à, ⁷ edeyatù nàtsoo t'eekoa ghàızo, hayèhđı, “Ayıı neewqò sù negħàehzà ha,” yèhđı. ⁸ Wemq dıı haıdı yèhđı t'à t'eekoa hadı, “John-Baptist wekwı kw'à k'e whezqò seghàıhghe,” yèhđı. ⁹ K'àowochö Herod sù yegħq nàniwhewo, hanikò hòt'a dq hazqò yexè shègezhee sù godaà yatı nàtsoo whehtsı t'à edecheekeè ts'ò hadı, “Eyı t'eekoa winı k'èè aahle,” gòhđı. ¹⁰ Eyıt'à dq-daniılaa-kò goyıı John-Baptist wekwı k'egıhkhà. ¹¹ John-Baptist wekwı kw'à k'e nègeèchı gà t'eekoa ghàgıhgè, eyıts'q edemq ghàııhgè. ¹² John-Baptist wekw'qò negıchı xè nègıtı ha wecheekeè eyı nègıde. Eyı t'axqò dàgòjaa sù Zezı ts'ò hagedı ha gıts'q geède.

Zezı dq lq wànıdı

¹³ Zezı John-Baptist xè dàgòjaa sù ghq ıkw'o ekò edecheekeè xè gowhatsqò gòzqò ts'ò geèze. Ekq wheda dq gıghıkw'o ekò dq lq edekòta gots'q edekw'qò t'à gık'èède. ¹⁴ Zezı edecheekeè xè ınoò tàwheze ekò dq lq gidanaèhzi nqò. Zezı ededzeè t'à etegoèhzi, eyıt'à dq eyagıııı sù k'aat'ıı agòòlà.

¹⁵ Xèhts'q agodaade t'à Zezı wecheekeè hagıhđı, “Hòt'a dzq k'ehqowö eyıts'q kòta gòlaa ts'ò gqowà agòht'e t'à dq hazqò edegħa wegħq shèts'ezhee nàgıhđı għa kòta gòlaa ts'ò nàgıhza,” gıhđı.

¹⁶ Hanikò Zezı gots'q hadı, “Nagıde-le kò; naxı t'asıı gıghàahđı,” gòhđı.

¹⁷ Hanikò Zezı ts'ò hagedı, “Lèt'è sılài eyıts'q hıwe nàke zq gots'q,” gıhđı.

18 Zezi gots'ò hadi, “Jò seghàahwha,” gòhdi. 19 Dò hazò t'oh k'e geèhkw'eè agòòlà. Eyi t'axò lèt'è sılàı eyıts'ò hıwe nàke neyııwa, ıdòo yak'e ts'ò k'et'ı xè yek'eèyaıhtı. Lèt'è nechà-lea tàıızhı gà edecheekè goghàııwa, eyıts'ò wecheekè dọ go-taàgèdì. 20 Dọ hazò gıgha hòt'a ts'ò shègıazhe. Eyi t'axò weghàhòwoo sıı wecheekè t'ohı hoònq-daats'ò-nàke dagoòzọ nàgèhtı. 21 Dọzhı sılài-lemı (5,000) shègıazhe; wedę ts'èko eyıts'ò chekoa goxè gıhtà-le.

Zezi tı ka k'etlo

22 Zezi dọ hazò wànıdì t'axò edecheekè gots'ò hadi, “Elà t'à senakweè ınòò naahzè,” gòhdi. Ededı ıdè àıda, dọ hazò nageèhdeè agòòlà. 23 Eyi t'axò whatsappı yahtı ha shıhka dekıtla. Togoòt'ò agòjà ekò ılaà ekọ wheda. 24 Ekııyè k'e elà ıkwè nıwà ajà. Nıhts'ı nıhdòò nagıat'ò t'à elà k'ewehts'ı dıı.

25 Totanı daats'ò tai nızọ eyıts'ò ek'ètai ekııyè k'e Zezi edecheekè ts'ò èhtla. Tı ka naetle.

26 Wecheekè tı ka naetle gıazı ekò sıı geèhyeh. “Dòts'ıı at'ı,” gedı, geejı t'à gezeh.

27 Ekòet'ıı Zezi gots'ò hadi, “Naxıdzeè nàtsoò aahle. Sı aht'ı. Dahjı-le,” gòhdi.

28 Peter hadi, “Nı aat'ı nıdè tı k'e edets'ò sıhza,” yèhdi.

29 Zezi yets'ò hadi, “Jò-ıtle!” yèhdi. Eyi t'à Peter tı ka Zezi ts'ò èhtla. 30 Hanıkò nıhts'ı nàtsoo ghàeda t'à dejı ajà. Peter tı yıı ts'ò ajà t'à Zezi ts'ò whezeh, hadi, “Sets'ò K'àowo edaxàsıhtè!” yèhdi.

31 Ekòet'ıı Zezi dayaachı, hayèhdi “Nı nı nàtso-le. Dànıghọ negha ehkw'ı-ahodı-le?” yèhdi.

³² Elà yì gùde et'ì nḡhts'ì whìle ajà.
³³ Wecheekeè elà yì geèhkw'ee sù gḡts'ò nàgògḡhghè, hagedì, “Nì sù Nḡhtsì Weza anet'e,” gḡhdì.

³⁴ Ìnòò tàgèèze ekò Genesaret nèk'e dàgḡde.
³⁵ Ekò dḡ nàgedèe sù Zezì at'ì gḡk'èhoèhzà t'à gḡmḡò kòta yàgòlaa sù dḡ hazḡò ts'ò hagedì. Eyit'à dḡ-eyagḡḡ hazḡò Zezì ts'ò agogḡlà. ³⁶ Gḡghḡnàdaeti, hagedì, “Dḡ eyagḡḡ sù nezeè welḡ zḡ kò dageechì agḡle,” gḡhdì. Eyit'à dḡ hazḡò Zezì wezeè xèlageehdù sù k'aàt'ì agejà.

15

Godzeè t'à hoḡḡ hots'ehtsì hḡt'e

¹ Jerusalem gots'ḡ Pharisee gḡḡḡ mòhdaa eyits'ḡ Nḡhtsì-yatiì-k'ègedì-dḡò Zezì ts'àgede, dageehke,
² “Dànìghḡ necheekeè gocho gḡnàowoò k'èch'a eghàlageeda? Shègezhe kwe edilà k'enagehtse-le!” gḡts'ò hadì.

³ Zezì gots'ḡ hadì, “Ekò naxì, dànìghḡ naxìcho gḡnàowoò k'èè eghàlaahdaa sù Nḡhtsì nàowoò nahk'e wet'àazà dahwhḡ? Haaht'ì ts'ìhḡò Nḡhtsì wenàowoò k'eahzhì hḡt'e. ⁴ Nḡhtsì gots'ḡ dḡ hadì ìlè, 'Naxità eyits'ḡ naximḡ gḡts'ḡ nezḡ aahda,' eyits'ḡ 'Amì edetà eyits'ḡ edemḡ gots'ḡ ìch'e xè gots'ḡ nàdahozàa sù eḡaàwèahwhì ha hḡt'e,' dek'èèht'è. ⁵ Hanìkò naxì dḡ haahdì: 'Dḡ edetà eyits'ḡ edemḡ gots'ḡ dḡ hadì ha hḡt'e: Wet'à naxìts'àhdì ha ìlè sù Nḡhtsì wegħa whezḡò ahlà. ⁶ Eyì dḡ hadì nḡdè, yet'à edetà ts'ò nezḡ eda-le kò,' dahdì hḡt'e. Eyì hanì nàowo aahtsì t'à Nḡhtsì weyatì wedè aahlà. ⁷ Degai daahstì kò wek'èè

aahda nùile! Nakwenàozqo Isaiah dànì naxìgho ùt'èe sù ehkw'ì adì ìlè. Dì hadì, dek'eèht'è:

⁸ 'Du dọ sù edeyatù zọ t'à sets'ò nezù geeda, hanikò ededzeè t'à sets'ònegù?à-le. ⁹ Ededì nàowo gehtsì t'à dọ hoghàgeehtọ; g'igha ìka while kò sets'ò yagehti,' hanì Isaiah naxìgho goide ìlè," Zezì gòhdi.

¹⁰ Zezì dọ hazọọ gokayahtì gà gots'ò hadì, "Seàhkw'ọ, ayì dàehsù sù wedaàniàhdè. ¹¹ Dọ wewà yì t'asì at'ù sù yet'à 'degai el-le' ade ha nùile, hanikò wewà gots'ọ ayì xàewì sù yet'à 'degai el-le' ade ha họt'e," gòhdi.

¹² Eyi t'axọọ wecheekeè Zezì ts'ò geède, hagedì, "Pharisee gùlù sù edàìdì sù ghọ sù gni-le; asù wèk'èizọ?" gùhdi.

¹³ Zezì gots'ò hadì, "Setà yak'e whedaa sù ts'ì hazọọ dehsheè ayìlà-le sù dèè goyì ts'ọ weghochù xè xàghdlà ha. ¹⁴ Gits'òniàh?à-le. K'enaxegehzi ha gùwọ, hanikò gidaà goilee lagùt'e. Dọ gidaà goilee sù k'elegeehzi nìdè ìlah dèè yì gọọ?àa goyì geet'ì ha," Zezì hagòhdi.

¹⁵ Peter Zezì ts'ò hadì, "Ayì awùdì sù godàìdì," yèhdi.

¹⁶ Zezì edecheekeè gots'ò hadì, "Ìlè naxìkwì dezhi nì? ¹⁷ Ayì awèehsù sù ìlè wèk'èahsọ-le nì? Ayì gowà yì at'ù sù gobò yì at'ì, eyi t'axọọ-ìdè gobò yì gots'ọ gozọ at'ì. ¹⁸ Hanikò gowà gots'ọ yatì xàdeewì sù godzeè yì gots'ọ at'ì họt'e, eyi wet'à 'degai ts'ùl-le' ats'et'ì. ¹⁹ Nàowoù t'à nànts'edè sù godzeè yì gots'ọ at'ì họt'e. Godzeè t'à dì hanì nezù nànts'edè-le: dọ efaàts'ehwhù, elexè hoù hots'ehtsù, hoù k'èè ekek'alats'edè, ets'eezù, dọ ghọ hots'ets'ì, eyits'ọ dọ gùzì jù ts'ehtsì. ²⁰ Nàowoù

gho nànts'edè nɔdè wet'à 'degai ts'ɔ̀lɔ̀-le' ats'et'ì. Hanikò shèts'etɪ kwe goilà k'enats'ehtse-le nɔdè wet'à 'degai ts'ɔ̀lɔ̀-le' ats'ede ha nuìle," Zezi gòhdi.

Canaan got'ɔ̀ ts'ò ts'èko wegħa ehkw'i-ahodi

²¹ Zezi edecheekeè xè dɔ gots'òò naèhtɫa. Eyì-le nèk'e kòta Tyre eyits'ò kòta Sɪdon ekò ts'ò geède.

²² Canaan got'ɔ̀ gots'ò ts'èko eyi nàdèe sɪ Zezi ts'ò èhtɫa. Ezeh xè hadɪ, "Sets'ò K'àowo, David Weza, etesenèezɪ! Seti ɪnɪɪ wets'ò-èlɪ t'à sɪ daɪza dii," hadi ezeh.

²³ Zezi yets'ò t'asadi-le t'à, wecheekeè gɪts'ò-ède, hagiɪhdi, "Ts'èko k'èdaà ezeh xè gok'èetɫe t'à, yeè nawɪhɪzà," giɪhdi.

²⁴ Zezi gots'ò hadɪ, "Israel got'ɔ̀ gɪta sahzòà dɪkògeèdee sɪ gɪgha zò jò ts'ò asɪidɫà hɔt'e," gòhdi.

²⁵ Ts'èko Zezi gà niitɫa, yets'ò nàgòɪghè, hadɪ, "K'àowo, sets'ànedi!" yèhdi.

²⁶ Zezi yets'ò hadɪ, "Chekoa gɪlèt'è gɪghò nets'ɪichɪ gà tɪ ts'ò ts'ehk'aa sɪ ehkw'i nuìle," yèhdi.

²⁷ Ts'èko hadɪ, "Sets'ò k'àowo, ehkw'i aɪdɪ, hanikò tɪ kò wets'ò k'àowo weladà k'e gots'ò lèt'ègwɪa hodàet'ɪ sɪ gedè hɔt'e," yèhdi.

²⁸ Zezi yets'ò hadɪ, "Ts'èko, sɪ negħa ehkw'i-ahodi! Ayi sɪkèe sɪ negħòt'à ha," yèhdi. Eyit'à ekòet'ɪ weti k'aàt'ɪ ajà.

Zezi k'achɪ dɔ lɔ wànyidi

²⁹ Zezi ekò gots'òò naèhtɫa, Galilee-ti wexa geède. Eyɪ t'axòò shìh dekegòòzàa k'e dekuɫa gà eyi dèhkwa. ³⁰ Dɔ lɔ gɪts'ò-ède. Dɔ k'egedè-le, dɔ gɪdaà goilee, dɔ gogede-le eyits'ò dɔ-eyagɪɪ hazòò Zezi gà nègogɪwa t'à k'aàt'ɪ agòòlà. ³¹ Dɔ k'egedè-le sɪ k'egedè agejà, dɔ gogede-le sɪ gogedeè agejà

eyits'q dọ gıdaà goılee sı k'egeet'ı agejà. Dọ gıxè hagòjà gıazı ekò sı gıgha enıyah t'à Israel got'ı Gınòhtsı ghàsogeedı.

³² Zezı edecheekeè gots'ò gode, hagòhdı, “Dıı dọ sedzeè t'à etegeèhı. Tai dzèè jọ sexè giakw'è xè t'ası wıızı gıwàhòdì-le. Bò dè nàgeet'ı ha sını t'à, degeèhdı xè nageehzà ha dehwhò-le,” gòhdı.

³³ Wecheekeè gıts'ò hadı, “Kòta gòlaa ts'ò gòqwa ts'eèhkwe, eyıt'á dani dọ haàtłòq gıgha lèt'è nàts'eèhdı ha?” gıhdı.

³⁴ Zezı gots'ò hadı, “Lèt'è dàtłòq naxıts'ò?”

“Lèt'è lòhdı eyıts'q hıwe nechà-lea mòhdaa,” gıhdı.

³⁵ Zezı dọ hazòq hagòhdı, “Dèe k'e dahkw'e,” gòhdı. ³⁶ Eyı t'axòq Zezı lèt'è lòhdı eyıts'q hıwe neyıwa gà yek'eèyahı. Lèt'è eyıts'q hıwe tàıızhı gà edecheekeè goghàııwa, eyıts'q wecheekeè dọ hazòq gotaàgıdı. ³⁷ Dọ hazòq gıgha hòt'a ts'ò shègıazhe. Eyı t'axòq dọ hazòq t'ası ghàgeèzàa sı wecheekeè nàgıhtsı. Hazòq t'à t'òhtò lòhdı haàtłòq nàgèhtsı. ³⁸ Dòzhı dı-lemı (4,000) shègıazhe; wedè ts'èko eyıts'q chekoa goxè gıhtà-le.

³⁹ Zezı dọ hazòq nagoèhà t'axòq wecheekeè gıxè elà yı gıde gà Magadan nèk'e ts'ò geèze.

16

Zezi enıyah deè hohtsı ha gıwò

¹ Pharisee gııı mòhdaa eyıts'q Sadducee gııı mòhdaa Zezı geèhdà ha gıwò t'à gıts'ò-ède, hagıhdı, “Yak'e gots'q gogha enıyah deè hohtsı,” gıhdı.

² Zezi gots'ò hadi, “Xèhts'ò nɔ̀dè dɔ̀ haahdi, ‘Yat'a hazòò goòk'o t'à satsò hojɔ̀ ha,’ dahdi. ³ Eyits'ò k'omòòòòò nɔ̀dè dɔ̀ haahdi, ‘K'oh dezoò lò t'à, dɔ̀ dzeè hojɔ̀ ha-le,’ dahdi. K'oh dànì wègaat'ɔ̀ sɔ̀ wek'ayaahdi ha dii-le. Hanikò dii naxɔ̀daà dàgot'ɔ̀ sɔ̀ dànìghò wek'ayaahdi ha dii? ⁴ Dò Nòhtsɔ̀ k'èagɔ̀t'e-le xè nàowohɔ̀ k'èè eghàlageeda gɔ̀lɔ̀ sɔ̀ eniɔ̀yah deè geɔ̀ ha gɔ̀wò. Nòhtsɔ̀ dànì nakwenàòòòòò Jonah xè eniɔ̀yah eghàlaidàa sɔ̀ eyi zò geɔ̀ ha,” gòhdi.

Eyi t'axòò Zezi gots'òò naèhtla, t'asɔ̀ ts'ò aja.

Pharisee eyits'ò Sadducee gɔ̀lɔ̀ sɔ̀ gɔ̀lèt'èa ch'à edexoahdi

⁵ Inòò ti te nòògeèht'e ekò, wecheekeè lèt'è de agejà ɔ̀lè. ⁶ Zezi gots'ò hadi, “Edexoahdi! Pharisee eyits'ò Sadducee gɔ̀lɔ̀ sɔ̀ gɔ̀lèt'èa ch'à edexoahdi,” gòhdi.

⁷ Hadì t'à wecheekeè elets'ò hagedi, “Lèt'è edexè ats'ɔ̀lè-le t'à adi,” gedi.

⁸ Zezi hanì gogede gok'èezò t'à gots'ò hadi, “Naxɔ̀nì nàtso-le dii. Dànìghò lèt'è while ghò elets'ò goahde? ⁹ Ihaà naxɔ̀kwì yèkw'ɔ̀-le nì? Dànì lèt'è sɔ̀lài t'à dɔ̀zhì sɔ̀lài-lemì gɔ̀wàhòòòòò sɔ̀ wedaàniàhdè. Lèt'è dezoò ɔ̀lè sɔ̀ t'òhtò dàtò dagoòòòò nàahtsɔ̀ sɔ̀, asɔ̀ wenaahdi? ¹⁰ Eyits'ò dànì lèt'è lòhdi t'à dɔ̀zhì dɔ̀-lemì gɔ̀wàhòòòòò sɔ̀ wedaàniàhdè. Lèt'è dezoò ɔ̀lè sɔ̀ t'òhtò dàtò dagoòòòò nàwhahtsɔ̀ sɔ̀, asɔ̀ wenaahdi? ¹¹ Lèt'è ghò gohde ahsɔ̀ nùle, dànìghò eyi weniàhdì-le? Hanikò Pharisee eyits'ò Sadducee gɔ̀lɔ̀ sɔ̀ gɔ̀lèt'èa ch'à edexoahdi ha họt'e,” gòhdi.

¹² Zezi eyi hadì t'à, wecheekeè, lèt'èa wet'à lèt'è ts'eht'è ghò godeè-adi-le gɔ̀mèdi agejà, hanikò

Pharisee gũlũ eyits'ọ Sadducee gũlũ sù gɪnàowoò ch'à edexogũhdi ghọ godee adì nọọ nàgèèhzhì.

Peter, Zezi Christ anet'e yèhdi

¹³ Zezi kòta Caesarea-Philippi ts'ọ nɪwà-lea nùtla ekò edecheekeè gots'ọ hadì, “Dọ sù Dọ-wet'àazàa-deè amì at'ì gedì?” gòhdi.

¹⁴ Wecheekeè hagũhdi, “Dọ mọhdaa John-Baptist at'ì gedì, mọhdaa Elijah at'ì gedì eyits'ọ dọ mọhdaa Jeremiah hanì-le-ìdè whaà gots'ọ nakwenàọqọ at'ì gedì,” gũhdi.

¹⁵ Zezi dagoehke, “Ekò naxì, amì aht'e sèahdi?” gòhdi.

¹⁶ Simon-Peter Zezi ts'ọ hadì, “Nì sù Christ anet'e. Nì sù Nòhtsì edaa weza anet'e,” yèhdi.

¹⁷ Zezi yets'ọ hadì, “Jonah weza Simon nexè sìghà họt'e. Dọ dahxà eyì wek'èìzọ nùle, hanìkò Setà yak'e whedaa sù wedahxà wek'èìzọ họt'e. ¹⁸ Nì sù kwe lanet'e t'à Peter nìyeh ha. Eyì kwe k'e sets'ọ dọ gìgha sekò gohtsì ha eyits'ọ wehìkò yedaèt'è ha-le.

¹⁹ Nòhtsì Wenàowoò k'èè hòqọq gha ladlì neghàehke ha. Dũ nèk'e ayì wedaàneedoo sù yak'e sù wedaàdo ha eyits'ọ dũ nèk'e ayì wets'ọdaà xàneetqọ sù yak'e sù wets'ọdaà xàetì ha họt'e,” yèhdi.

²⁰ Zezi edecheekeè gots'ọ hadì, “Christ aht'ee sù dọ wũzì ts'ọ haahdi-le,” gòhdi.

Zezi ẹlàngũhwhi ha sù yeghọ gode

²¹ Eyì dzeẹ k'e gots'ọ Zezi dũ hanì edecheekeè ts'ọ goìde: “Jerusalem ts'ọ ahde ha họt'e, ekọ qhdah gũlũ, yahtu-gha-k'aodèe, eyits'ọ Nòhtsì-yatiì-k'ègedì-dọq dasegũhza ha. Ẹlàngèhwhi ha họt'e, hanìkò tai dzeẹ k'ehọqwo t'axqọ nìdè naèhdà ha,” gòhdi.

²² Zezi hadi gojde t'à, Peter whatsò yets'ò gojde, hayèhdi, “Ìle, sets'ò K'àowo, nexè hagode ha niile!” yèhdi.

²³ Zezi Peter ts'ò ets'aèhtla, hayèhdi, “Wehhi, sechìht'a ts'ò aade! Ni sù kwe wet'à daèhkw'ih ha lanet'e. Nòhtsi wini k'èè nàninewo niile, hanikò dọ gini k'èè nàninewo họt'e,” hayèhdi.

²⁴ Hadi t'axò Zezi edecheekeè hazò ts'ò hadi, “Ami sek'èè at'i ha niwo sù edegho naniwo ha niile eyits'ò edets'ò dechiet'aa sek'èè nayati ha họt'e. ²⁵ Ami edini k'èè eda ha niwo sù wedihoè ha, hanikò ami sets'ihò edini k'èè eda-le sù eda ha. ²⁶ Di nèk'e dọ t'asi hazò edegha dèhnò kò wedàzhi wegho wedihòh nide, wegaha wet'aaà niile. Dọ wedàzhi k'exa t'asi wuzi nìà ha niile. ²⁷ Dọ-wet'aaàa-deè sù detà wets'ò t'asi nàtsoo xè eniyah deè t'à edets'ò yak'eet'i goxè niitla ha. Eyits'ò dọ hazò dani eghalagida k'èè goghàhòà ha. ²⁸ Ekw'i anaxèhsh, dọ mōhdaa jọ nageèhzaa sù Dọ-wet'aaàa-deè Wenàowo k'èè hòòò xè niitla gezi kwe eààgede ha niile,” Zezi hadi.

17

Moses eyits'ò Elijah, Zezi ts'ò gogede

¹ Ek'etai dzeè t'axò Zezi shih danichaa ka dekittla. Peter, James eyits'ò James wechi John whatsò edexè ekọ goowa. ² Ekọ gidaà eadì wègòèht'i. Wini sadeè lani wek'e saidi eyits'ò wegoht'ò degoo xè wek'e saide. ³ Ekiyeè k'e Moses eyits'ò Elijah, Zezi ts'ò gogede ginadaà gigoèht'i.

⁴ Peter Zezi ts'ò hadi, “K'àowo, jọ ts'eèhkw'e gogha hoqzi. Haneewo nide, naxigha kọà tai gohtsi ha

dii-le; ìlè negha, ìlè Moses wegħa eyits'ò ìlè Elijah wegħa,” yèhdi.

⁵ Ìlè Peter gode ekò k'oh gımqò ajà. K'oh yì gots'ò gots'edeè hõt'e, “Dii Seza wegħoneehtò hõt'e, wegħo sqdehwhò hõt'e, weàhk'w'ò!” hats'edi hõt'e.

⁶ Zezi wecheekeè hagodi egıkw'o ekò sù geèhyeh t'à, dèè k'e nàgıtl'ı. ⁷ Hanikò Zezi goga niitla, edilà gok'e ayılà gà gots'ò hadı, “Niàhdè, dahji-le,” gòhdi. ⁸ Wecheekeè idòo k'egeet'ı là Zezi ededi zò eyı nàwo gıazı.

⁹ Shihka gots'ò hodàgeède ekò Zezi hagòhdi, “Dq-wet'àazàa-deè naidà gots'ò ayı weahzı sù dq wızi ts'ò haahdi-le,” gòhdi.

¹⁰ Wecheekeè tai dageehke, “Dànighò Nòhtsı-yatı-k'ègedı-dqò nakwenàoꝛqò Elijah t'akwełòqò niitla ha, gedi,” gıhdi.

¹¹ Zezi hagòhdi, “Ehk'w'ı agedı, Elijah niitla ha hõt'e, t'ası hazqò sınıhòzà ha. ¹² Hanikò sı di hanaxèhsı, Elijah hòt'a jò niitla ìlè, hanikò eyı at'ı nàgeèhzhı-le t'à t'agıwq ts'ò gıghàladà hõt'e. Eyı xèht'eè Dq-wet'àazàa-deè dagıhza ha,” Zezi gòhdi. ¹³ Wecheekeè, John-Baptist ghò godeè-adi gımedı agejà.

Dqzha inıhı wets'ò-èlı sù k'aat'ı ajà

¹⁴ Dqdeè ts'ò nègıde ekò dq ìlè Zezi ts'ò èhtla gà yets'ò nàgòıhgè. ¹⁵ Hadı, “Sets'ò K'àowo, sezaa etewızi. Sezaa ezhi nàèhlè, eyit'à sù daıza. T'aats'òqò kò dèk'òq ta nàkw'ı xè tenakw'ı. ¹⁶ Necheekeè gıts'ò weèhchı, hanikò k'aat'ı agele ha diı,” yèhdi.

¹⁷ Zezi dq nı ts'ò hadı, “Naxı dq yàahı sù naxıgha ehk'w'ı-ahodi-le xè nàowo ehk'w'ı k'èch'a

eghàlaahda. Dàwhaà naxixè aht'e ha? Dàwhaà sinì tsjahwhì ha?” Hadì t'axòò dọzhìà wetà ts'ò hadì, “Nezaa sets'ò wùhchì,” yèhdi. ¹⁸ Zezì mìnìhù dọzhìà yì gots'ò xàdeèzhì t'à ekòet'iì k'aàt'iì ajà.

¹⁹ Eyì t'axòò Zezì wecheekeè whatsòò gits'ò-ède gà dageehke, “Dànìghò goxì mìnìhù xàwedets'eezhì ha dùi?” giùhdi.

²⁰ Zezì gots'ò hadì, “Nòhtsì hayele ha hotù naxìgha ehkw'i-ahodì-le t'à. Ehkw'i anaxèehsì, hòt'ò-lea kò naxìgha ehkw'i-ahodì nùdè, dù shìh ts'ò dù haahdi ha dùi-le, ‘Jò gots'ò yeè ts'ò adùle,’ wèahdi nùdè hade ha. Naxìgha ehkw'i-ahodì nùdè t'asì wùzì naxìgha dùi gòhì ha nùle,” Zezì gòhdi.

²¹⁻²² Galìlee nèk'e làà nègùde ekò Zezì gots'ò hadì, “Dọ-wet'àazàa-deè dọ t'agìhtè ha. ²³ Èlàgìhwhì ha eyìts'ò tai dzeè t'à naidà ha,” gòhdi. Hadì t'à wecheekeè gìgha dùi agòjà.

Nòhtsìkò-gocho gha sòmba nèts'e?

²⁴ Zezì edecheekeè xè kòta Capernaum nùtla ekò Nòhtsìkò-gocho gha sòmba-nàhtsì-dò mòhdaa Peter gà nègùde, dageehke, “Asìì nets'ò k'àowo Nòhtsìkò-gocho gha sòmba nèyùzà?” giùhdi.

²⁵ Peter gots'ò hadì, “Hèzè, hat'i ne,” gòhdi. Peter edù kò agùt'ee sù goyaèhtla ts'òet'iì, Zezì ededì t'akwèòò yets'ò hadì, “Simon, dù weghò dàneewò? Dù nèk'e k'àowocho gùlù sù amì ts'ò sòmba nàgehtsì? Xàè edeza gots'ò hanì-le-ìdè dọ eyì-le gots'ò?” yèhdi.

²⁶ “Dọ eyì-le gots'ò,” Peter yèhdi.

Zezì yets'ò hadì, “Hanì-ìdè xàè gıza gots'ò sòmba gìhchì nùle. ²⁷ Hanìkò dọ gik'èch'a hots'ehtsì ch'à tabàa ts'ò-ìtla gà jìh tìhk'ah. Łìwe

t'akwelòò nehjì sù wewà yì satsòà degoo nechàa gòìh²à ha. Eyì nùichì gà sòòm̃ba-nàhtsì-dòò ghàichì, wet'à nù negha eyìts'ò sù segha Nòhtsìkò-gocho gha k'aodèe gits'à²hdi," yèhdi.

18

Nòhtsì Wenàowoò k'èè hò²òò gha amì denahk'e elì?

¹ Ekìyee k'e Zezì wecheekeè gits'ò goòhwho gà hagùhdi, "Nòhtsì Wenàowoò k'èè hò²òò gha amì denahk'e elì?" gùhdi.

² Zezì chekoa nechà-lea ts'ò gode gà edecheekeè gota nàwoò ayìlà. ³ Hadì, "Ehkw'ì anaxèehsì, e²adì adèahlà xè dù chekoa nechà-lea lanì adèahlà lenq̃sù Nòhtsì Wenàowoò k'èè hò²òò goyaahdè hq̃lì ha nùle. ⁴ Eyit'à amì dù chekoa nechà-lea lanì k'èewèet'ì edeetsì sù Nòhtsì Wenàowoò k'èè hò²òò gha denahk'e elì hq̃t'e.

⁵ "Amì sùzì dahxà dù chekoa nechà-lea lanì ts'ò nezì anìwòò sù sù sets'ò nezì anìwò hq̃t'e. ⁶ Hanìkò dù lanì chekoa nechà-lea gìgha ehkw'ì aehsì sù amì ho²hù hogehtsì agoh²ì nùdè eyì dò weggha hoìla ha hq̃t'e. Dò hanì ho²hù hohtsì ch'²à wek'o k'e kwe nedàa wexeet'ì gà tègùxà nùdè denahk'e weggha nezì ha hq̃t'e.

⁷ "T'asì nezì-le lq̃ t'à dò ho²hù hogehtsì ts'ìh²ò, dù nèk'e dò gits'ò hoìla ha hq̃t'e. Eyì ho²hù hazòò hagode ha t'ìt'e, hanìkò dò wet'à agot'ù sù weggha hoìla ha hq̃t'e! ⁸ Naxìlà hanì-le-ìdè naxìkè wet'à ho²hù hohtsì nùdè wek'eahkà gà ²òahk'a. Naxìlà jhè wedè eyìts'ò naxìkè jhè wedè aahlà t'à welò while ts'ò aahda anaxìdlà nùdè naxìgha denahk'e nezì

hõt'e. Hanì-le-ìdè naxìlà nàke eyìts'ò naxìkè nàke xè wehłkò goyanaxegeehxà ha hõt'e. ⁹ Eyìts'ò naxìdaà ìlè wet'à hołı hoahstı nıdè xàah't'à gà zòahk'a. Naxìdaà ìlè wede aahlà t'à welò while ts'ò aahda anaxìdlà nıdè naxıgha denahk'e nezı hõt'e. Hanì-le-ìdè naxìdaà nàke xè wehłkò goyanaxegeehxà ha hõt'e.

Sahzòq dıqòehtla wegodu

¹⁰⁻¹¹ “Dıı chekoa nechà-lea sıı gıt'àhoòzà-le dah-whò sòò. Ehkw'ı anaxèehstı, gıts'ò yak'eet'ıı, Setà yak'e whedaa sıı t'aats'òò wını ghàgeeda hõt'e.

¹² “Dò ìlè sahzòq ìlèakw'eènò wets'ò hanìkò ìlè weghò dıqòèhgè nıdè sahzòq lòòtòèng-daats'ò-lòòtò sıı ekıı-ka gehteè agole gà ìlè while sıı yegòhà gots'ò yekanıwò ha hõt'e. ¹³ Ehkw'ı anaxèehstı, sahzòq ìlè dıqòèhgè sıı yegòıhò nıdè yeghò sıı wınà ha hõt'e, sahzòq lòòtòèng-daats'ò-lòòtò dıqògeède-le nahk'e yeghò wınà ha hõt'e. ¹⁴ Eyı xèht'eè Naxıtà yak'e whedaa sıı dıı chekoa nechà-lea lanı dıqògeède ha nıwò nıle.

Naxèot'ı naxık'èch'a hòèhtstı nıdè

¹⁵ “Naxèot'ı naxık'èch'a hòèhtstı nıdè wets'ò aahde gà whatsòò wets'ò goahde. Wegha ehkw'ı aahdı nıdè naxèot'ı edaxàweahtı hõt'e. ¹⁶ Hanìkò wegha ehkw'ı aahdı-le nıdè dò eyıı-le ìlè hanì-le-ìdè nàke xè k'achı wets'ò goahde, ‘dò nàke hanì-le-ìdè dò tai gıdàà agòjâa sıı efèht'eè dò ghò xàyagehtı nıdè gıgodı ità ha hõt'e,’ hanı dek'eèht'è. ¹⁷ Eyı dò naxeèhkwo ha nıwò-le nıdè Nòhtstı wecheekè gıts'ò haahdı, hanìkò Nòhtstı

wecheekeè kò goèhkw'ò ha nıwò-le nıdè Nòhtsı-k'èezò-le-dòò hani-le-ıdè sòòm̄ba-nàhtsı-dòò lanı wets'ò naahza.

18 “Ehkw'ı anaxèehsı, dıı nèk'e naxı t'ası t'ahoòyı wesınıyaahtı sıı yak'e sı wesınıyaeti ha họt'e, eyıts'ò dıı nèk'e naxı t'ası t'ahoòyı wesınıyaahtı-le sıı yak'e sı wesınıyaeti ha-le.

19 “Eyıts'ò naxıts'ò dıı haehsı: secheekeè nàke t'ası geekè gha ełek'èè agıwò nıdè Setà yak'e whedaa sıı gogha hayele ha. ²⁰ Dò nàke, dò tai sıızı dahxà l̄a n̄gıde gà yagehtı nıdè gıxè whıhda ha họt'e,” Zezi gòhđı.

Dò ghò nahots'eele-le wegodi

21 Peter Zezi ts'ò hadı, “Sets'ò K'àowo, sèt'ı sek'èch'a hòèhtsı nıdè dàtlòò eht'aà weghò nahoehle ha? Lòhđı ts'ò weghò nahoehle ha nı?” yèhđı dayeehke.

22 Zezi yets'ò hadı, “Ehkw'ı anèehsı, lòhđı gots'ò zòò-le, lòhđıenò-daats'ò-lòhđı ts'ò.

23 “Nòhtsı Wenàowoò k'èè hòzòò sıı dıı lanı họt'e: K'àowocho ıè wecheekeè edenıhtı'è nageele ha goıhwò. ²⁴ Edecheekeè gokayaıhtı ekò wecheekeè ıè ıè-lemıyòò gots'ò sòòm̄baekwo satsòà haàtlò wenıhtı'è nòò. ²⁵ Edenıhtı'è nayelee ha dıı t'à k'àowocho edecheekeè eyı-le gots'ò hadı, ‘Wenıhtı'è k'èxa eyı dò, wets'èkeè, weza eyıts'ò t'ası hazòò wets'ò sıı weghò niàhw̄ha gà naxıghò nàedi aahle,’ gòhđı.

26 “Eyı wecheekeè yets'ò nàgòıhgè, yeghònàdaeti hadı, ‘ıaà seghàhòızà, senıhtı'è hazòò naehle ha ne,’ yèhđı yeghònàdaeti. ²⁷ Eyıt'à k'àowocho

eteyeèꝛ t'à yenḥt'è hazòò yeghonaḥla gà naèhtlaà ayìlâ.

28 “Hanikò eyi wecheekeè edekò ts'ò naetle ekò wexèht'eè k'àowocho cheekeè ìlè, soḡmba lq-lea yeghḥt'è ìlèe sù, yaꝛ. Yek'à daachì gà hayèhdi, ‘Soḡmba neghònìhꝛòò sù hazòò naḥle,’ yèhdi.

29 “Eyi dḡ yets'ò nàḡòḥgè, yeghonaḡaeti, hadi, ‘Ḥaà seghàhòꝛà, senḥt'è naehle ha ne,’ yèhdi.

30 “Hanikò ‘Ḥle,’ yèhdi, edenḥt'è nayeelè ts'ò dḡ-danìlâa-kò ts'ò ayìlâ. 31 K'àowocho wecheekeè eyi-le hagòjà gḡaꝛ ekò sù gḡgha nez-le, eyit'à k'àowocho ts'ò geède gà gḡts'ò hagedi.

32 “Eyt'à k'àowocho wecheekeè nez-le kàꝛehꝛà gà hayèhdi, ‘Secheekeè-ḥnḡ anet'e. Seghonaḡaeti ìlè t'à, nenḥt'è lq hazòò neghonaèhla. 33 Etenèehꝛì xèht'eè, secheekeè eyi-le sù etewìꝛì ha ìlè,’ yèhdi.

34 K'àowo sù ìch'èe t'à eyi dḡ edenḥt'è hazòò nayeelè gots'ò dḡ-danìlâa-k'èdì-dòò dagḡhꝛa ha got' ààḡḡht.

35 “Eyt'à naxìdzeè t'à naxèot'ḡ gḡghò nahoahle-le nḡdè Setà yak'e whedaa sù hanì naxìts'ò eghàlaeda ha hḡt'e,” Zezì gòhdi.

19

ḡòlets'eedè-le

1 Zezì edecheekeè hoghàgoèhtḡ t'axòò Galilee nèk'e gots'òò nageèhde. Judea nèk'e, Jordan deh nḡàa wete ts'ò agejà. 2 Dḡ lq Zezì k'èè geède, eyits'ò ekḡ k'aàt'ìì agòḡlâ.

3 Pharisee gḡḡ sù geèhdzà ha gḡts'ò-ède. Dageehke, hagḡhdi, “Gonàowoò k'èè ha nḡdè asḡ

gots'èkeè t'alàa-sù k'èxa ʔòwets'eexà ha dii-le?" gihdi.

⁴ Zezi gots'ò hadi, "Nòhtsi Nih̄t'è k'e du hani dek'eèht'è wek'eyaah̄ti-le ni? Du nèè hòèl̄ ekò Nòhtsi 'dòzh̄i eyits'ò ts'èko whehtsi,' dek'eèht'è, ⁵ eyits'ò Nòhtsi-Gotà du hadi, 'Eyi ts'ih̄ʔò dòzh̄i edetà eyits'ò edem̄ gots'ò ʔò xàet̄la ha. Edets'èkeè xè ɬè lan̄i ha, eyits'ò eyi nàke geet'èe sù edezh̄i t'à dò ɬè lagede ha h̄t'e,' wek'eyaah̄ti-le ni? ⁶ Eyi t'à dò nàke aḡut'e-le, hanikò dò ɬè zò laḡut'e. Eyi t'à Nòhtsi dò nàke ełeghàgòɬaa sù dò w̄iz̄i elets'ò ʔò agole ha niile," Zezi gòhdi.

⁷ Pharisee Zezi dageehke, "Han̄i-ɬdè dànigh̄ Moses du hani nàowo whehtsi: 'Dòzh̄i edets'èkeè ʔòyeede ha niw̄ ɬdè ʔòlets'eede niht'è yegha siyele gà xàyeeh̄ʔà ha,' dek'eèht'è," gihdi.

⁸ Zezi gots'ò hadi, "Naxikw̄i nàtso t'à, Moses, naxits'èkeè ʔòah̄dè ha anax̄iɬl̄a ɬè, hanikò kèh̄òwo gots'ò hani hòʔò-le ɬè. ⁹ Ehkw'ı anaxèehsi, dòzh̄i wets'èkeè dò eyi-le xè hoɬ̄i hòèhtsi-le kò ʔòyeedo gà ts'èko eyi-le xè honòq̄za ɬdè, hoɬ̄i hòèhtsi h̄t'e," Zezi gòhdi.

¹⁰ Zezi wecheekeè hagedi, "Dòzh̄i eyits'ò wets'èkeè gixè hani hòʔò ɬdè hots'et'ı-le denahk'e nez̄i n̄ò," gedi.

¹¹ Zezi gots'ò hadi, "Dò hazò ɬdè eyi yat̄i gih̄ch̄i ha dii h̄t'e, dò hani gigh̄h̄òt'ò sù zò eyi yat̄i gih̄ch̄i h̄t'e. ¹² Dò m̄oh̄daa hoget'ı ha dii, hani ḡiḡòh̄i ne t'à, dò m̄oh̄daa nàḡiat'a ts'ih̄ʔò hoget'ı-le, eyits'ò dò m̄oh̄daa Nòhtsi Wenàowoò ts'ih̄ʔò hoget'ı ha ḡiwo-le. Am̄i eyi yat̄i gih̄ch̄i ha dii-le sù gih̄ch̄i welè," Zezi gòhdi.

Zezi eyits'ò chekoa nechà-lea

13 Eyì t'axòò Zezi edilà gok'e whehdi xè gok'eèyahtì ha guwò t'à, chekoa nechà-lea Zezi ts'ò gogèwa. Hanikò wecheekeè haah'tì-le gògedì xè nàgogeezò.

14 Hanikò Zezi edecheekeè gots'ò hadì, “Chekoa sets'ò guidè agiahle, sets'agiahzò-le. Amì dū chekoa lagut'ee sù Nòhtsì Wenàowoò k'èè hòzòò sù gits'ò họt'e,” gòhdì. 15 Zezi edilà gok'e ayìlà t'axòò idaà naèhtlà.

Cheko ahxee

16 Cheko ìè Zezi gà nìtla, dayeehke, “K'àowo, ayì nezi ghàlaihà nìdè welò while ts'ò ehdaà asedle ha?” yèhdì.

17 Zezi yets'ò hadì, “Ayìha t'asì nezi sù ghò dasuhke, Nòhtsì zò nezi họt'e. Welò while ts'ò ida ha neewò nìdè nàowo dek'eèht'è sù k'èanet'e,” yèhdì.

18 Cheko dayeehke, “Nàowo dàhòt'ì awìdì,” yèhdì. Zezi yets'ò hadì, “ ‘Dò ełaaahwhì-le, ełexè hoì hoahsì-le, aahzì-le, dò ghò hoahs'ì-le, 19 naxità eyits'ò naximò gits'ò nezi aahda, eyits'ò ‘edeghoniahtò k'èè naxèot'ì ghoniahtò, dek'eèht'è,” Zezi yèhdì.

20 Eyit'à cheko hadì, “Eyì nàowo hazòò wek'èzæht'è họt'e. Eyì wezòò ayì dàhle ha?” yèhdì.

21 Zezi hayèhdì, “Degai nelì ha neewò nìdè t'asì hazòò nets'ò sù hazòò neghò nàedi gà eyì wesòmbaà họt'ì dò-teèt'ì ghàìle. Hanì-ìdè yak'e t'asì nechàa nedawhezò ha họt'e. Eyì t'axòò-ìdè sek'èè k'eıda,” Zezi yèhdì.

22 Eyı cheko wesòmbaà lɔ t'à, Zezì hadı ìkw'o ekò ts'òñıwò laja xè naèhtla.

23 Zezì edecheekeè ts'ò hadı, “Ehkw'i anaxèehsı, dɔ ahxee sı Nòhtsı Wenàowoò k'èè hòzɔɔ goyaetla ha wegħa wèhoedı-le hɔt'e. 24 K'achı ehkw'i anaxèehsı, dɔ ahxee sı Nòhtsı Wenàowoò k'èè hòzɔɔ goyaetla ha wegħa dii hɔt'e. Eyı nahk'e tıts'aadıcho datıhtı'á-k'è degħaetla għa sı denahk'e dii-le hɔt'e,” Zezì gòhdı.

25 Wecheekeè Zezì hadı egıkw'o ekò sı gıgha enıyah t'à hagedı, “Hanı-ıdè amı edaxàweètı lı?” gedi.

26 Zezì goghàeda xè hadı, “Dɔ gıgha dii hɔt'e, hanıkò Nòhtsı sı wegħa t'ası dii gòhı nıle,” gòhdı.

27 Peter, Zezì ts'ò hadı, “Goxı nek'èè k'ets'edè ha ts'ıwɔ t'à, t'ası hazòò wedè ats'ıllà ıle! Wek'èxa ayı gòt'á ha?” yèhdı.

28 Zezì edecheekeè gots'ò hadı, “Ehkw'i anaxèehsı, t'ası hazòò wegòò anagòjà xè Dɔ-wet'áazàa-deè k'àowochò whelı t'à ededaèhchıcho k'e wheda nıdè naxı sek'èè k'eahdè ıleè sı daèhchıcho hòno-daats'ò-nàke k'e dahkw'e ha. Israel got'ıı hòno-daats'ò-nàke xàzaa gııı sı gısnıyaahtı ha. 29 Amı sets'ıhɔò edekò, edechı, ededè, edetà, edemɔ, edeza, eyıts'ɔ wets'ɔ dèè gots'ò naèhtla k'èxa, eyı wezòò ıleakw'eènɔ laàtɔ ts'ò wegħozhe ha eyıts'ɔ welɔ while ts'ò edaa eyı sı wegħòt'á ha. 30 Dɔ t'akwe geèhk'ee sı nɔɔde geèhk'ee àgedle ha, eyıts'ɔ dɔ nɔɔde geèhk'ee sı t'akwe geèhk'ee àgedle ha,” Zezì gòhdı.

20

Dọ elètłọ gıts'àzeèdì wegodù

¹ “Nòhtsı Wenàowoò k'èè hòzọọ sù dı lanı họt'e: K'àowo ı̀lè dèè wets'ọ sù wek'e dọ eghàlageeda ha nıwọ. Eyt'á k'omọ̀dọ̀ et'ı̀ dọ hanıwọ. ² ı̀lè satsọ́a degoo gots'àzeehdì ha goxè yatı whehtsı t'axọ̀, dọ eghàlageeda gha ededèè k'e ts'ò goèhza.

³ “K'omọ̀dọ̀ sıghaıwaà hoòwo, ı̀òtọ̀ nı̀zọ̀ ekııyèè k'e t'ası̀ nàedı̀ k'è gòlaa k'achı ekọ̀ naèhtła. Ekọ̀ dọ̀ mọ̀hdaa t'ası̀ hogehtsı-le ekı̀ nàgeèhza goazı. ⁴ Gots'ò hadı, 'Naxı sı sedèè k'e eghàlaahda. Ayı̀ ehkw'ıı sı naxıts'àzeehdì ha,' gòhdı. ⁵ Eyt'á eyı dọ sı ekọ̀ geède.

“Dzẹtanı eyıts'ọ tai nı̀zọ̀ k'àowo k'achı dọ hanıwọ. ⁶ Sı̀lài nı̀zọ̀ k'àowo k'achı dọ hanıwọ ekò, ı̀laà dọ eyı̀-le ekọ̀ nàgeèhza goazı. Hadı̀ dagoehke, 'Dàniğhọ̀ dzẹ̀ ghàà jọ̀ nàahza, t'ası̀ hòahıtsı-le,' gòhdı.

⁷ “Dọ eyı̀ nàgeèhzaa sù gıts'ò hadı, 'Dọ wı̀zı̀ la goghàızọ̀-le ts'ıh'zọ̀ ats'ı̀t'e,' hagı̀hdı.

“K'àowo gots'ò hadı, 'Naxı sı sedèè k'e eghàlaahda,' gòhdı.

⁸ “Xèhts'ò agòjà ekò k'àowo edecheekeè ts'ò hadı, 'Eghàlageedaa-dọ̀ jọ̀ gı̀h'zà, dàtłọ̀ gıts'àzeèdì ha sù gıts'àzı̀hdı. Amı̀ nọ̀de la k'e nègı̀de sù t'akwełò̀dọ̀ gıts'àzı̀hdı eyıts'ọ amı̀ t'akwełò̀dọ̀ la k'e nègı̀de sù nọ̀de gıts'àzı̀hdı,' edecheekeè gòhdı.

⁹ “Dọ sı̀lài nı̀zọ̀ la k'e nègı̀de sù gıts'àzeèdì ha eyı̀ nègı̀de ekò satsọ́a degoo ı̀lè gıts'àzeèdì. ¹⁰ Dọ t'akwełò̀dọ̀ la k'e nègı̀de sù gıts'àzeèdì ha eyı̀ nègı̀de ekò ededı̀ denahk'e gıts'àzeèdì ha gı̀wọ̀ ı̀lè, hanı̀kò ededı̀ sı satsọ́a degoo ı̀lè gı̀ghòt'ọ̀. ¹¹ Hazọ̀ elètłọ̀ gıts'àzeèdì t'á k'àowo ts'ò sọ̀gedı, ¹² hagedı, 'Eyı dọ̀

nɔɔde la k'e nègɔɔdee sɪ ɪlè sadzeè zɔ eghàlagɔɔdà. Goxɪ k'àhdzɔ la hazɔɔ weghàlats'ɔɔdà ne eyits'ɔɔ sadeè nàtsoo nɪ eghàlats'ɔɔdà hɔt'e. Hanikò ededɪ sɪ goxètɔɔ gɪts'àneehdɪ, gɪhdɪ.

13 “Eyɪ k'àowo hagòhdɪ, ‘Seàgɪɔ, naxɪts'ò ekɔ-le eghàlaehda nɪle. Satsɔɔ degoo ɪlè k'èxa eghàlaahda ha hanɪ elexè yatɪ ts'èhtsɪ ɪlè. 14 Naxɪsɔɔmbaà nɪahwha xè naahdè. Dɔ nɔɔde la k'e nɪttɔ sɪ naxɪxètɔɔ wets'àzeehdɪ ha dehwhɔ. 15 Xàè sesɔɔmbaà dàhɪe ha dehwhɔɔ sɪ sɪ sets'ò hoèɪ hɔt'e. Dɪ dɔ gɪts'ò nezɪ k'ehohza ha dehwhɔ t'à naxɪgha nezɪ-le nɪ?” gòhdɪ.

16 “Eyɪt'à amɪ nɔɔde geèhkw'ee sɪ t'akwe geèhkw'e ha, hanikò amɪ t'akwe geèhkw'ee sɪ nɔɔde geèhkw'e ha hɔt'e,” Zezɪ hadɪ goxè godo.

Zezi èlàngɪhwhɪ ha k'achɪ yeghɔ gode

17 Zezɪ Jerusalem ts'ò etɪe ekò edecheekeè hoònɔ-daats'ò-nàke whatsɔɔ nègòɔwa gà gots'ò hadɪ, 18 “Jerusalem ts'ò ts'eedè ha. Ekɔ Dɔ-wet'àazàa-deè sɪ yahtɪ-gha-k'aodèe eyits'ɔɔ Nòhtsɪ-yatɪ-k'ègedɪ-dɔɔ t'èaàgehtè ha hɔt'e. Èlàngɪ gha gɪsɪnɪyaehtɪ ha. 19 Eyɪ t'axɔɔ dɔ eyɪ-le xàzaa t'èaàgɪhtè ha. Gɪk'adaedè ha, nàgeehkwa ha eyits'ɔɔ dechɪet'aa k'e dexegɪhtsò ha, hanikò tɔɔ dzèè nɪdè nàidà ha,” Zezɪ gòhdɪ.

Ts'èko weza nàke Zezi ghòhk'èè geke ha nɪwɔ

20 Ekɪyèè k'e Zebedee wets'èkeè Zezɪ t'asɪ gogha hayele nɪwɔ t'à, edeza nàke xè Zezɪ ts'ò èhtɔà gà yets'ò nàgòɪghè.

21 Zezɪ yets'ò hadɪ, “Negha ayɪ dàhɪe ha seneehwhɔ?” yèhdɪ.

Eyit'à ts'èko hadi, “K'àowocho wheeļi nɪdè seza ìlè negà nàgòts'ehněe whedaà awiile eyits'q ìlè negà gots'ìhts'q whedaà awiile,” yèhdi.

²² Zezi eyi ts'èko eyits'q weza ts'ò hadi, “Ayii aahkèe sii wek'èahsq niile. Libò wets'q ehdq ha sii wets'q aahdq ha dii-le ni?” gòhdi.

“Hèzè, hats'ede ha dii-le,” giuhdi.

²³ Zezi gots'q hadi, “Libò wets'q ehdq ha sii naxi si wets'q aahdq ha hqt'e, hanikò amii segà nàgòts'ehněe wheda ha, eyits'q amii segà gots'ìhts'q wheda ha sii si sets'q hoeli niile. Amii segà wheke ha sii Setà hòt'a gogha siigòlè ìlè hqt'e,” gòhdi.

²⁴ Wecheekeè hoòno sii eyi elechi nàke ayii Zezi daguħke ghq egikw'o ekò gik'èch'a. ²⁵ Zezi edecheekeè lãã nègòqla gà hagòhdi, “K'àowocho giili sii dq eyii-le xããã ts'q k'adahogedè, eyits'q gicheekeè t'akwe geèhk'we sii, ededi si, dq ts'q k'adahogedè, wek'èahsq hqt'e. ²⁶ Hanikò naxi sii naxixè hagòht'e ha niile. Naxita amii t'asii deè elì ha niwoq sii naxigha eghàlaedaa-dqò elì ha hqt'e ²⁷ eyits'q naxita amii t'akwe wheda ha niwoq sii naxicheekeè elì ha hqt'e. ²⁸ Dq-wet'ãããã-deè ededi kò dq yegha eghàlageeda gha jò niitla niile, hanikò dq ts'àdi xè dq gha eããã gha jò niitla hqt'e. Dq lq gihoļi giħq nahoezhe gha eããã ha hqt'e,” Zezi edecheekeè gòhdi.

Dq nàke gidaà goilee k'aat'ii agejã

²⁹ Zezi eyits'q wecheekeè kòta Jericho ts'qò nageèhde ekò dq lq gok'èè geède. ³⁰ Dq nàke gidaà goilee sii tlibàa geke. Zezi ekq naetle ghq egikw'o ekò nagidzeh xè hagedi, “Gots'q K'àowo, David Weza, etegòihzi!” gedii yagìzeh.

31 Dọ lọ, “Ts'èwhùì aaht'e!” gògedi, hanìkò k'èdaà hòt'l'ò nagùdzeh, “Gots'ò K'àowo, David Weza, etegòìh₂!” gedìì yagìzeh.

32 Zezì nìitlₐ, gots'ò hadì, “Sets'ò Ìahtlₑ. Ayì naxìgha dàhₑ ha seahwhọ?” gòhdi.

33 Gits'ò hadì, “K'àowo, gogha xègaat'₁ ha ts'ṹwọ,” gùhdi.

34 Zezì ededzeè t'à etegoò₂ t'à godaà k'e whehdi. Ekòet'ìì gidaà k'aat'ìì ajà t'à Zezì k'ègeède.

21

Zezì t̄tsoa k'e Jerusalem nìitlₐ

1 Zezì edecheekeè xè kòta Bethphaga ts'ò gọọwà-le nìitlₐ. Eyì kòta shìh Olivet weghòhk'eè gò₂ọ eyits'ọ Jerusalem ts'ò gọọwà-le agòht'e. Zezì edecheekeè nàke ìdaà kòta Bethphaga ts'ò goèh₂à, 2 hagòhdi, “Ìdaà kòta ts'ò Ìahtlₑ. Ekọ nìÌahtlₐ et'ìì t̄tsoa weza wexè eyì daetl'₁ weah₂ ha. Ìlₐh dagìahge gà, jọ sets'ò agìahₑ. 3 Eyì ghọ dọ naxits'ò gode nìdè, ‘Gots'ò K'àowo yet'à-at'₁ ha nìwọ, ekòet'ìì neghọ yeechì ha, hawèahdi nọ₂,” Zezì gòhdi.

4 Eyì hagòjàà sìì nakwenàò₃ọ yeghọ gọide ìlè k'èè agode ha t'à agòjà. Dìì hadì ìlè:

5 “*Jerusalem got'ìì gits'ò du haahdi, ‘Naxits'ò k'àowocho ts'èwhùì nìwọ xè t̄tsoa weza k'e dawheda xè naxits'ò nayahte,’*” nakwenàò₃ọ hadì ìlè.

6 Eyì t'à wecheekeè nàke ìdaà kòta ts'ò Ìegeèhtlₐ gà Zezì dàgòhdi sìì k'èè eghàlagùdₐ. 7 Eyì t̄tsoa weza xè Zezì ts'ò nègeèchì. T̄tsoa eyits'ọ weza k'e edezeè nègùwa gà Zezì yek'e wheda. 8 Wenadaà dọ lọ edezeè t̄lì k'e nètègùwa eyits'ọ dọ mòhdaa

zorɪ lanu k'egɪzhi gà wenadaà tɪl k'e nègɪwa. ⁹ Dɔ lɔ Zezi nakweè gadè eyits'ɔ dɔ lɔ yek'èè gadè, yagìzeh xè hagedi,

“Hosanna! K'àowocho David Weza weghàsɔts'eedi!”

“Ededi gots'ò K'àowo dahxà nùtlaa sù wexè sìghà welè!”

“Hosanna! Nòhtsɪ weghàsɔts'eedi!” gedi yagìzeh.

¹⁰ Zezi Jerusalem nùtla ekò dɔ hazòò nìdahogùhdè, hagedi, “Dù dɔ, amì at'ɪ?” gedi.

¹¹ Dɔ Zezi k'èè k'egedèe sù hagedi, “Dù dɔ Zezi hɔt'e. Galilee nèk'e kòta Nazareth gots'ɔ nakwenàozòò hɔt'e,” gedi.

Zezi Nòhtsɪkò-gocho gà nùtla

¹² Zezi Nòhtsɪkò-gocho gà nùtla, ekò dɔ t'asù ełeghò nàgeehdù sù hazòò xàgodeèzhì. Ladà k'e sòòm̄ba ehdagelee eyits'ɔ ladà k'e k'àba lanu gɪghò nàedù sù goghò kwìteyèèhde. ¹³ Hagòhdi, “Dù hanì dek'eèht'è hɔt'e: ‘Sekò yats'ehtù k'è gha gòzò hɔt'e,’ hanìkò naxɪ sù ‘egeezɪ-dòò gha kò’ gòwhahtsɪ hɔt'e,” gòhdi.

¹⁴ Eyɪ hagòjà t'axòò, dɔ gɪdaà goilee eyits'ɔ dɔ k'egedè-le sù hazòò Nòhtsɪkò-gocho gà Zezi ts'ò nègɪde t'à k'aat'ù agòòlà. ¹⁵ Yahtù-gha-k'aodèe eyits'ɔ Nòhtsɪ-yatù-k'ègedi-dòò Zezi Nòhtsɪkò-gocho gà eniyyah hòèhtsɪ gɪazɪ, eyits'ɔ chekoa dù hagedi yagìzeh, “Hosanna! k'àowocho David Weza weghàsɔts'eedi!” gedi gogùkw'o t'à, sù gɪgha nezɪ-le.

¹⁶ Zezi ts'ò hagedi, “Chekoa dàgedù sù gùkw'o-le nì?” gùhdi. Zezi gots'ò hadi, “Hèzè, geèhkw'ò. ‘Chekoa gɪwà t'à neghàsɔhoedù anelà,’ hanì dek'eèht'èe sù wek'eyahtù-le nì?” gòhdi.

17 Eyɪ hagòjà tɪ'axqò gots'qò naèhtɫa, kòta Bethany ts'ò ajà. Eyɪ toò ekq ìtè.

Ts'i whegq

18 K'omqòdqò et'ì Jerusalem ts'ò naèhtɫa ekò sù bò waewù ajà. 19 Tɪlɪbàa ts'i nàɪza yaɪ t'à yets'ò èhtɫa, hanìkò wek'e jìecho whìle, ìt'òq zq wek'e whela. Eyit'à ts'i ts'ò hadì, “K'achì nekw'ìhchì k'e jìecho dehshe hqìlì ha-le!” hadì. Ekòet'ì ts'i whegqò ajà.

20 Wecheekeè eyɪ hagòjà gɪaɪ t'à sù gɪgha enùyah, hagedì, “Dànit'à dù jìechots'ì sù ìwhàq whegqò ajà?” hagedì dalegehke.

21 Zezì gots'ò hadì, “Ehkw'ì anaxèehsì, naxìgha ehkw'ì-ahodì xè dì dahwhq-le nùdè jìechots'ì dàhlàa sù naxì sì haahle ha dì nùle. Eyɪ wenahk'e hòahsì ha dì-le. Dù shìh ts'ò dù haahdì, ‘Yè tè ts'ò adùle,’ dahdì nùdè wek'èè agode ha. 22 Naxìgha ehkw'ì-ahodì nùdè ayì gha yaahdì sù hotù naxìghòt'à ha hq't'e,” Zezì edecheekeè gòhdì.

Zezì amì dahxà at'ì?

23 Zezì Nòhtsìkò-gocho gà nùtɫa. Ekq dq hoghàehtq ekò yahtì-gha-k'aodè eyits'q qhdah gùlù sù Zezì ts'ò geède, haghìhdì, “Ayì dahxà dù hanì eghàlajda? Amì hanì neghàhòìzq t'à anet'ì?” gùhdì dageehke.

24 Zezì gots'ò hadì, “Sì sì t'asì danaxeehke ha. Ek'èt'à sets'ò haahdì nùdè, amì wedahxà eghàlaehdaa sù naxìts'ò haehsì ha. 25 John-Baptist dq k'ètaldzù sù amì dahxà at'ì nqò? Yak'e godahxà at'ì hanì-le-ìdè dq dahxà at'ì?” gòhdì.

Eyɪ ghq elets'ò hagedì, “ ‘Yak'e godahxà at'ì,’ ts'edì nùdè ‘Dànìghq ehkw'ì adù weahwhq-le nqò?’

gòhdi ha. ²⁶ Ekò ‘Dò dahxà at’i,’ ts’edi nɔ̀dè dɔ̀ hazòò John-Baptist nakwenàozòò giit’i ne t’à t’asagoglele ha sɔ̀ni,” elègeedi.

²⁷ Eyit’à Zezi ts’ò hagedi, “John-Baptist amì dahxà at’u sù wek’èts’eezò-le,” gedi.

Zezi gots’ò hadi, “Hanì-ɔ̀dè sɔ̀ sɔ̀ amì dahxà dɔ̀ hanì eghàlaehdaa sù naxits’ò haehsɔ̀ ha-le,” gòhdi.

Dò weza nàke gɔ̀godu

²⁸ “Dɔ̀ godi t’à naxixè gohdo ha sù wedaàniàhdè. Dò weza nàke gòhɔ̀ ɔ̀lè. Edeza ɔ̀lè ts’ò hadi, ‘Seza sets’ò jìecho goehshee k’è segha eghàlɔ̀da,’ yèhdi.

²⁹ “Weza yets’ò hadi, ‘ɔ̀le, hahle ha-le,’ yèhdi. Eyì t’axòò edek’eelì xè wɔ̀nì elàdɔ̀ ajà t’à eyì la ghàlɔ̀dà.

³⁰ “Eyì dò k’achì edeza eyì-le ts’ò èhtla, eyì sɔ̀ hayèhdi. Eyì weza yets’ò hadi, ‘Hèzè, hahle ha,’ yèhdi, hanìkò hayìlɔ̀le-le.

³¹ “Eyit’à eyì weza nàke sù amì edetànì k’èè eghàlɔ̀dà?” Zezi gòhdi.

Zezi ts’ò hagedi, “Edeza t’akwehòò dàhkee sù,” gùhdi. Zezi gots’ò hadi, “Ehkw’i anaxèehsɔ̀, sòòmba-nàgehtsɔ̀-dòò egedi-le eyits’ò ts’èkoju naxikwe-t’i Nòhtsɔ̀ Wenàowoò k’èè hòzòò goyageedè ha. ³² John-Baptist dànì ehkw’i ts’eedaa t’à naxits’ò gòde ɔ̀lè, hanìkò naxìgha ehkw’i adì-le. Ekò sòòmba-nàgehtsɔ̀-dòò eyits’ò ts’èkoju gɔ̀gha ehkw’i-ahodi hòt’e. Eyì naxìdaà hanàhòwo, hanìkò edek’eahɔ̀le-xè ehkw’i adì weahwhò-le.

Dèè-k’ègedi-dòò gɔ̀godu

³³ “K’achì godi eyì-le t’à naxixè gohdo ha: K’àowo ɔ̀lè ededèè k’e jìechots’i dehshe ha nèyɔ̀la. Eyì dèè wemòò kwe t’à kwì nawhezaà ayìlɔ̀, jìecho

tàtsqgeèh2ee k'è gòhtsı eyıts'q wegoodoo dọ jìechots'ıı xoehdı ha dagòzọq k'è gòhtsı. Eyı haàtłqọ hayıılà t'axqọ dèè-k'ègedıı-dqọ gık'e eghàlaeda ha ededèè goghqnyıızọ, eyı t'axqọ nıwà kọtaèhtła. ³⁴ Jìecho dııdıı agọjà ekò jìecho mọhdaa gıgha nàhtsı gha edecheekeè mọhdaa ededèè k'e ts'ò goèh2à.

³⁵ “Hanıkò dọ dèè k'ègedıı sıı wecheekeè da-gogıachı. İhè geèht'ı, İhè ẹlàngııhwho eyıts'q İhè kwe t'à ẹlàngııhwho. ³⁶ K'àowo k'achı edecheekeè ekọ ts'ò goèh2à, hanıkò k'achı dọ dèè k'ègedıı sıı gots'ò nezıı eghàlagııdà-le. ³⁷ Nqọde t'à eyı k'àowo edeza ekọ ts'ò yııh2à, edets'ò hadı, ‘Seza ts'ò nezıı nage2a ha ne,’ hadı.

³⁸ “Hanıkò dọ dèè k'ègedıı sıı weza gıazı ekò halègeedi, ‘Eyı k'àowo weza hq̄t'e sıı dıı dèè wegħaelıı agode ha. Ẹlàngwets'èhwhı, hanı-ıdè wedèè goghaelı ha,’ gedi. ³⁹ Eyıt'à dagıachı gà eyı dèè gots'qọ xàgeèhxà t'axqọ ẹlàngııhwho.”

⁴⁰ Zezı hadı goxè goado t'axqọ, dagoehke, “Eyıt'à eyı dèè ts'ò k'àowo ekọ nq̄qtła nıdè dèè-k'ègedıı-dqọ negezı-le sıı dàgole ha?” Zezı gòhđı.

⁴¹ Zezı ts'ò hagedı, “Eyı dọ negezı-le sıı ẹlàngòhde ha eyıts'q dèè dọ eyıı-le goghqnyıı2à ha; jìecho dııdıı nıdè mọhdaa gıghàle ha sıı hanı dọ ghq̄nyıı2à ha hq̄t'e,” gııhđı.

⁴² Zezı gots'ò hadı, “Nq̄htsı Nıhtł'è k'e dıı hanı dek'eèhtł'èè sıı wek'eyaahtı-le nı:

‘Kwekò-gogehtsı-dqọ kwe 2q̄geèhk'aa sıı eyı kwe denahk'e wet'aa2à whelı. Gots'ò K'àowo gogħa hanı eghàlagııdà gogħa enııyah dıı,’ dek'eèhtł'è.

⁴³ “Eyıt'à naxıts'ò dıı haehsı: Nq̄htsı Wenàowoò k'èè hòzọq sıı naxıghq̄ naıchı ha eyıts'q dọ eyıı-le

wini k'èè eghàlageeda ha sù gıghaelı ha. ⁴⁴ Amı eyı kwe k'e nàakw'oo sù wedıholè ha, eyıts'ò amı eyı kwe wek'e nàakw'oo sù t'ası nadlı ha-le,” gòhđı.

⁴⁵ Yahtıı-gha-k'aodè eyıts'ò Pharısee gıllı sù Zezı hanı dọ xè godo gıkw'o ekò ededı goghò godeè-adı gık'èhoèhzà. ⁴⁶ Dageechı ha gıwò, hanıkò dọ Zezı k'èè k'egedè sù nakwenàozòq ne gıwhwhò t'à gots'àgeejı.

22

Dọ honıdza gha nàsı holè wegodu

¹ Zezı k'achı godı t'à goxè godo, hadı: ² “Nòhtsı Wenàowoò k'èè hòzòq dı lanı họt'e: K'àowocho weza honıda ha yegha nàsı whehtsı. ³ Dọ goxè shègezhe ha sù edecheekeè gots'ò goèhzà. ‘Jò nàahdè,’ gògedı ha, hanıkò eyı dọ nàsı nàgedè ha gıwò-le.

⁴ “Eyt'à k'àowocho k'achı edecheekeè ekò goèhzà, hagòhđı, ‘Eyı dọ gıts'ò dı haahđı: “Hòt'a nàsı holè ha. Gots'ò k'àowocho wets'ò ejie lek'aa ts'atà et'è ha wetagıwhwho. T'ası hazòq ts'atà whela ne t'à jò aahdè,” gıahđı, k'àowocho edecheekeè gòhđı.

⁵ “Hanıkò eyı dọ k'àowocho wecheekeè ts'ònegızà-le. T'ası ts'ò nageèhde; ıhè wets'ò dèè goehshee k'è ts'ò ajà eyıts'ò ıhè wets'ò nàedı k'è gòzòq ts'ò ajà. ⁶ Eyıts'ò dọ mòhdaa wecheekeè dagogıachı gà gogeht'ı gà ɛlaàgogıhdè. ⁷ K'àowocho sù ıch'è. Edets'ò eghòq-dòq eyı dọ yecheekeè ɛlaàgogıhdè sù ts'ò agòòlà. Eyı dọ negezı-le sù godıhogèhtsı eyıts'ò gıkòta gok'egıhk'ò.

⁸ “Eyi t'axòè k'àowocho edecheekeè gots'ò hadi, 'Seza honidzaa sù wenàsì holè ha nìkw'o, hanikò dọ goxè shègezhe ha ìlèè sù negezì-le t'à jọ geedè ha dehwhò-le. ⁹ Tìlì k'e ts'ò aahde. Ekọ dọ giahzì sù goxè nàsì ghọ shèguzhe giahdi,' gòhdi. ¹⁰ Eyi t'à wecheekeè tìlì k'e ts'ò geède, dọ nezì eyits'ọ dọ nezì-le gogìhòzọ sù nàgogìhtsì. Eyi t'à kọ gocho nàsì holèè sù goyì dọ dàgòòzọ agòjà.

¹¹ “K'àowocho goyaèhtlà, dọ hazọè eyi geèhkw'ee sù gonì k'etlò ekò dọ ìlè goht'ọ nezì t'à-at'ì-le gota wheda yaì. ¹² Yets'ò hadi, 'Seàgìà, seza honidza họt'e. Eyi t'à dànìghọ goht'ọ nezì t'à-aat'ì-le?' yèhdi. Eyi dọ aidi whìle.

¹³ “Eyi t'à k'àowocho edecheekeè gots'ò hadi, 'Wilà eyits'ọ wekè ełèahzha gà mọht'a xàweahxà. Edì tógòt'ò sù ekọ ts'ò aweahle; ekọ dọ getse xè dagìza ha.'

¹⁴ “Dọ lọ gikayaeti, hanikò mọhdaa zọ goxè geèhkw'e ha gits'ìhchì,” Zezi hadì goxè godo.

Pharisee gùlù sù Zezi geèhdzà

¹⁵ Zezi hadì goxè goado t'axòè Pharisee gùlù sù whatsoè nègùde gà elets'ò gogede. Dageehke t'à geèhdzà ha gùwọ. Edahxọ ekọ-le xàyaìhtì nìdè weyatì t'à gik'e nìdahogeezà ha ełexè yatì gèhtsì.

¹⁶ Gicheekeè eyits'ọ Herodian gùlù mọhdaa Zezi ts'ò gogeèhà. Zezi ts'ò hagedì, “K'àowo, ehkw'ì zọ goìde wek'èts'eezọ, eyits'ọ Nòhtsì Wenàowoò ghọ ehkw'ì dọ hoghàhtọ. Dọ dàhòt'ì agùt'ee sù negha wet'aaà-le t'à, dọ ayì geèhkw'ọ ha gùwọ sù k'èè goìde nìle. ¹⁷ Eyi t'à dù weghọ dāneewọ gots'ò hādì. K'àowodeè Caesar, sọm̄ba wets'ats'eehdì sù asì eyì negha ehkw'ì ne?” gùhdi.

18 Hanikò ekò-le xàyahtı ha gı̄hwɔ t'à agedu sù Zezì gok'èezò. Eyıt'à gots'ò hadı, “Degai daahtsı kò wek'èè aahda niile! Ayııha seahdzà xè seyati t'à sek'e nıdahoahzà ha dahwɔ? 19 Satsòqà dèe-ts'ò-k'àowo wets'àzahdı sù weghàıhdà,” gòhđı. Eyıt'à satsòqà degoo gıghàèchì. 20 Zezì gots'ò hadı, “Amı wekwı eyıts'ò wıızı dek'e whezò?” gòhđı.

21 “K'àowodeè Caesar,” gııhđı.

Eyıt'à Zezì gots'ò hadı, “Hanı-ıdè ayıı k'àowodeè wets'ò ne sù weghàahle, eyıts'ò ayıı Nòhtsı wets'ò ne sù Nòhtsı ghàahle,” gòhđı.

22 Eyı hadı sù gıgha enııyah t'à gıts'òqò nageèhde.

Sadducee gı̄lı sù Zezì geèhdzà

23 Eyı dzeè k'e Sadducee gı̄lı sù mòhdaa Zezì ts'àgede. İdaà nıdè dọ naıdà ha sù gıgha ehkw'ı-ahodı-le. Zezì eyı ghò dageehke ha gıwò t'à gıts'àwhede. 24 Hagedı, “K'àowo, Moses dı hanı gogha nàowo enııt'è: ‘Dọ wezaa gòhı-le et'ıı ełàawı hanikò wets'èkeè ıłàà eda nıdè wechı yets'èkeè nayıchı ha họt'e, edıde gha chekoa niile ha họt'e, dek'eèht'è. 25 Ełechı lòhđı gòhı ıle ts'edı. Gıde t'akwelòqò ts'èko ıhchì, hanikò wezaa gòhı-le-t'ıı ełıwo. Eyıt'à wechı yet'ò whedaa sù yets'èkeè xè honòqdzà. 26 Ededı sı ełıwo, eyıts'ò wechı tai t'à whedaa eyı sı hajà, eyıts'ò lòhđı geet'eè hazòq gıxè hagòjà. 27 Nqode ts'ò ts'èko ededı sı ełıwo. 28 Eyıt'à dọ naıdàa dzeè k'e nıdè eyı ts'èko ełechı lòhđı hazòq goxè họt'ı ne t'à amı ts'èkeè ełı ha?” gedı Zezì dageehke.

29 Zezì gots'ò hadı, “Nòhtsı Nıht'è eyıts'ò Nòhtsı enııyah t'à wegħa dıı-le sù wek'èhoahsò-le t'à, ekò-le naxıgha ehkw'ı-ahodı. 30 Dọ naıdàa dzeè k'e

nɔ̀dè elexè honìgedè ha nùle, yak'eet'ɔ̀ lagɔ̀t'e ha hɔ̀t'e. ³¹ Dɔ̀ ełajidèe nagidà ha sɔ̀ eyɔ̀ ghɔ̀ naxɔ̀daihsɔ̀: Nòhtsɔ̀ dàdu sɔ̀ wek'eyaahɔ̀-le nì? ³² Edeghɔ̀ du hadɔ̀ ɔ̀lè: 'Abraham Wenòhtsɔ̀, Isaac Wenòhtsɔ̀ eyɔ̀ts'ɔ̀ Jacob Wenòhtsɔ̀ aht'e,' dek'eèht'è. Eyɔ̀t'á dɔ̀ ełajidè gha Nòhtsɔ̀ eɔ̀ nùle, dɔ̀ geedaa sɔ̀ gha Nòhtsɔ̀ eɔ̀ hɔ̀t'e," Zezi gòhdi.

³³ Dàni dɔ̀ hoghàehtɔ̀ sɔ̀ dɔ̀ hazɔ̀ gɔ̀kw'o ekò weyatɔ̀ sɔ̀ gɔ̀gha enɔ̀yah dɔ̀.

Nàowo denahk'e wet'áa?àa deè

³⁴ Zezi, Sadducee gɔ̀lɔ̀ sɔ̀ agɔ̀di while agòòlà ghɔ̀ egɔ̀kw'o ekò Pharisee gɔ̀lɔ̀ sɔ̀ ełègɔ̀de. ³⁵ Gɔ̀ts'ɔ̀ dɔ̀ ɔ̀lè Nòhtsɔ̀ Nɔ̀ht'è k'èhoezɔ̀ deè sɔ̀ Zezi daehke t'á yeèhdzà. ³⁶ "K'àowo, Moses wenɔ̀ht'è gots'ɔ̀ ayɔ̀ nàowo denahk'e wet'áa?àa?" yèhdi.

³⁷ Zezi yets'ɔ̀ hadɔ̀, " 'Naxɔ̀zeè hazɔ̀ t'á, naxɔ̀dàqzhɔ̀ sɔ̀ t'á, eyɔ̀ts'ɔ̀ naxɔ̀nì sɔ̀ t'á Nòhtsɔ̀ weghɔ̀niahtɔ̀ ha hɔ̀t'e.' ³⁸ Eyɔ̀ nàowo t'akwelòò whezɔ̀ sɔ̀ denahk'e wet'áa?àa hɔ̀t'e. ³⁹ Nàowo wek'èè whezɔ̀ sɔ̀ du hanì dek'eèht'è: 'Edeghɔ̀niahtɔ̀ k'èè naxèot'ɔ̀ gɔ̀ghɔ̀niahtɔ̀ ha hɔ̀t'e.' ⁴⁰ Moses wenɔ̀ht'è eyɔ̀ts'ɔ̀ nakwenàozɔ̀ gɔ̀nɔ̀ht'è hazɔ̀ eyɔ̀ nàowo deè nàke sɔ̀ ghɔ̀ agedɔ̀ ɔ̀lè," Zezi gòhdi.

Christ wèts'edɔ̀ sɔ̀ amì weza hɔ̀t'e?

⁴¹ Pharisee gɔ̀lɔ̀ sɔ̀ ełègà nàgeèhza ekò Zezi da-goehke, ⁴² "Christ wèts'edɔ̀ sɔ̀ weghɔ̀ dàahwhɔ̀? Amì weza ne?" gòhdi.

"K'àowocho David Weza ne," gɔ̀hdi.

⁴³ Zezi gots'ɔ̀ hadɔ̀, "Hanì-ɔ̀dè dànìghɔ̀ k'àowocho David Yedàyeh Nezi dahxà 'sets'ɔ̀ K'àowo' yèhdi, dek'eèht'è. K'àowocho David yeghɔ̀ du hadɔ̀ ɔ̀lè:

44 ‘Gots’ò K’àoowo, sets’ò K’àoowo ts’ò hadi, Amì nets’ò xànegiṛaa sù hazòò gighòìhnè anehle gots’ò, nàgòts’ehnéè segà wheèda,’ dek’eèhtl’è.

45 K’àoowocho David ‘sets’ò K’àoowo’ yèhdi, hanì dek’eèhtl’è nìdè dànì yeza elì weli?” Zezi gòhdi.

46 Agudi while agejà. Ììzhagùlù agedle ha giwò-le t’à, ekò gots’ò t’asì ghò Zezi dageehke-le agejà.

23

Zezi k’aodèe goghonatiṛo

¹ Eyi tì’axòò Zezi dọ hazòò eyits’ò edecheekeè ts’ò dui hadi: ² “Nòhtsì-yatù-k’ègedì-dòò eyits’ò Pharisee giṛi sù Moses wenjhtl’è dahxà gogede.

³ Eyi t’à gik’èaht’e eyits’ò dànaxègedì k’èè eghàlaahda. Hanìkò dànì dọ hoghàgeehtò k’èè geeda niile t’à, dànì k’ehogezaa sù gixèahzì-le. ⁴ Xeh nedàa dọ gha gehtsì lanì, hanìkò ededì nagìage ha giwò-le.

⁵ “Dọ nadaà zò nezì k’ehogeza. Hòt’ò-yagehtù-dòò ats’ùt’e dọ hagogùhwhò ha giwò t’à gít’à yagehtù-tòà edek’e gehlāa sù nechà agehzi eyits’ò edezeèlò wekwè nedè agehzi. ⁶ Nàsì holè-ìdè ìdaà daèhchì whelaa eyits’ò elègehdeè-kò goyì dọ wet’àazàa gha daèhchì whelaa sù k’e geèhk’w’e ghageewì.

⁷ Kòta k’egedè nìdè dọ gots’ò nezì nageza xè ‘K’àoowo’ gògedì gìgha nezì.

⁸ “Hanìkò naxì sù dọ ‘K’àoowo’ naxègedì naxeguzì ha-le. K’àoowo ìlè zò naxìts’ò họt’e, naxì hazòò elèot’ì aah’t’e. ⁹ Eyi t’ò dọ wùzì ‘setà’ wèahdi ha-le. Gotà ìlāet’ee zò gòhì, yak’e wheda họt’e. ¹⁰ Eyi t’ò ‘hoghàehtò-dòò’ naxègedì naxeguzì ha-le. Dọ ìlè zò dọ hoghàgoehtò elì họt’e, eyì sù Christ họt’e.

¹¹ Naxita gots’ò dọ denahk’e wet’àazàa sù naxìgha

eghàlaedaa-dòò elì ha. ¹² Amì edeghò xàhodì sù edeghò ììzhagùlìì agedle ha, eyits'ò amì k'èewèè'tì k'èè edaa sù weghò xàdahodì ha.

¹³⁻¹⁴ “Naxì Nòhtsì-yatù-k'èahdì-dòò eyits'ò Pharisee yàahhì sù naxìgha hoìla nechà ha. Degai daahtsì kò wek'èè aahda nùle! Nòhtsì Wenàowò k'èè hòzòò sù dò goyagedè ch'à dò gùts'òòhk'e eniahchì. Naxì goyaahdè nùle eyits'ò dò goyats'ùdè gùwò kò goyagedè agiahle-le.

¹⁵ “Naxì Nòhtsì-yatù-k'èahdì-dòò eyits'ò Pharisee yàahhì sù naxìgha hoìla nechà ha. Degai daahtsì kò wek'èè aahda nùle! Hazòò nèk'e eyits'ò tì sù k'e k'ehoahwho. Dò ìlàet'ea naxìnàowò k'èè eda ha dahwhòò sù hak'eaht'ì. Eyì dò wegòahzò nùdè naxìnahk'e wehìza weahtsì.

¹⁶ “Naxìdaà goìlee kò dò k'egìahzì t'à naxìgha hoìla nechà ha. Dò gùts'ò dù haahdì, ‘Dò Nòhtsìkò-gocho wùzì t'à yatì nàtsoo whehtsì nùdè wet'àazà nùle. Hanìkò sòòmbaekwo Nòhtsìkò-gocho k'e whelaa t'à yatì nàtsoo whehtsì nùdè edeyatù k'èdì ha hòt'e,’ dahdì. ¹⁷ Naxì sù ezhìne laah't'e, ehkw'ì nàniahdè-le. Ayì denahk'e wet'àazà? Nòhtsìkò-gocho hanìle-ìdè sòòmbaekwo Nòhtsìkò-gocho k'e whelaa t'à degai ìhlè? Nòhtsìkò-gocho sù denahk'e wet'àazà hòt'e. ¹⁸ Eyits'ò dù haahdì hòt'e: ‘Kwe-ladà k'e Nòhtsì ts'ò t'asì k'èek'òò sù eyì ladà wùzì t'à dò yatì nàtsoo whehtsì nùdè wet'àazà nùle,’ dahdì, ‘Hanìkò Nòhtsì ts'ò t'asì k'èek'òò sù t'à yatì nàtsoo whehtsì nùdè edeyatù k'èdì ha hòt'e,’ dahdì. ¹⁹ Ehkw'ì nàniahdè nùle. Ayì denahk'e wet'àazà? Kwe-ladà, hanìle-ìdè t'asì kwe-ladà k'e wek'eahk'ò t'à degai ìhlè? Kwe-ladà sù denahk'e wet'àazà hòt'e.

²⁰ Eyì t'à amì kwe-ladà t'à yatì nàtsoo whehtsì nùdè

t'asì hazòò wek'e whelaa sɪ t'à yatɪ nàtsoo whehtsɪ hɔt'e. ²¹ Eyɪts'ò amì Nòhtsɪkò-gocho t'à yatɪ nàtsoo whehtsɪ sɪ eyɪ kò-gocho zò t'à yèhtsɪ nùle hanìkò amì yeyɪ nàdè sɪ t'à yatɪ nàtsoo whehtsɪ hɔt'e. ²² Eyɪts'ò amì yak'e t'à yatɪ nàtsoo whehtsɪ nùdè Nòhtsɪ wedaèhchɪcho eyɪts'ò amì yek'e whedaa sɪ t'à yatɪ nàtsoo whehtsɪ hɔt'e.

²³ “Naxɪ Nòhtsɪ-yatɪ-k'èahdì-dòò eyɪts'ò Pharisee yàahɪ sɪ, sɪ naxɪgha hoìla nechà ha. Degai daahtsɪ kò wek'èè aahda nùle! It'ò hazòò xàzaa nàahtsɪ sɪ wets'ò hoòno ìlè Nòhtsɪ ghàahzà. Hanìkò nàowo wet'aaazà sɪ ts'òniyahzà-le. Dɪ sɪ nàowo wet'aaazà hɔt'e: ehkw'ɪ ełesɪnìyats'ehtɪ, etelets'eèzɪ eyɪts'ò ełets'ò ehkw'ɪ ts'eedaa. Eyɪ nàowo weghàlaahda ha hɔt'e ìlè eyɪts'ò hòt'a ayɪ nezɪ weghàlaahdaa sɪ, wedè aahle ha-le. ²⁴ Naxɪ sɪ naxɪdaà goilee kò dɔ k'egiahzɪ! T'asì aahdòò sɪ weta ts'o nechà-lea xàahchɪ, hanìkò ejie nechàa nàlaahɪ.

²⁵ “Naxɪ Nòhtsɪ-yatɪ-k'èahdì-dòò eyɪts'ò Pharisee yàahɪ sɪ naxɪgha hoìla nechà ha. Degai daahtsɪ kò wek'èè aahda nùle! Libò eyɪts'ò kw'à weka zò nezɪ wek'enaahse, hanìkò naxɪdzeè yɪ aahdì-le xè t'aahwhò k'èè zò aahda. ²⁶ Naxɪ Pharisee yàahɪ sɪ naxɪdaà goilee laah't'e. Naxɪlibò eyɪts'ò naxɪkw'à nezɪ weyɪ wek'enaahse ha hɔt'e, hanì-ɪdè weka sɪ degoò ade ha.

²⁷ “Naxɪ Nòhtsɪ-yatɪ-k'èahdì-dòò eyɪts'ò Pharisee yàahɪ sɪ naxɪgha hoìla nechà ha. Degai daahtsɪ kò wek'èè aahda nùle! Kwe yɪ dɔkw'òò whelaa k'è enìht'èti degoo t'à goat'èe laah't'e. Mòht'a zò nezɪ wègaat'ɪ, hanìkò weyɪ dɔkw'òò ìhɪ whela. ²⁸ Eyɪ lanì ehkw'ɪ aahda k'èè naxègaat'ɪ, hanìkò

naxɪdzeè yì t'aats'òò hoahs'ì k'èè aahda eyits'ò
hoḥḥ-nàowoò k'èè nàniahdè.

²⁹ “Naxɪ Nòhtsɪ-yatù-k'èahdì-dòò eyits'ò Pharisee
yàahḥḥ sù naxɪgha hoìla nechà ha. Degai daahsɪ
kò wek'èè aahda nùle! Naxɪ sù nakwenàòzòò
gɪgha kwe yì dòkw'òò whelaa k'è gòahsɪ eyits'ò
dò ehkw'ì geeda ḷlèè sù gɪkw'òò k'è nezḥḥ sùigoahzì.
³⁰ Edeghò dḥ haahdì: ‘Gocho geeda, ekìyèè k'e
ts'ḥdà nḥdè gocho gɪxè nakwenàòzòò èlààts'ehde
ha-le ḷlè.’ ³¹ Haahdì ghàà naxɪcho nakwenàòzòò
èlààgoghḥdèè sù gɪts'ìhòò-dòò aah't'e edèahdì,
eyit'à edek'e nìdahoah't'à hòt'e. ³² Eyit'à hot'èè,
naxɪcho gihòḥḥ deghàà weghàlaahda!

³³ “Naxɪ sù wehḥḥ weza laah't'e! Wehḥkò
ts'ò anaxedle ch'à edaxàahdè ha dahwhò
nì? ³⁴ Nakwenàòzòò, dò goghḥzòò eyits'ò dò-
hoghàehtòò-dòò naxits'ò agehḥ ha. Mòhdaa
èlààgiahde xè dechḥet'aa k'e gideàhstò ha, mòhdaa
èlègehḥdèè-kò goyì gɪk'eahkwa ha, eyits'ò kòta
yàgòlaa gɪkaahwhò gà dagiahza ha. ³⁵ Eyit'à dḥ nèk'e
dò hazòò ehkw'ì geedaa èlààgoghḥdèè sù eyi hazòò
gha naxisìnyàetì ha hòt'e. Abè èlààwìgwo gots'ò,
nakwenàòzòò Berekiah weza Zechariah èlààwìgwo
hahwa gots'ò, dò nezḥḥ hazòò èlààgoghḥdèè ḷlèè sù
k'èxa naxisìnyàetì ha hòt'e. (Zechariah Nòhtsɪkò-
gocho eyits'ò kwe-ladà wek'e Nòhtsɪ ts'ò t'asì
k'èek'òò sù wege èlààwèahwho ḷlèè.) ³⁶ Ehkw'ì
anaxèehsɪ, naxɪ dòḥḥ aah't'ee sù eyi hazòò naxits'ò
hagode ha.

³⁷ “Jerusalem got'ḥḥ, nakwenàòzòò naxits'ò adlàa
sù naxɪ kwe t'à èlààgiahde hòt'e. K'àba edezaa
edḥts'òò t'ì'a gòhàà lanaxehḥ ha t'aats'òò hahwhò

kò naxı haahwhọ-le. ³⁸ Hotù aàhkw'ọ, naxıkò gokw'ọọ gòzọọ agode ha. ³⁹ K'achı seahzı ha nùile. 'Gots'ọ K'àowo wedahxà nùtłaa sù wexè sìghà họt'e,' seahdi gots'ọ k'achı seahzı ha-le," Zezì gòhdi.

24

Christ jọ ts'ọ anade ha nìkw'o nùdè ayù ghàà wek'èhoedzọ ha

¹ Zezì Nòhtsıkò-gocho gots'ọọ naèhtła ekò wecheekeè gıts'ọ geède, haguıhdi, "Waıda, eyı kò-gocho sù wèdaat'ı," guıhdi. ² Zezì gots'ọ hadı, "Eyı kò-gocho wèdaat'ıı weghàahda nı? Ehw'ı anaxèehsı, kwe ıle kò ełeka dawhela ha nùile, hazọọ hodàet'ı ha họt'e," gòhdi.

³ Zezì shıh Olivet gòyeh ekọ wheda ekò wecheekeè whatsọọ gıts'ọ-ède, haguıhdi, "Dàht'e-ıdè hagode ha sù gots'ọ hadı, eyıts'ọ nọọde dzeè jọ anaade ha nìkw'o nùdè ayù ghàà wek'èts'eezọ ha?" wecheekeè guıhdi.

⁴ Zezì gots'ọ hadı, "Hotù kexoahdi, naxıghoyagızà sọọ. ⁵ Dọ ıọ sızı t'à-aget'ı xè 'Christ aht'e,' gedi ha eyıts'ọ dọ ıọ ghoyagee?à t'à gogha ehkw'ı agedı ha. ⁶ Ełegegọ ghọ aàhkw'o ha, hanıkò weghọ dahjı-le. T'akwełọọ eyı hazọọ hagode ha họt'e, hanıkò ekòet'ıı nọọde dzeè k'e nèhòkw'ı ha nùile. ⁷ Du nèk'e dọ hazọọ xà?aa ełegegọ ha. Hazọọ gots'ọ bò whıle agode ha eyıts'ọ dèè hòt'ò nàgòidà ha. ⁸ Eyı hazọọ hagode ha sù ts'èko wezaa gòhè ha nìkw'o nùdè t'akwełọọ wegħa eya xèhoıwı sù eyı lagode ha họt'e.

⁹ "Ekııyèè k'e nùdè k'aodèè t'łaanaxegııle ha. Danaxegııh?a xè ełàanaxegııhde ha. Sı sets'ıh?ọ

dii nèk'e dọ hazòò naxıdzagııhwhọ ha. ¹⁰ Ekııyeè k'e dọ ıgıgha ehkw'ı-ahodı-le agode ha, eyıts'ọ k'aodèe ghàlegıle ha eyı xè eledzagııhwhọ ha họt'e. ¹¹ Eyıts'ọ nakwenàozọọ ehkw'ı agedı-le ıgı agode ha, dọ ıgı ghoyageezà ha. ¹² Dezòò dọ ıgı nàowohıı zọ gııwọ agode ha t'à dọ ełeghणेnegeètọ-le agode ha. ¹³ Hanıkò amıı nõode ts'ò weggha ehkw'ı-ahodıı sıı edaxàeda ha. ¹⁴ Hazòò nèk'e Nòhtsı Wenàowoò k'èè hòzọọ wegodıı nezıı dọ hoghàgogeehtọ ha. Hanı-ıdè dọ hazòò godı nezıı k'ègeezòò agode ha eyı t'axòò-ıdè nõode dzeè nèhòkw'ı ha.

¹⁵ “Nakwenàozọọ Daniel t'asııhıı ghọ ııt'è ıleè sıı asıı wenaahdı? (Amıı yek'eyahtıı sıı yenıedi wellı.) Eyı t'asııhıı sıı degaı k'è gòzọọ goyıı nàıza ha, eyı wets'ıhzò degaı k'è gòzọọ sıı tsıgowı ha. ¹⁶ Ekııyeè k'e nıdè dọ Judea nèk'e nàgedèe sıı shıhta ts'ò kwıgııhdè. ¹⁷ Eyı dzeè k'e dọ edekò dahmò ka wheda nıdè wekò goyıı t'asıı whe-laa ts'ò hodàwetla-le. ¹⁸ Eyıts'ọ dọ ededèè k'e eghàlaeda nıdè edezeè nıızah ha edekò nõòwetla-le. ¹⁹ Eyı dzeè k'e nıdè ts'èko chekoa xè hotıı geeda-le eyıts'ọ bebıa t'ògeht'ò agehıı sıı, sıı gıxè hoıla ha họt'e! ²⁰⁻²¹ Ekııyeè k'e kwıahdè nıdè dọ hazòò sıı dagııza ha t'à Nòhtsı Dzeè k'e agode ha-le eyıts'ọ xo k'e agode ha-le gha yaahtı. Dıı nèè hòèlı gots'ọ dıı dzeè ts'ò dọ hait'ò dagııza while, eyıts'ọ k'achı hanagode ha nıle. ²² Eyı hagode ha sıı wegghonahòt'eè adla-le nıdè dọ wıızıı edaxàeda ha nıle. Hanıkò amıı Nòhtsı gòıhchıı sıı gıgha dze ıgı-lea adle ha. ²³ Ekııyeè k'e nıdè dọ naxıts'ò dıı hagedı nıdè, ‘Christ ıgı wheda!’ hanı-le-ıdè ‘Yeè wheda,’ hagedı nıdè, naxıgha ehkw'ı agııdı-le. ²⁴ Dọ

mòhdaa hogets'i t'à dũ hagedi ha, 'Christ aht'e,' hanì-le-ıdè 'Nakwenàoꝛꝛò aht'e,' hagedi xè eniıyah nechàa hogehtsı ha. Dọ ghòdageehnè ha dũ-le nıdè Nòhtsı dọ gòıhchıı sıı eyı kò goghòdageehnè ha. ²⁵ Hanikò hagode kwe naxıts'ò haehsıı sıı hotıı wenaahdi nọ̀.

²⁶ "Eyıt'à, 'Ekıı-ka nèk'e ekọ wheda,' dọ naxıts'ò hagedi nıdè, ekọ aahdè-le. Hanì-le-ıdè, 'Jọ kọ goyıı wheda,' gedı nıdè naxıgha ehkw'ı agudı-le. ²⁷ K'àbatsòò gots'ò kò-naıtı'ı nıdè dàà ts'òòhk'e dọ nàgedèe sıı ededı kò geꝛı ha; Dọ-wet'áaꝛàa-deè jọ ts'ò anajà nıdè eyı lagode ha. ²⁸ Edıı t'asııweè whedaa sıı ekọ tatsògaà elègehde họt'e.

²⁹ "Hanı dọ gıxè hoıla tı'axòò-t'ıı sa daaꝛa-le agode ha, adzeꝛah xè togoòtı'ò agode ha, eyıts'ò whò hazòò hodàetı'ı xè yat'a hòtı'ò nàgoıdà ha.

³⁰ "Eyı dzeꝛè k'e Dọ-wet'áaꝛàa-deè yat'a wègoèhtı'ı ha eyıts'ò dũ nèk'e dọ hazòò geejı xè getse ha. Dọ-wet'áaꝛàa-deè eniıyah t'à nàtso xè k'oh k'e nııtıa geꝛı ha. ³¹ Dechıshı hòtı'ò dedı ekııyèè k'e nıdè, Dọ-wet'áaꝛàa-deè edeyak'eet'ıı dũ nèk'e hazòò welọ ts'ò gohꝛa ha, Nòhtsı dọ gòıhchıı sıı nàgogehtsı ha.

³² "Jıechots'ıı weghàà dũ hanı hoghànaxeehtọ: Ts'ı wets'ıhchıı dezhi-le at'ı xè wets'ò ıt'òà xàlaekè nıdè hòt'a ımbè agode ha ts'ò whaà-le wek'èts'eezọ họt'e. ³³ Eyı xèht'èè t'asıı hazòò ghọ goıhdee sıı weghàahdaà aahjà nıdè weghàà eyı dzeꝛè ts'ò nıwà-le nèhòkw'o họt'e wek'èahsọ ha. ³⁴ Ehkw'ı anaxèehsı, ekııyèè k'e dọ geedaa sıı eyı hazòò hagode kwe elààgede ha nııle. ³⁵ Yak'e eyıts'ò dèè whıle agode ha họt'e, hanikò seyatıı wıꝛıı sıı whıle ade ha nııle.

Ayù dzèè k'e agode ha sù wèk'èhoedzò nùlè

³⁶ “Dò wùzì ayù dzèè k'e agode ha sù yek'èezò nùlè, yak'eet'ì kò gík'èezò nùlè, eyits'ò Nòhtsì Weza ededì kò yek'èezò nùlè, hanìkò Nòhtsì-Gotà ededì zò yek'èezò hòt'e. ³⁷ Dò-wet'àazàa-deè nùtla nùdè t'akwe Noah dù nèk'e nàidè ekò dànì dò gùdàa sù eyi xèht'eè lagode ha. ³⁸ Dèè te teèt'ì kwe dò shègezhe, gedò, eyits'ò elexè honìgedè ìlè. Noah elàcho yìetla gots'ò hagiát'ì. ³⁹ Gìxè dàgode ha gík'èezò-le, hòtsaa gìxè dèè te teèt'ì, dò hazòò tì t'à efaàgùdè. Dò-wet'àazàa-deè nùtlaa dzèè k'e nùdè hotì eyi lagode ha hòt'e. ⁴⁰ Ekìyèè k'e dò nàke dèè k'e eghàlageadaa sù ìlè nìwùtè ha, eyits'ò ìlè àida ha. ⁴¹ Eyits'ò ts'èko nàke elexè lè nàgeedee sù ìlè nìwùtè ha, eyits'ò ìlè àida ha.

⁴² “Eyit'à kexoahdì! Ayù dzèè k'e naxits'ò K'àowo jò nùtla ha sù wèk'èahsò nùlè. ⁴³ Eyit'à dù wedaàniàhdè: Edahxò dò wèkò enìxàgùzhì ts'ùdì. Dò wèkò gòzòò sù ayù sadzèè k'e eezì-dòò yekò enìxèzhì ha yek'èezò nùdè, wèkò enìxàgeezhì ch'à kexoehdì ha ìlè. ⁴⁴ Naxì sì, Dò-wet'àazàa-deè ayù sadzèè k'e wexaahì-le sù k'e nùtla ha ne t'à, wegga ts'atà dahkw'e ha hòt'e.

⁴⁵ “Dò nezù aahì xè goahsòò k'èhoahza. Eyì hanù dò sù wets'ò k'àowo edecheekeè hazòò ts'ò k'àowoò ayele ha. Weghò shèts'ezhee gùwò nùdè goghàzeedì ha. ⁴⁶ Wets'ò k'àowo nòòtla nùdè wecheekeè hanì yegha eghàlaeda yazì nùdè, eyi dò wexè sìghà ha hòt'e. ⁴⁷ Ehw'ì anaxèehsì, eyi k'àowo sù t'asì hazòò wets'ò sù yets'ò k'àowo ayele ha. ⁴⁸ Ekò edahxò eyi dò weju t'à, edets'ò dù hadì, ‘Sets'ò k'àowo whàà ts'ò wewhìlè,’ ⁴⁹ eyit'à

k'àowo wecheekeè dagòòhza eyits'ò ededı shètı xè yedò zò k'alawo. ⁵⁰ Wets'ò k'àowo dàht'e nòòtla ha yexaelı-le dzeè k'e hotsaa nùtla ha. ⁵¹ K'àowo hòt'l'ò nàyeekwa ha eyits'ò dọ degai degeetsı sù gota whedaà ayele ha. Ekò dọ getse xè gıgha hoıla ha.

25

T'eekoa hoònò gıgodı

¹ “Ekııyeè k'e nıdè Nòhtsı Wenàowoò k'èè dı lagode ha: T'eekoa hoònò t'èèk'òò xè xàgeède gà mòht'a dọzhı honıda ha sù k'enageèhı. ² T'eekoa sılàı sù gogıızò-le eyits'ò sılàı sù gogıızò. ³ T'eekoa gogıızò-le sù t'èèk'òò edexè k'egele, hanıkò t'èh dezòò k'egele-le. ⁴ Ekò t'eekoa gogıızòò sù t'èèk'òò eyits'ò t'èh dezòò edexè k'egele. ⁵ Eyı dọ honıda ha sù whaà gık'eènaèhı ts'ıhıò, begeèxı agejà t'à geète.

⁶ “Totanı nıızò ekò dọ whezeh, hadı: ‘Dọ honıda ha sù nùtla ha nıkw'o! Jò weda ląą nıahdè!’ hadı.

⁷ “Ekòet'ı t'eekoa hazòò ts'ıgıdè, edets'ò t'èèk'òò nezı dèk'ò agıılà. ⁸ T'eekoa gogıızò-le sù t'eekoa gogıızòò ts'ò hagedı, ‘Gots'ò t'èèk'òò nadaakwe t'à, t'èh mòhdaa goghàahdı,’ gògedı.

⁹ “Hanıkò t'eekoa gogıızòò sù gots'ò hagedı, ‘İle, hats'ele ha dıı, hazòò gogha t'èh degħàà ade ha-le. Edegha t'èh dọ ghò nàahdı,’ gògedı.

¹⁰ “T'èh nàgeehdı ha ekò geède gıtl'axòò dọ honıda ha sù eyı nùtla. T'eekoa ts'atà gıdageèhk'ee sù nàsı holè ha eyı dọ xè kò goyageède gà enıgıghè.

11 “Sìghajwaà t'axòò t'eekea goguzò-le sù eyi nègùide, hagedi, 'K'àowo! K'àowo! Gots'ò enixàichì!' gedi.

12 “Hanikò gots'ò hadi, 'Ehkw'ì aehsì, naxik'èehsò-le,' gòhdi.

13 “Eyit'à edexoahdi! Ayì dzeè k'e eyits'ò ayì sadzeè k'e hagode ha sù wek'èahsò nùle,” Zezi hadi goxè godo.

K'àowo eyits'ò wecheekeè tai g'igodi

14 Zezi hadi, “Nòhtsì Wenàowoò k'èè du hani hòzò ha: Dò ahxee ìè t'asì gòowà ts'ò kòtaetla kwe dò hazòò yegha eghàlaidèe sù gokayajhtì gà t'asì hazòò wets'ò sù ts'ò k'ahogedè agòòlà. 15 Sjàl-lemì satsòà dekwoo edecheekeè ìè ghàila, k'achì nàke-lemì satsòà dekwoo edecheekeè ìè ghàila eyits'ò k'achì, ìè-lemì satsòà dekwoo edecheekeè ìè ghàila. Dànì nezì eghàlageeda k'èè satsòà dekwoo gotaàwhela. Eyì t'axòò nìwà kòtaèhtla. 16 Wecheekeè sjàl-lemì satsòà dekwoo weghòzhaa sù ekòet'ì eyi sòmba t'à eghàlaidà. Yet'à sjàl-lemì satsòà dekwoo dezòatlo whehtsì. 17 Eyì xèht'èè wecheekeè nàke-lemì satsòà dekwoo weghòzhaa sù yet'à nàke-lemì satsòà dekwoo dezòatlo whehtsì. 18 Hanikò wecheekeè ìè-lemì satsòà dekwoo weghòzhaa sù dèè yì gòòrà ayìlì gà edets'ò k'àowo wesòmbaà wek'èhodì ha dèè goyì yùwa.

19 “Whaà hòowo t'axòò eyi dò gits'ò k'àowo nòotla t'à wesòmbaà dàgùlaa sù yeghò dagoehke. 20 Wecheekeè sjàl-lemì satsòà dekwoo weghòzhaa sù wexètlo sjàl-lemì yèhtsì sù hazòò edets'ò k'àowo gà nèyùwa, hayèhdi, 'Sets'ò k'àowo, sjàl-lemì satsòà

dekwoo t'à eghàlaihà asèneelà jìè. Jò weghàida, eyi wet'à k'achì sɪlà-lemì whihtsɪ,' yèhdi.

21 “Wets'ò k'àowo hayèhdi, ‘Secheekeè nezɪ anet'e, nezɪ eghàlaneanà! T'asì lɔ-lea t'à nezɪ eghàlaneanà k'èxa t'asì lɔ gha k'àìwoò anehle ha. Sexè nɪnà welè!’ yèhdi.

22 “Wecheekeè nàke-lemì satsòà dekwoo weghòzhaa sɪ ededɪ sɪ edets'ò k'àowo ts'ò èhtla, hayèhdi, ‘Sets'ò k'àowo, nàke-lemì satsòà dekwoo t'à eghàlaihà asèneelà. Jò weghàida, eyi wet'à k'achì nàke-lemì whihtsɪ,' yèhdi.

23 “Wets'ò k'àowo yets'ò hadɪ, ‘Secheekeè nezɪ anet'e, nezɪ eghàlaneanà! T'asì lɔ-lea nezɪ weghàlaneanà k'èxa t'asì lɔ gha k'àìwoò anehle ha. Sexè nɪnà welè!’ yèhdi.

24 “Eyi t'axòò wecheekeè jìè-lemì satsòà dekwoo weghòzhaa sɪ edets'ò k'àowo ts'ò èhtla, hayèhdi, ‘K'àowo, dɔ dìi anet'e nek'èehsɔ. T'asì dehshe gha t'asì dèè k'e nèneela-le kò, wets'ò t'asì dèhshòò sɪ ihchì. 25 Nets'àehjɪ t'à dèè goyì nesòòmbaà nàehɪ. Jò nesòòmbaà hazòò whela,' yèhdi.

26 “Wets'ò k'àowo hayèhdi, ‘Secheekeè hɪnɪ anet'e xè gots'ɪdì. Dɔ dìi aht'e sek'èizò. T'asì dehshe gha t'asì nèehla-le kò wets'ò t'asì dèè k'e dèhshòò sɪ ihchì. 27 Dɔ dìi aht'e sek'èizò nɪdè dànìghò sesòòmbaà, sòòmba-dehshee-kò nèneela-le nòò? Hanì-ìdè jò anahjà nɪdè sesòòmbaà eyits'ò sòòmba wetaekw'ɪ sɪ elèxè naihchì ha jìè,' yèhdi.

28 “Eyi t'à k'àowo edecheekeè eyi-le gots'ò hadɪ, ‘Wesòòmbaà weghò niahwha. Secheekeè hoònò-lemì satsòà dekwoo wets'ò sɪ weghàahle,' gòhdi.

29 Amì t'asì wets'ò sɪ t'asì de:zòatìò weghàzhe

ha họt'e, hanì-ìdè t'asì de zòatìq wets'q ade ha. Hanìkò amì t'asì wets'q-le sù t'asì lq-lea wets'q kò weghò ìchì ha họt'e. ³⁰ Eyì secheekeè wet'aa zà-le sù togoòt'ò gòzòq ts'ò xàweahxà. Ekò dq getse xè gìgha hoìla ha, ' k'àowo gòhdi, " Zezì hadì goxè godò.

Gosiniyaetu dzeè k'e nide

³¹ Zezì hadì, "Dq-wet'aa zà-deè enìyah t'à nàtso xè nùitla nide, wets'q yak'eet'jì gixè at'ì ha, eyits'q yak'e gots'q k'àowocho elì xè ededaèhchìcho k'e wheda ha. ³² Dì nèk'e dq hazòq xà zaa wenadaà lèlè elègehde ha. Sahzòq eyits'q ejie lats'igewa lanì dq hazòq lats'igòwa ha. ³³ Sahzòq hazòq nàgòts'ehné nègòwa ha eyits'q ejie hazòq gots'ìhts'q nègòwa ha.

³⁴ "Eyì t'axòq-ìdè k'àowocho dq nàgòts'ehné nàgeèhzaa sù gots'ò dì hadì ha, 'Jò aahde, Setà naxixè sìghà anìwq họt'e. Dì nè hòelì gots'q Nòhtsì Wenàowoò k'èè hòzòq naxida sìnìhòt'òq sù ts'ò goyaahde. ³⁵ Bò ghaehwhì ekò t'asì ghò shèhtì seghàahdi jìlè. Tì ghaehwhì ekò tì seghàahdi jìlè. Naxikòta xàhtq ehì ekò naxikò ts'ò asèahlà jìlè. ³⁶ Goht'q sets'q-le ekò goht'q seghàahlà jìlè. Eyaehì ekò sek'èahdi jìlè. Eyits'q dq-danìlāa-kò whìhda ekò sets'àwhaahde jìlè, ' hagòhdi ha.

³⁷ "Dq ehkw'ì geedaa sù gits'ò dì hadì ha, 'Gots'ò K'àowo, dàht'e bò ghajwì t'à newàts'jìdì nòq? Dàht'e tì ghajwì t'à tì neghàts'jìdì nòq? ³⁸ Dàht'e gokòta xàhtq nelì t'à gokò ts'ò anets'jìlā nòq? Dàht'e goht'q nets'q-le t'à goht'q neghàts'jìlā nòq? ³⁹ Dàht'e eyanelì nets'a zì nòq? Eyits'q dàht'e dq-danìlāa-kò wheèda t'à nets'àts'ede nòq?' hagedì ha.

40 “K'àowocho hagòhdi ha, 'Ehkw'i anaxèehsi, sechi dek'aʒì elɪ sù wegħa ayù dàahlàa sù sɪ segħa haahlà hɔt'e,' gòhdi ha.

41 “Eyì tɬ'axqò-ɪdè k'àowocho dɔ gots'ɪhts'ɔ nàgeèhzaa sù gots'ò hadi ha, 'Sets'ò nàahdè, naxixè hoilà hòʔɔ ha hɔt'e. Welɔ whìle ts'ò kò dèk'òq wehɪ eyits'ɔ weyak'eet'ɪ gɪdagòʔɔq sù ts'ò aahde. ⁴² Segħa ayù dàahlà k'exa naxits'ò hagode ha. Bò għaehwhi ekò t'asù wegħò shèhtɪ segħàahdì-le ɪlè. Tì għaehwhi ekò t'asù ts'edɔ segħàahdì-le ɪlè. ⁴³ Naxikòta xàhtɔ ehɪ ekò naxikò ts'ò asèahlà-le ɪlè. Goht'ɔ sets'ɔ-le ekò goht'ɔ segħàahlà-le ɪlè. Eyaehɪ ekò eyits'ɔ dɔ-daniɪlaa-kò whihda ekò sets'áwhaahde-le ɪlè,' gòhdi ha.

44 “Ededɪ sɪ gits'ò hagedi ha, 'Gots'ò K'àowo, dàht'e bò eyits'ɔ tɪ ghajwɪ nets'aʒì nɔq? Dàht'e gokòta xàhtɔ nelɪ nɔq, dàht'e goht'ɔ nets'ɔ-le nɔq, dàht'e eyanelɪ eyits'ɔ nedaàtɔ nɔq? Eyits'ɔ dàht'e seè nets'ats'ɪdì-le nɔq?’ gùhdi ha.

45 “K'àowocho hagòhdi ha, 'Ehkw'i anaxèehsi, dɪ dek'aʒì gɪɪ nàgòts'ehnéè nàgeèhzaa sù gɪgha t'asù haahlà-le nɪdè sɪ segħa t'asù haahlà-le hɔt'e,' gòhdi ha.

46 “Eyì dɔ gots'ɪhts'ɔ nàgeèhzaa sù welɔ whìle ts'ò dagɪza ha, hanikò amì ehkw'i edaa sù welɔ whìle ts'ò eda ha,” Zezì hadì goxè godo.

26

Zezi elàgùhwhi ha snìhogùzà

1 Zezì eyì hazqò hanɪdì ghò nɔqt'e tɬ'axqò edecheekè ts'ò hadi, ² “Dzèdèè Passover agode ts'ò nàke dzèè whìle wek'èahsq hɔt'e. Ekìyeè k'e

nɔ̀dè Dɔ̀-wet'aaʔaa-deè k'aodèe tʰaàgɪhtè ha eyɪts'ɔ̀ dechɛt'aa k'e wedɪtsò ha,” gòhdi.

³ Ekɪyèè k'e yahtɪ-gha-k'aodèe eyɪts'ɔ̀ ɔ̀hdah gɪɪɪ sɪ yahtɪ-wet'aaʔaa-deè, Calaphas wɪyeh, wekò go-cho elègɪde. ⁴ Zezi elaaɪghwhɪ ha gɪwɔ̀ t'à, dànì dɔ̀ naàhtɔ̀ dageechɪ ha sɪ ghɔ̀ gogede. ⁵ Hanìkò elɛts'ɔ̀ hagedɪ, “Dzèdeè Passover ekɪyèè k'e ats'ɪle. Hats'ɪlà nɔ̀dè dɔ̀ nɪdahogɪhdè ha sɔ̀nɪ,” gedi.

Ts'èko Zezi k'e yik'eeɬ'òo ayɪlà

⁶ Ekɪyèè k'e kòta Bethany Zezi Simon wekò wheda ɪlè. (Simon gokwò tàda t'à eyaelɪ ɪlè.) ⁷ Ekò ts'èko kwetɔ̀ yɪ yik'eeɬ'òo dètɪ k'ehtɪ xè goyaèhtɪ. Zezi ladà k'e shètɪ ts'òet'ɪ àjà gà yik'eeɬ'òo yekwɪ k'e ayɪlà.

⁸ Wecheekè eyɪ ts'èko hajà gɪaɪ ekò gɪgha nezi-le, elɛts'ɔ̀ hagedɪ, “Ayɪha eyɪ yik'eeɬ'òo t'asɪ kaà-le naɪyèèht'ɪ? ⁹ Sòɔ̀mba ɪɔ̀ k'èxa weghɔ̀ nàedi gà eyɪ sòɔ̀mba dɔ̀-teèt'ɪ ghàyele ha ɪlè,” elɛts'ɔ̀ hagedɪ.

¹⁰ Ayɪ ghɔ̀ gogedee sɪ Zezi yek'èezɔ̀ t'à gots'ò hadɪ, “Ayɪha dɪ ts'èko ts'ò sɔ̀ahdi? Segha t'asɪ nezɪ hayɪlà hɔ̀t'e. ¹¹ Dɔ̀-teèt'ɪ sɪ t'aats'òɔ̀ naxɪxè geeda ha hɔ̀t'e, hanìkò sɪ sɪ t'aats'òɔ̀ naxɪxè whɪhda ha nɪle. ¹² Dɪ yik'eeɬ'òo sezɪ k'e naɪyèèht'ɪ sɪ sekw'òɔ̀ nɪtɪ dzèè daà ayɪlà hɔ̀t'e. ¹³ Ehw'ɪ anaxèhsɪ, edɪ nèk'e segodɪ nezɪ t'à elɛxè gogedoo sɪ dɪ ts'èko segha ayɪ dàyɪlà sɪ weghɔ̀ elɛxè gogedo ha hɔ̀t'e. Ayɪ dàyɪlà sɪ dɔ̀ gɪnadi ha hɔ̀t'e,” gòhdi.

Zhidàà Zezi k'aodèe got'ayɪhtɪ

14 Eyɪ tɪ'axqò wecheekeè hoònq-daats'ò-nàke gots'q ɲè, Zhɪdàà-Iscariyot wiyeh sɪ yahtɪ-gha-k'aodèe ts'ò èhtɪ, 15 hagòhɪ, “Zezi naxɪtɪ' àèhte k'èxa dàtɔ sòmba sets'àzahɪ ha?” gòhɪ. Eyɪt' à taènq satsòq degoo gɪgha gɪhtà gà gɪghàɪwa. 16 Ekò gots'q Zhɪdàà dànì Zezi k'aodèe gotɪ' ààyehtè ha sɪ gha naèhɪ.

Zezi edecheekeè xè shètɪ

17 Passover dzèè xèhòqòwo ekò Zezi wecheekeè dageehke, hagedɪ, “Edɪɪ nàsɪ Passover ghò shètɪ ha? Negha sɪgots'ele ha neewq nì?” gɪhɪ.

18 Zezi gots'ò hadɪ, “Jerusalem ts'ò aahdè, ekq dɔ ɲè ts'àahdè, wets'ò haahɪ, ‘Gots'ò K'àowo dɪ hadɪ: Segha nèhòkw'ɪ ts'ò whaà-le agòjà. Nekò secheekeè gɪxè Passover gha nàsɪ ehtsɪ ha, hadɪ, hawèahɪ,” gòhɪ. 19 Eyɪt' à Zezi dàgòhɪ sɪ k'èè wecheekeè eghàlagɪdà. Ekq Passover gha nàsɪ sɪnìhogɪɔq.

Wecheekeè ɲè k'aodèe tɪ' ààyɪhtɪ

20 Xèhts'ò agòjà ekò Zezi eyɪts'q wecheekeè hoònq-daats'ò-nàke shègezhe ha ladà gà nègɪde.

21 Shègezhe ekò Zezi hagòhɪ, “Ehkw'ɪ anaxèehsɪ, ɲè naxɪta whedaa sɪ k'aodèe tɪ' ààsɪhtè ha,” gòhɪ.

22 Wecheekeè sɪ gɪgha dɪ agòjà, eɛk'èdaà Zezi ts'ò hagedɪ, “K'àowo, sɪ asɪdɪ-le nì?” gɪhɪ.

23 Zezi hagòhɪ, “Amɪ sexè kw'àyɪq yɪ lèt'è tenaɪhtsoo sɪ k'aodèe tɪ' ààsɪhtè ha. 24 Hotɪ Nòhtsɪ Nɪhtɪ'è k'e dànì dek'eèhtɪ'è k'èè Dɔ-wet'àazàa-deè eɛààwɪ ha hɔt'e, hanikò amɪ k'aodèe gotɪ' ààyehtè ha sɪ wegħa hoila nechà ha hɔt'e. Eyɪ dɔ wegòhɪ-le nɪdè denahk'e wegħa nezɪ ha ɲè,” gòhɪ.

25 Zhidàà, Zezì k'aodèe t'laàyehtë ha sì, hadì, “K'àowo, sɪ asɪ̀dɪ-le nì?”

Zezì yets'ò hadì, “Hęzę, nɪ anèehsɪ,” yèhdi.

26 Shègezhe ekò Zezì lèt'è nùchɪ gà yek'eèyayhtɪ. Eyɪ t'axqò lèt'è tàyyzhì, edecheekeè goghàyɪdì, hadì, “Dù lèt'è ààhchɪ, weghq shèahzhe. Dù sezhiì hq̄t'e,” gòhdi.

27 Eyɪ t'axqò libò neyyìhgè gà yek'eèyayhtɪ eyɪts'q̄ k'achɪ edecheekeè goghàyìhgè, hadì, “Wets'q̄ aahts'è. 28 Dù sedoò sì wet'à nakenahòdɪ hq̄t'e. Dq̄ lq̄ gha sedoò xàit'ɪ, eyɪ wet'òq̄ gihòɪ gɪghq̄ nahoezhe ha hq̄t'e. 29 Ehkw'ɪ anaxèehsɪ, dù nèk'e k'achɪ dù jìetì naxìxè nahdq̄ ha-le. Setà wenàowoò k'èè hòzq̄ wexèhq̄owo nɪdè naxìxè jìetì wegòò ehdq̄ ha,” gòhdi.

30 Shɪ gɪajɪ t'axqò shìh Olivet gòyeh ts'ò geède.

Peter Zezì k'èezq̄-le hadì ha

31 Ekq̄ geèhkw'e ekò Zezì gots'ò hadì, “Dù toò et'ì sets'ò dānàhòwo ha t'à naxɪ hazq̄ sets'q̄ kwɪahdè ha. Dānì dek'eèht'èe sì wek'èè agode ha:

'Sahzq̄-k'èdì-dq̄ nāweht'ì ha eyɪts'q̄ sahzq̄ hazq̄ ehkègeh'ā ha,' dek'eèht'è.

32 Hanìkò naihà t'axqò nɪdè naxɪnakweè Galilee nèk'e ts'ò ahde ha,” gòhdi.

33 Peter yets'ò hadì, “Dq̄ hazq̄ nets'q̄ nageèhde kò sɪ nek'èè k'ehda ghq̄ naht'è hā nùile,” yèhdi.

34 Zezì yets'ò hadì, “Ehkw'ɪ anèehsɪ, dù toò k'àba ezeh kwe, taà-eh't'āà sek'èizq̄-le nɪdì ha hq̄t'e,” yèhdi.

35 Hanìkò Peter yets'ò hadì, “Nexè ełæhwhɪ ha nq̄ kò, nek'èehsq̄-le dehsɪ ha nùile,” yèhdi. Wecheekeè hazq̄, ededɪ sɪ, hagedɪ.

Zezi sù wegħa dùi xè Nòhtsı ts'ò yahti

³⁶ Eyı t'axqò Zezi edecheekeè xè Gethsemana gòyeh ts'ò geède, gots'ò hadı, “Jq naahzı. Yahdaà nèehtła gà yahti ha,” gòhdi. ³⁷ Peter eyıts'q Zebedee weza nàke edexè goòwa. Sù wegħa dùi agòjà, hagòhdi, ³⁸ “Sù segha dùi t'à ełæhwhı ha lanì. Jq sedaahkw'e, kexoahdi,” gòhdi.

³⁹ İdaà gqòwà-lea niittła, dèè k'e nàgòıhgè xè hadiı yahti, “Setà, dùi-le nıdè dı t'ası wet'à dàıhzaa sù sets'qò anele. Hanikò sını k'èè welè-le; nını k'èè welè,” Zezi hadiı yahti.

⁴⁰ Yahti t'axqò edecheekeè tai goghq nòqtła ekò geète nqò. Peter ts'ò hadı, “İlè sadzea kò sexè ts'ıgoahdi ha dùi ni? ⁴¹ Hoıı naxıdàèht'è ch'à edexoahdi xè yahti, hanı-ıdè hoıı naxıdàèht'è hale. Naxıts'q ıni ehkw'ı anıwq hanikò wek'èè aahda ha wèhoedi-le,” gòhdi.

⁴² Zezi k'achı yahti ha ekq naèhtła, hadiı yahti, “Setà, dı wet'à dàıhza ha sù wedè adle ha dùi nıdè, nını k'èè welè,” Zezi hadiı yahti.

⁴³ Edecheekeè goghq nòqtła ekò sù begeèxı t'à k'achı gete nqò. ⁴⁴ K'achı ıdaà gqòwà-lea niittła, tai t'à yahti, dàdı ılèè sù k'achı hanaedi.

⁴⁵ Eyı t'axqò decheekeè gots'ò naèhtła, hagòhdi, “İlaà wheahte ni aah't'e? Hòt'a Dq-wet'aaazàa-deè sù hoıı-hogehtsı-dqò t'aàgıhtè ha nihqowo. ⁴⁶ Niàhdè, nats'ıdè. Amı hoıı-hogehtsı-dqò ghàsıhtè ha sù jq niittła,” Zezi gòhdi.

Zezi gııhchi

⁴⁷ İlaà Zezi edecheekeè gots'ò gode et'ıi wecheekeè hoònq-daats'ò-nàke gots'q ılè, Zhıdàà wıyeh, eyı niittła. Dq ıq behcho eyıts'q dechı

k'egelee wexè nègùde. Yahtu-gha-k'aodèe eyits'ò qhdah gùlù sù dọ eyi ts'ò gogùhza. ⁴⁸ Zhidàà, Zezi k'aodèe gotl'aàhtè ha sù, dọ gixè aget'ù ts'ò dı hadı ìlè, “Dọ wehts'ù sù eyi wèahchı,” gòhdi ìlè. ⁴⁹ Zhidàà ekòet'ù Zezi ts'ò èhtla gà yets'ò hadı, “Sets'ò K'àowo, nexè sìghà welè,” yèhdi gà yùts'ì.

⁵⁰ Zezi yets'ò hadı, “Àgıa, ayı dànele gha anet'ù sù ìwhàà hanele,” yèhdi.

Eyit'à dọ hazòò Zezi gà nàgòihwho, dagıachı gà negùchı. ⁵¹ Eyı hagòjà ekò Zezi wecheekeè ìlè behcho xàechı gà yahtu-wet'àazàa-deè wecheekeè ìlè yedzeèbàa dachùhwho.

⁵² Zezi yets'ò hadı, “Nets'ò behcho deyı nàchı. Amı behcho t'à-at'ù sù behcho t'à ełàawı ha họt'e. ⁵³ Setà weehkè nıdè ekòet'ù yak'eet'ù ìlèakw'eènq-lemı sets'ò ayele ha wek'èahsò-le nı? ⁵⁴ Eyı weehkè nıdè, Nòhtsı Nıhtl'è k'e ayı dek'eèhtl'èe sù wek'èè agode ha nıile,” Zezi yèhdi.

⁵⁵ Eyı tl'axòò Zezi dọ nègùdee sù ts'ò hadı, “Ayıha behcho eyits'ò dechı sets'ò k'eahle? Ełets'egò gha aht'ı dahwhò nı? Dze taat'eè Nòhtsıkò-gocho gà dọ hoghàehtò ìlè, hanıkò sèahchı-le ìlè. ⁵⁶ Hanıkò nakwenàozòò gınlhtl'è k'èè agode ha t'à dı hagode ha t'ıt'e,” gòhdi. Eyı tl'axòò wecheekeè hazòò gıts'òò natımògeèhde, eyits'ò nakwıgeède.

Zezi weghò nàyaeti

⁵⁷ Dọ Zezi dagıachı sù yahtu-wet'àazàa-deè, Caiaphas, wekò ts'ò geèhchı. Nòhtsı-yatı-k'ègedı-dòò eyits'ò qhdah gùlù sù ekò ełègùde. ⁵⁸ Peter ìdè sìghawàà gok'èè etle, yahtu-wet'àazàa-deè wekò gà kwekwı nawheza ts'ò gok'èè nıtlà. Ayı dàgot'ı

yek'èezò ha nıwò t'à goyaèhtla gà enı̀tò-k'ègedı̀-
dòò gogà dèhkwa.

⁵⁹ Yahtı̀-gha-k'aodèe eyıts'ò k'aodèe yàgı̀lı̀lı̀
hazòò Zezi ɛ̀laàgı̀hwhı̀ ha gı̀wò. T'ası̀ı̀ı̀ t'à Zezi
k'e nı̀dahogeezà ha dò dageehke. ⁶⁰ Dò lò gonadaà
nègı̀ı̀de, gı̀ghò hogets'ı̀ kò t'ası̀ t'à gı̀k'e nı̀dahogeezà
ha gogı̀hzo-le.

Nòode t'à dò nàke gogı̀ı̀de, hagedı̀, ⁶¹ “Eyı̀ dò dı̀ı̀
hadı̀ ı̀lè, ‘Nòhtsı̀kò-gochò wedı̀hohtsı̀ ha eyıts'ò tı̀ı̀
dzeè k'ehòowo nı̀dè nagohtsı̀ ha,’ hadı̀ ı̀lè,” gedi.

⁶² Eyı̀t'à yahtı̀-wet'àazàa-deè nı̀ıtla gà Zezi ts'ò
hadı̀, “Dò neghò dàgedı̀ sı̀ı̀ wek'e xàyahtı̀ ha-le
nı̀? Dò ayı̀ı̀ nek'e nı̀dahogeezàa sı̀ı̀ wegghò dàı̀dı̀ ha?”
yèhdi. ⁶³ Hanı̀kò Zezi xàyahtı̀-le.

Eyı̀t'à yahtı̀-wet'àazàa-deè hayèhdi, “Nòhtsı̀ edaa
sı̀ı̀ wı̀zı̀ dahxà gots'ò ehkw'ı̀ goı̀de. Nòhtsı̀ Weza,
Christ anet'e nı̀dè gots'ò haı̀dı̀,” yèhdi.

⁶⁴ Zezi yets'ò hadı̀, “Hèzè, nı̀ haı̀dı̀ ne. İ̀daà nı̀dè
Dò-wet'àazàa-deè Nòhtsı̀ t'ası̀ı̀ weggha dı̀ı̀-le sı̀ı̀ yegà
nàgòts'ehnèe whedaa weahzı̀ ha. İ̀dòo yak'e gots'ò
k'oh xè nı̀ıtla ha,” yèhdi.

⁶⁵ Hadı̀ t'à yahtı̀-wet'àazàa-deè sı̀ı̀ wek'èch'a t'à
edezeè tı̀ı̀hdı̀lè gà dò hazòò ts'ò hadı̀, “Nòhtsı̀
k'èch'a xàyahtı̀ hodeè! Hòt'a k'achı̀ dò gı̀k'e
nı̀dahogeezà-le kò. Naxı̀ xàè weyatı̀ı̀ ààhk'w'o họt'e.

⁶⁶ Dàni wesı̀nı̀yaahı̀ ha dahwhò?” gòhdi.

“Dàdı̀ sı̀ı̀ k'èxa ɛ̀laàwı̀ ha họt'e,” gedi.

⁶⁷ Eyı̀t'à wı̀nı̀ k'e geezè eyıts'ò nàgeeht'ı̀.
Dò mòhdaa nàgeekà xè ⁶⁸ hagiı̀hdı̀, “Christ,
nakwenàozòò anet'e nı̀dè amı̀ı̀ nàı̀ı̀ht'ı̀ı̀ sı̀ı̀ gots'ò
haı̀dı̀,” giı̀hdı̀.

Peter Zezi k'èezò-le hadı̀

⁶⁹ Ekìyèè k'e Peter eyi kò gocho gà mòht'a wheda ìlè. T'eekoa eyi eghàlaedaa sì yegà nìtla hayèhdi, “Nì sì Galilee got'ì Zezi xè anet'ì ìlè,” yèhdi.

⁷⁰ Hanìkò dọ hazọ̀ gonadaà hadi, “Ìle, sị aht'ì nùle. Ayì ghọ aɔdu sì wek'èehsọ-le,” yèhdi.

⁷¹ Eyì t'axọ̀ xàgoò?àa k'è gà nìtla. K'achì t'eekoa eyi-le ekọ yaɔ t'à dọ eyi nàgeèhzaa sì gots'ọ hadi, “Du dọ, Nazareth got'ì Zezi xè at'ì ìlè,” gòhdi.

⁷² K'achì yatì nàtsoo t'à Peter hadi, “Ìle, sị aht'ì nùle! Eyì dọ wek'èehsọ nùle!” hadi.

⁷³ Whaà-lea t'axọ̀ dọ mọhdaa eyi nàgeèhzaa sì Peter ts'ọ geède, hagiìhdi, “Ehkw'ì t'à, wecheekè ìlè anet'e ne, neyatì ghàà wek'èts'eezọ,” giìhdi.

⁷⁴ Peter yatì nàtsoo t'à hadi, “Ehkw'ì aehsì-le nùdè wek'èxa segha hoila welè. Eyì dọ wek'èehsọ nùle!”

Hadì ts'ọet'ì k'àba whezeh. ⁷⁵ Hanì et'ì Peter, Zezi dàdì ìlè sì yenadi. “K'àbacho ezeh kwe, taà-eh-t'aa sek'èizọ-le nùdì ha,” yèhdi ìlè. Peter xàèhtla gà sì ededzeè t'à ìtsè.

27

Zhìdàà dadèhdi

¹ K'omòdọ̀ et'ì yahtì-gha-k'aodè eyits'ọ qhdah giìlì sì Zezi ẹ̀lawa ha gisniyahtì. ² Wìlà ẹ̀kèet'ì agiìlà t'axọ̀ ekọ gots'ọ nageèhchì gà k'awo Pilate t'agìhtì.

³ Zhìdàà, Zezi k'aodè got'ì aàyìhtì sì, Zezi ẹ̀lagaehwhì ha gisniyahtì yeghọ ìkw'o ekò wegga diì xè edek'eelì. Eyì t'à yahtì-gha-k'aodè eyits'ọ qhdah giìlì sì gots'ọ naèhtla gà satsọ̀ degoo goghọ̀yìwa. ⁴ Hagòhdi, “Dọ ekọ-le eghalajda-le

kò sòmba k'èxa naxit' àwih̄t̄ t' à hōh̄ hòwh̄h̄ts̄," gòh̄d̄i.

“N̄i nets'ò hoèl̄ ne,” gīh̄d̄i.

⁵ Eyit' à Zhidàà sòmba Nòhts̄kò-gocho goy-ayeèh̄de gà t'as̄h̄ dadèh̄d̄i.

⁶ Yaht̄u-gha-k'aodèe sòmba neḡh̄wa gà elets'ò hagedi, “D̄u sòmba wet' à d̄o ēl̄òwo ne t' à Nòhts̄kò-gocho gha sòmba-t̄ò ȳi ts̄h̄wa n̄dè gonàowoò k'èch'a ha h̄ot'e,” hagedi. ⁷ Elets'ò gogede t' à eyi sòmba t' à kwet̄-eht̄h̄-d̄ò gh̄o dèè nàgeeh̄d̄i ha ged̄i. Eȳi dèè k'e d̄o ēlad̄h̄ ḡikw'òò whe-laa k'è gogeht̄s̄i ha. ⁸ Eyit' à eyi dèè s̄i Akeldama gīh̄d̄i. (Giyat̄i k'èè “Dèè k'e Edoò ajà” ged̄i-aged̄i.) ⁹ Eȳi s̄i nakwenàoz̄ò Jeremiah weyat̄i k'èè agode ha t' à agòjà, d̄u had̄i ìlè: “Eȳi taen̄q̄ sats̄ò degoo neḡh̄wa. Eȳi sòmba haàt̄ò k'èxa Israel got' h̄i ḡik'e n̄īz̄o h̄ot'e. ¹⁰ Eyits'ò eyi sòmba t' à kwet̄-eht̄h̄-d̄ò gh̄o dèè nàgeeh̄d̄i. Nòhts̄i dàsèhd̄i s̄i wek'èè egh̄alaḡid̄a,” had̄i dek'eèht' è.

K' àowo Pilate Zezi s̄in̄yaeh̄t̄i

¹¹ Ek̄iyeè k'e Zezi k' àowo Pilate nadāà nàwo. K' àowo Pilate dayeeh̄ke, hayèh̄d̄i, “Israel got' h̄i gha k' àowocho anet'e n̄i?”

Zezi yets'ò had̄i, “H̄ez̄e, dàid̄i s̄i k'èè h̄ot'e,” yèh̄d̄i.

¹² Yaht̄u-gha-k'aodèe eyits'ò òhdah gīh̄ s̄i Zezi k'e n̄idahoḡh̄z̄ò ekò gots'ò t'asad̄i-le ìlè. ¹³ Eyit' à k' àowo Pilate dayeeh̄ke, “Nek'e n̄idahogeez̄à, as̄h̄i gīkw'o?” yèh̄d̄i. ¹⁴ Zezi k'e n̄idahogeez̄à kò yegh̄o w̄iz̄i x̄ayah̄t̄i-le t' à, Pilate weḡha s̄i en̄iyah̄ d̄i.

¹⁵ Dz̄edeè Passover k'e n̄dè dèe-ts'ò-k' àowo ḡnàowoò k'èè d̄o ìlè wedaèt̄ò s̄i d̄o ts'ò x̄àet̄l̄à

ayehzì. Amì ayele ha sù dọ hazòè ededì dọ gihchii agohzì. ¹⁶ Ekiiyèè k'e dọju Barabas wiyeh wedaaniṭṭò ilè. ¹⁷ Eyit'à dọ hazòè elexè mọht'a nàgeèhza ekò k'àowo Pilate gots'ò hadii dagoehke, “Amì naxits'ò xàetlāà awehle ha dahwhọ: Barabas hanì-le-ìdè Zezì, Christ wèts'edii sù?” Pilate gòhdi. ¹⁸ Zezì ghọ ts'ohogeedi t'à Zezì gıṭf'ahṭi họt'e Pilate gok'èezọ.

¹⁹ K'àowo Pilate dọ-siniyaehṭii daèhchii k'e wheda ekò wets'èkeè yets'ò yatì nùzọ, hayèhdi: “Eyì dọ t'asawùle-le, ekọ-le wuzì hòèhṭsì nùle. Dii dzeṭ weghọ nàwhiṭi t'à sù daihza,” yèhdi.

²⁰ Hanikò yahtii-gha-k'aodèe eyits'ò qhdah gıllii sù dọ hazòè ghodageèhnọ. Eyit'à dọju Barabas xàetlā ha gıwọ eyits'ò Zezì eḷaàgiihwhi ha gıwọ.

²¹ K'àowo Pilate dagoehke, hagòhdi, “Dii dọ nàke sù amì naxits'ò xàetlāà awehle ha dahwhọ?”

Dọ hazòè hagedi, “Barabas gots'ò xàetlāà awùle,” giṭhdi.

²² Eyit'à k'àowo Pilate dagoehke, “Ekò dii dọ Zezì, Christ wèts'edii sù, dàwehle ha?” gòhdi.

Dọ hazòè hagedi, “Dechiet'aa k'e wediṭṭsò!” gedi.

²³ K'àowo Pilate dagoehke, “Ayì gha? Ayì hoilà hòèhṭsì k'èxa?” gòhdi.

Hanikò k'èdaà hòṭf'ò yagizeh, hagedi, “Dechiet'aa k'e wediṭṭsò!” giṭhdi.

²⁴ Dọ hazòè hòṭf'ò nàdahogehdè t'à k'àowo Pilate goghodaehnè ha dii yek'èhoèhza. Eyit'à tì ihchì gà dọ hazòè gonadaṭ edilā k'enaṭso, hadi, “Dii dọ wedoò nàṭèṭf'ii sù sù set'à nùle. Naxi naxits'ò hoèḷi họt'e!” gòhdi.

²⁵ Dọ hazqò gıts'ò hagedı, “Heze. Eyı dọ wedoò nalaètí'ı nıde goza eyıts'ò goxı gots'ò hoèlı họt'e!” gıhđı.

²⁶ Eyıt'à k'àowo Pılate, Barabas dọ ts'ò xàehtlaà ayıllà, hanıkò Zezi nàweekwaà ayıllà eyıts'ò dechıet'aa k'e wedıtsò ha eghqò-dqò gotł'aayıhtı.

Eghqò-dqò Zezi k'adageedè

²⁷ K'àowo Pılate wets'ò eghqò-dqò Zezi Praetorium gòyeh ts'ò geèhchì, ekò eghqò-dqò lq wemqò nègıdeè agogıllà. ²⁸ Wegoht'òqò yı xàgıhtı gà k'àowochozeè dek'o-dezqò yı gıhtı. ²⁹ Eyı tł'axqò ıchıghoò degeètł'ı t'à kwıt'ıi gèhtsı gà Zezi wekwı k'e nègeèchì. K'àowocho wetèh lanı dechı nàgòts'ehnèe ts'ò nàyıtò agıllà gà gıts'ò nàgòhge, gık'adaedè, hagıhđı, “Israel got'ıi gha k'àowocho weghàsqts'eedı!” gedıı yagızeh. ³⁰ Gık'e geezè, k'àowocho wetèh gıghqò negıchı gà wet'à wekwı k'e nàgeehtł'ı, k'èdaà wekwı nàgeehtł'ı. ³¹ Hanı gık'alaıdè tł'axqò k'àowochozeè yı xàgıhtı gà wegoht'òqò yı nagıhtı. Eyı tł'axqò dechıet'aa k'e wedıtsò ha ts'ò geèhchì.

Zezi dechıet'aa k'e wedıtsò

³² Jerusalem gots'òqò xàgeède ekò kòta Cyrene got'ıi ıde gıazı, Simon wıyeh. Eghqò-dqò Zezi gha dechıet'aa naetıı agıllà. ³³ Eyı tł'axqò Golgotha gòyeh ekò nègıde. (Golgotha gedıı sı “dọ kwıkw'òqò k'è” gedıı-agedı.) ³⁴ Jıetı eyıts'ò tıhtı eleta Zezi ghàgıdı, mòhdaa wewàhqqdı hanıkò yets'è ha nıwq-le. ³⁵ Zezi dechıet'aa k'e dexegıhtsò tł'axqò wegoht'òqò eletaàgeelè gha eghqò-dqò ekw'qà k'egehdè. ³⁶ Eyı tł'axqò dèe k'e

geèhkw'e gà gıxoehdı. ³⁷ Ayı gık'e nıdahogııꝛꝛ sı dek'enègııtl'è gà wekwı godoo dawhetꝛꝛ agıllà. Dı hanı dek'eèhtl'è: dı Zezı hot'e, Israel got'ıı gha K'àowocho, dek'eèhtl'è. ³⁸ Doju nàke weghꝛhk'eè dexegııhtsò. ³⁹ Dꝛ gıxanaedè sı yatııı t'à gık'adaedè xè gıts'ꝛ nòkwıgeeye, ⁴⁰ hagedı, “ ‘Nòhtsıkꝛ-gocho wedıhoıhtsı ha eyıts'ꝛ tı dzeè t'à nagoıhtsı ha, nıdı ilè. Hot'eè edaxàdıte! Nòhtsı Weza anet'e nıdè dechıet'aa k'e ts'ꝛ hodàıtlà,” gııhdı.

⁴¹ Eyı xèht'eè yahtı-gha-k'aodèe, Nòhtsı-yatıı-k'ègedı-dꝛ eyıts'ꝛ qhdah gıııı sı gık'adaedè, ⁴² hagedı, “Dꝛ eyıı-le edaxàwhela, hanıkò edaxàdeetè ha dıı! Israel got'ıı gha k'àowocho ehı hadı ne! Dechıet'aa k'e ts'ꝛ hodàèhtlà nıdè gogha ehkw'ı adı ha. ⁴³ Nòhtsı ts'ꝛ wıı nàtso ne. ‘Nòhtsı Weza aht'e,’ edeghꝛ hadı ilè. Hot'eè Nòhtsı edaxàıhtè,” gedı. ⁴⁴ Doju nàke weghꝛhk'eè gıdıtsò sı, ededı sı, gık'adaedè.

Zezi elatwo

⁴⁵ Dzətanı nıꝛꝛ ekò tı sadzeè ts'ꝛ eyı nèk'e hazꝛꝛ ts'ꝛ togoòtl'ò agòjà. ⁴⁶ Tı nıꝛꝛ ekııyeè Zezi hòtl'ò whezeh, hadı, “Eloı, Eloı, lama sabahtanı?” (“Eloı, Eloı, lama sabahtanı?” gedı sı “Senòhtsı, Senòhtsı, ayııha sets'ꝛ anejà?” gedıı-agedı.)

⁴⁷ Dꝛ mòhdaa eyı nàgeèhzaa sı gıkw'o ekò hagedı, “Nakwenàꝛꝛꝛ Elijah hayahtıı adı,” gedı.

⁴⁸ Ekòet'ıı dꝛ ilè ekꝛ tımqèhza, ehtl'ı lanı, jıetı dııts'aa ta nawhehtsoò ayıllà, dechı nedè welꝛ wexeetl'ıı ayıllà gà Zezı wewà k'e ayehtı. ⁴⁹ Dꝛ eyı nàgeèhzaa sı hagedı, “Hòt'a whatsꝛ awet'è. Waghàts'ııdà, asıı Elijah edaxàyehtè ha lı,” gedı.

⁵⁰ Zezı k'achı hòtl'ò whezeh tl'axꝛꝛ nꝛꝛde xàèhı.

⁵¹ Ekìiyèè k'e Nòhtsìkò-gocho goyì enìt'ì nedèe ìdòò gots'ò ɪzhìi ts'ò tanì ɪats'ɪdla, eyits'ò dèè hòt'ò nàgoèhdò xè kwe ɪats'ɪdla. ⁵² Kwe yìi dɔkw'òò whelaa k'è ɪats'ìgoɪdla eyits'ò dɔ degaì ɪò ɛɪààgɪdè ɪlèè sù nagìdà. ⁵³ Dɔkw'òò whelaa k'è gots'ò xàgɪdè, eyits'ò Zezì naidà t'axòò, Jerusalem ts'ò geède, ekò dɔ ɪò gogɪaɪ.

⁵⁴ Eghòò-dòò gha k'àowo eyits'ò eghòò-dòò Zezì xoguhdi ɪlèè sù dèè nàgoèhdò eyits'ò hazòò gɪdàà hagòjà ekò, sù geèhyeh, hagedì, “Ehk'w'ì t'à Nòhtsì Weza hòt'e!” gedì.

⁵⁵ Ts'èko ɪò t'asìi t'à Zezì ts'àgedì t'à Galilee nèk'e gots'ò gɪk'èè k'edè ɪlèè sù ìdè hoògò nàgeèhza gà dànàhòwoo sù goghàgeeda. ⁵⁶ Mary-Madlè, Mary, James eyits'ò Joses gɪmò, eyits'ò James eyits'ò John gɪmò eyì ts'èko haàt'òò goxè agèt'ì.

Zezì wekw'òò nìtò

⁵⁷ Xèhts'ò agòjà ekò dɔ ahxee Joseph wìyeh eyì nìit'la. Kòta Arimathea got'ìi hòt'e, Zezì cheekèè whelì ɪlè. ⁵⁸ Eyì dɔ sù Zezì wekw'òò hodàechi ha k'àowo Pilate ts'ò èht'la. Pilate weyatìi k'e Zezì wekw'òò weghòt'ò. ⁵⁹ Joseph, Zezì wekw'òò neyìchì gà eht'ì nezzì wemoèhdòò ayìl'la. ⁶⁰ Wets'ò kwe yìi dɔkw'òò ɪt'ò-le sù ekò yekw'òò nèy'ɪt'ò. Eyì t'axòò kwe nechàa enìzòò ayìl'la gà naèht'la. ⁶¹ Mary-Madlè eyits'ò Mary eyìi-le dɔkw'òò whetòò wetadà geèhk'w'e ɪlè.

Eghòò-dòò Zezì wekw'òò xoguhdi

⁶² Ek'èdaedzèè k'e, Nòhtsì wedzèè k'e, yahtu-gha-k'aodèè eyits'ò Pharisee gɪl'ì sù k'àowo Pilate ts'ò

geède. ⁶³ Gıts'ò hagedı, “K'àowo, eyı dọ-ghọyae2àa-dọò họt'e ı̀lè. Ị̀l̀aà eda ekò dàdı ı̀lèè sù wenats'edı, ‘Tai dzeè k'ehọọwo t'axọò-ı̀dè naèhdà ha,’ hadı ı̀lè.

⁶⁴ Eyıt'à neyatı dahxà eghọọ-dọò kwe yı dọkw'ọò whetọọ k'è tai dzeè ts'ò gıxoehdı agıle. Hanelà-le nıdè wecheekè wekw'ọò geezı ha ne. Eyı t'axọò dọ hazọò ts'ò, Zezı naıdà, gedı ha ne. Hanı hogets'ı nıdè gıts'ọ k'àowo nahk'e hogets'ı ha,” gııhdı.

⁶⁵ K'àowo Pilate gots'ọ hadı, “Sets'ọ eghọọ-dọò mọhdaa edexè aahlè. Zezı wekw'ọò whetọọ k'è dànı gıxoehdı ha dahwhọọ sù k'èè agıahlè,” gòhdı.

⁶⁶ Eyıt'à Zezı wekw'ọò whetọọ ts'ò geède eyıts'ọ dọ wıızı t'asayele ha-le t'à, kwe nechàa enıızọ agıılà gà enıgııhdzeh gà eghọọ-dọò gıxoehdı agogıılà.

28

Zezı naıdà

¹ Nọhtsı Dzeè t'axọò sa xàdaa2a ekò, Mary-Madlè eyıts'ọ Mary eyı-le Zezı wekw'ọò k'ageehta ha ekọ legeèhtl̀a.

² Họtsaa dèè hòt'ò nàgoèhdọ. Gots'ọ K'àowo weyak'eet'ıı yak'e gots'ọ kwe yı gòzọọ ts'ò hodàèhtl̀a, kwe nechàa enıızọọ sù yıızọò deyeèyı gà yeka wheda. ³ Yak'eet'ıı wek'e saıdı xè wegoht'ọò zhah lanı. ⁴ Eghọọ-dọò, Zezı wekw'ọò xogıhdı ı̀lèè sù, sù geèhyeh t'à gıts'ehı xè dọ elıdè lagejà.

⁵ Yak'eet'ıı ts'èko gots'ọ hadı, “Dahjı-le. Zezı dechıet'aa k'e elıwoò sù wekak'eaht'ı aahıt'ı wek'èehsọ. ⁶ Jọ wheda-le, naıdà ı̀lè. Hotı hade ha dı ı̀lèè k'èè ajà. Jọ leahtl̀e, edıı wekw'ọò whetọ ı̀lèè sù wet'axọò k'eaht'ı. ⁷ Ị̀whàà wecheekè gıts'ọ naahdè gà dıı hagıahdı: ‘Elıwo gots'ọ naıdà.

Naxɪnakweè Galilee nèk'e ts'ò ade ha. Ekọ weahzì ha,' gìaahdi. Hòt'a naxɪdaehsɪ họt'e," gòhdi.

⁸ Eyit'à ts'èko dọkw'ọ̀ọ̀ whetọ̀ọ̀ k'è gots'ọ̀ ɪwhàà nàlẹgèh̄tla. Geejɪ, hanìkò sù gɪnà nàhòwo. Gɪxè dàgòjàa sù Zezì wecheekeèdè ts'ò hagedi ha tɪmọgeèza. ⁹ Họt̄saa Zezì gonìhdọ̀ọ̀ èhtla, "Naxɪxè sìghà welè," gòhdi. Gits'ọ̀ geède, wekè dagiachì gà gɪghàsọgeedi. ¹⁰ Zezì gots'ọ̀ hadi, "Dahjɪ-le. Sechi gits'ọ̀ aahde gà seḡha dɪ hagìaahdi, 'Galilee nèk'e seahzì ha t'à, ekọ ts'ò aahde,' " Zezì gòhdi.

K'aodèe godi gèhtsɪ

¹¹ Eyɪ ts'èko nàke ɪdè nàlẹgèh̄tla ekò eghọ̀ọ̀-dọ̀ọ̀ mọhdaa kwe yɪ Zezì wekw'ọ̀ọ̀ whetọ̀ọ̀ k'è kex-ogũhdi ɪlè sù yahtɪ-gha-k'aodèe ts'ò geède, gɪdaà dàgòjàa sù hazọ̀ọ̀ gots'ọ̀ hagedi. ¹² Eyit'à yahtɪ-gha-k'aodèe eyits'ọ̀ ọ̀hdah gɪlɪlɪ ełegiadi, ayɪ dàgele ha sù gha yatɪ gèhtsɪ. Sọ̀mba ɪọ̀ eghọ̀ọ̀-dọ̀ọ̀ ghàgɪla ¹³ xè gots'ọ̀ hagedi, "Dọ ts'ò dɪ haahdi ha: 'To ts'ete ekò wecheekeè eyɪ nègɪde gà gonaàhtọ̀ọ̀ wekw'ọ̀ọ̀ negiichì nọ̀ọ̀,' gìaahdi ha. ¹⁴ K'àowo Pilate yeghọ̀ ɪkw'o nɪdè wets'ọ̀ gots'ede ha, hanì-ɪdè naxɪgha hoìla ha-le," gògedi. ¹⁵ Eyit'à eghọ̀ọ̀-dọ̀ọ̀ sọ̀mba nègɪwa eyits'ọ̀ yahtɪ-gha-k'aodèe dàgògedɪ sù eyɪ k'ègè gogɪde. Dɪ dzeɛ ts'ò Israel got'ɪ eyɪ godɪ giit'ɪ họt'e.

Zezì edecheekeè hazọ̀ọ̀ nèk'e ts'ò gòhza

¹⁶ Zezì, "Galilee nèk'e shìh whezọ ts'ò aahdè," gòhdi ɪlè t'à wecheekeè hoònọ-daats'ọ̀-ɪlè ekọ ts'ò agejà. ¹⁷ Zezì gɪazɪ ekò gits'ọ̀ nàgòh̄gè, hanìkò dọ mọhdaa gɪgha hotɪ-le. ¹⁸ Zezì gogà niitla xè gots'ọ̀ hadi, "ɪdòo yak'e eyits'ọ̀ dɪ nèk'e t'asì hazọ̀ọ̀ ts'ò

k'àowo eh̄ ha seghàhòt'ò họt'e. ¹⁹ Eyit'à hazòò nèk'e ts'ò aahde, dọ hazòò xàzaa secheekè aahtsì. Nòhtsì-Gotà wɪzì, Weza wɪzì eyits'ò Yedàyeh Nezu wɪzì t'à gɪk'ètaldzòò agiahlè. ²⁰ Eyits'ò yatì hazòò naxìghàihzòò sù gɪk'ìt'e ha hoghàgɪahtò. Nòde dzèè agode ts'ò t'aats'òò naxìxè aht'e ha họt'e,” gòhdi.

Nòhtsı Nıhtl'è
Dogrib: Dogrib Genesis & New Testament New
Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

dccb8cb-87c9-5afe-9ac6-f62c4ade3a81